




Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.6.32







Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.6.32





Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.6.32



Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.6.32



1 A'.6

1. 6. 32

725



VII 7  
ALM







N<sup>o</sup> 5

EILERDI ALMÆ  
JUNIORIS PHRYSII

B E L L V M  
G I G A N T E V M.



A D  
ILLVSTRES ET GENEROSOS  
COMITES AC DOMINOS  
*Phrysiæ Orientalis.*




LVGDVNI;  
Apud Renatum Postelerium.

cId. Id. LXXXVIII.

1588







AD  
ILLVSTRES AC GENE-  
ROSOS COMITES, DOMINOS

EDZARDUM ET IOANNEM FRATRES,  
Comites & Dominos Phrysiæ Orientalis,  
Dominos suos clementissimos



P R Æ F A T I O.

C O E L O tonantem crediderat Iovem  
Gravi vetustas territa fulmine,  
Virtute Fratres eminentes  
Et Phrysiæ Comites Eöæ:  
Auxit timorem post quoque numinis,  
Vltor subacti cùm patris, impios  
Titanas, immanemq̃ue turmam  
Vindicibus domuit sagittis.  
Sed sumtuosis tunc priùs hostiis,  
Et victimarum cæde bidentium,  
Res acta sacris, & Sabæi  
Thuris Arabs lacrymas cremavit.  
Centum iuventus horrida brachiis  
Telluris ira cùm super ardua  
Coeli viam crebris paravit  
Montibus impositis negatam.  
Quos concitatus Iuppiter impetu  
Perfregit uno, castraq̃ue, fulminis  
Per aërem moto tumultu,  
Auspiciis pepulit secundis.  
Nunquàm diremtum post ope Cœlitum  
Inordinati pondus iners Chaüs,  
Tanta laborârunt ruina  
Tartareæ superæq̃ue sedes.

\* ij

Non



P R A E F A T I O.

Non trux Echion defuit hostium  
 Rebus gerendis, cumque Damasore  
 Phæacionatus Phalacro  
 Eurymedon dominator audax:  
 Immane quodvis in Superos scelus,  
 Et quidquid usquam concipitur nefas  
 Patrare, commotoque bello  
 Omne genus feritatis ausi.  
 Quos congregati in simul omnibus  
 Ab usque mundi finibus acriter  
 Ivere contra, nec parente  
 Scepstrigero minor alma Pallas.  
 Hinc, quem columnas orbis ad ultimas  
 Vexere tigres, constitit Euihus,  
 Gangetico clarus triumpho  
 Et spoliis Orientis auctus.  
 Et ipse falso natus Apolline,  
 Qui Trismegistum protulit inclytum,  
 Asclepius, primus vel auctor,  
 Vel medicæ reparator artis.  
 Illinc Lacoenæ Castor adulteræ  
 Polluxque fratres, & socer Oebali  
 Perseus per obstantes catervas  
 Explicuit sua primus arma.  
 Magnus Creontis nec gener abfuit,  
 Virtute sedes qui tenet igneas,  
 Victorque turbavit refracto  
 Terribiles Acheronte manes.  
 Adversus illos nil furor insolens,  
 Iunctumque gnatis robur Aloëi:  
 Non impotens quid fortitudo  
 Centimanivaluit Typhoei,  
 Qui nigra fulvæ regna Proserpinæ,  
 Qui judicantem spreverat Æacum,  
 Et carceri jam mancipatum  
 Clauserat ætherium Tonantem.

Casi



P R A E F A T I O .

Cæsi Deorum seriùs , ocyùs ,  
Omnes ad unum turbine flammeo:  
Aut saxum traxère, visa  
Ægide Palladia , rigorem.  
Hunc Ætna vasto pondere Trinacris:  
Illum cõercet mole Vesevius,  
Semperque fumos æstuentes  
Faucibus Alcyonêi volutat.  
Pars iniqui vi maris obruta:  
Pars missa forti sub Stryga fulmine,  
Vltrice Dirarum flagello  
Tartarea cohibetur unda.  
Illic trecentis bellua centiceps  
Cogit catenis quotquot ad æthera,  
Vi propria , Divûm timore  
Posthabito , penetrare nisi.  
Quos in ferentes jura silentibus  
Mirum severi supplicij genus  
Cudunt, & intorti capillis  
Eumenidum reparantur angues.  
Vt quid superbum quàm dominum Elidis,  
Præterque sævum Tartara plecterent  
Corinthium, longeque tractum  
Visceribus Tityonnovenis:  
Nec semper undis vana fluentibus  
Mirentur umbræ dolia Belidum ,  
Pœnamque se semper sequentis,  
Et medio sitientis amne.  
Novus sed instat Cœlitibus labor  
Ab æris qui munere vescimur,  
Secura nec cœlo Mimantis  
Parta quies Briarêique fato.  
Humana nam gens, omnia perpeti  
Audax, superbit per vetitum nefas,  
Instar Gigantis cuncta turbans  
Iura animo malè pertinaci.

\* iij

Radice



P R A E F A T I O.

Radice motum Pindon Olympico  
Non praeliantes vertice subdimus:  
Ad astra non vultas cupressos,  
Nec veteres jaculamur ornos.  
Molitur intus mens quid acerbius,  
Suaque laesum stultitia Iovem  
Irritat, infandisque factis  
Ponere non patitur furorem.  
Rarus Deorum cultor & infrequens,  
Rarissimus qui degere cogitet  
Ab insolenti temperatam  
Luxuria vitiisque vitam.  
Quin & professi (triste nefas piis)  
Sub Christiano nomina tegmine,  
Vel turpiora insaniente,  
Sacrilegoque patrant Typhoeo.  
Hinc pestis atrox, hinc mala febrium,  
Lethique mundum dura necessitas  
Invadit: hoc punit rebelles  
Fulmine, & imperio coercet.  
Accedit illis victor Arabs malis,  
Nunc Ottomanni roboris impia  
Ut contumax affinitate,  
Sic furiis superans Gigantes.  
Qui Marte vexans nos, tua viscera,  
Irae exequutor iuste Deus tuae,  
Et te simul falso tuumque  
Dedecorat Mahomete Christum.  
Quousque tandem degener irruet  
In nos potenti Sarmata dextera,  
Impune fortunas suorum  
Immerito redimens cruore?  
Ceu tigris atrox littore Caspio,  
Aut aestuosis saltibus Africae  
Lexa saevit, quam furentem  
Per medias rapit ira caedes.

Qua



P R A E F A T I O.

Quæ non necatos foeta premit viros  
Tellus, & omnes illaerymabiles?  
Miserta quæ non gens laborum,  
Imperiiq̃ue gravis ruinæ?  
Quà Trôis Eös abnurus exserit  
Bigas, Idumes est mera servitus,  
Et cuncta terrarum subacta  
Solis ad Hesperium cubile.  
Civilibus dum (prò pudor & dolor)  
Nos occupati seditionibus,  
Quod gessimus nomen decusq̃ue  
Hostibus obruitur sepultum.  
Pauci reversi pulvere bellico  
Gaudent minaci murmure cornuum,  
Sed fulgor armorum fugaces  
Terret equos equitumq̃ue vultus.  
Virtus repulsæ nescia sordidæ  
Elangüit: vis prisca remittitur:  
Inutilem jactamus auram  
Laudis & antè dati decoris.  
Sectamur una mente libidines,  
Vanosq̃ue fastus, & Semelëii  
Pro Marte lymphatos furores  
A tenero meditamur ungue.  
Tandem madentes (hoc scelus additur)  
Insanientis munere Liberi  
Confundimus crateras inter  
Prælia sanguineasq̃ue rixas.  
Hinc delicato dedita luxui,  
Breviq̃ue pubes mollis anhelitu  
Evirat hostes, & probrosæ  
Militiæ sequitur juventæ.  
Vt sic ab ipso flore brevissimos  
Ætatis annos nequiter exigit,  
Cogatur aut tristem senectam  
Degere, nec lacrymis carentem.

At



P R A E F A T I O .

At interim Thrax asper acinace  
 Nostris ruinas urbibus ultimas  
 Impunè spondet, nè qua nostris  
 Opprobriis vacet ora mundi.  
 Armantur in nos æra Corinthia,  
 Priùs Scytharum sparsa cruoribus  
 Iugisque telum subministrant  
 Fraxinus Æmoniis recisa.  
 Novum minatur Græcia militem:  
 Classẽ minatur littus Achæicum,  
 Nos ocio quæ diffuentes  
 Excutiatque gravi veterno.  
 Hanc fabulosa saxa Capharèi  
 Suspecta Grajis, non mare Chalcidis  
 Submerget, Ægæoque sparsæ  
 Cyclades innumeræ profundo.  
 Non Tanarus, non ipse morabitur  
 Contrà ruentis ventus Iapygis.  
 Aspirat hosti nam secundas  
 Pro meritis Deus ultor auras.  
 Sparsas Sicani gurgitis insulas  
 Iam navigantes, æquor Atlanticum  
 Petunt, Abilam transituri,  
 Et calidæ freta parva Calpes.  
 Vt Gaditanis & Baleâribus  
 Prædas agentes, terga domesticus  
 Miles laceffet, sive Cresso,  
 Sive mari velit Adriano.  
 Quid nos? an illis tendimus obvias  
 Pinus? an alto brachia remigum  
 Vrgemus? haud fervore tali  
 Res agitur, populi que languor.  
 Vixêre bellis nuper idonei,  
 Et militari non sine gloria:  
 Fuêre tunc vestes & arcus,  
 Opposita que rates Tyrannis.

Auri



P R A E F A T I O .

Auri tenaces nunc malè cogimus  
Magnos acervos, nomine pauperes:  
Quò favus exstructis in altum  
Divitiis potiatur hostis.  
O facta muto digna silentio,  
Obliviosus vos pudor obruat,  
Nè manet in seros nepotes  
Opprobrium venientis ævi.  
Mutata quantum fama Quiritium  
Fulgens Tonantis cùm Capitolium  
Stetit, triumphatoque jura  
Roma ferox tulit æqua mundo.  
Cùm penè metas ad orbis ultimas  
Solo tremendi nomine Cæsares,  
Et fascibus victi togatæ  
Terga dabant ferienda genti.  
Nil fascium nunc efficiunt minæ:  
Nil nunc secures: occidit, occidit  
Spes omnis & fortuna nostræ  
Laudis, & imperii vetusti.  
Quis Sole fuscas Seras, ab ultimo  
Quis imminentes orbe Quiritibus  
Arcebit Indos, antè nostris  
Militibus dare terga suetos?  
Inhospitalem quis Deus Axenum?  
Quis reddet altæ regna Propontidis?  
Byzantii tristes ruinas  
Quis reparabit, opesque lapsas?  
Equis alendis quis dabit Hippium  
Argos, vetusti non memorabile  
Opus Phoronæi? quæ reducent  
Arma Pelethronios jugales?  
Nunc ora frenis subdita barbaris  
Ægrè ferentes, & sua Concanis  
Vectoribus, pictisque terga  
Thyssagetum phaleris premenda.

\* \*



P R A E F A T I O .

Arces fuerunt quas satus Atræo  
Rexit : fuerunt moenia Cecropis  
Dissecta non leni periclo,  
Taygetesque domus Lacoenæ.  
Accessit olim navita liberè  
Tumultuantis littora Bospori,  
Syrtesque Getulas, & Afros,  
Quæque tumens rigat arva Nilus.  
Mæotin ultra, quâ Tanâis celer  
Cadmi sororem matre Promethæi  
Secernit, explorare terras  
Ausus Hyperboreo sub axe.  
Quas nunc pudendo servitio premens,  
Missis in altum classibus occupat,  
Incontinens multa triremi  
Missilibusque Getes sagittis.  
Et quis cruenti finis erit mali?  
Quis Marte Thracum proteret impias  
Turmas, ab infanda Ismaëlis  
Progenie scelus omne doctas?  
Non si resurgat Carolus imperi  
Auctor: resurgat quintus ab Austria,  
Qui victor æternos honores  
Barbaricis meruit triumphis.  
Quem vorticosi non furor æquoris,  
Non terruit trux Afer, & Æthiops,  
Iam classe formidandus, actò  
Marte suo è folio Tyranno.  
Non si resurgat, quæ generosius  
Vivat, juvenus, nec muliebriter  
Pavescat hostes imminentes  
Pro patria moritura laude.  
Non si resurgat quidquid erit virum,  
Et quidquid ætas antè tulit, queat  
Damno senescentis mederi  
Orbis, & imperii labantis,

Vide-



P R A E F A T I O.

Videmus Atlas quàm malè, & obrutus  
Armis Niphates sustineant onus  
Hostile, quàm duro laborent  
Othrys Athosque jugo subacti.  
Iunctos videmus Iazygibus Daäs  
Parare nostris fata Quiritibus :  
Extraque præscriptum Gelonos  
Pannonicis equitare campis.  
Omnes fatigant fulminis alitem  
Cui rex Deorum Cæsareum dedit  
Sceptrumque Germanumque nomen  
Vertice bisgeminio tueri.  
His reprimendis fortiter hostibus  
Opus juvantis magna Iovis manus,  
Bacchusque qui sævo renatum  
Supplicio cruciet Lycurgum.  
Desideramus testum adamantino  
Thorace Martem : Palladis ægida,  
Phœbumque qui Thracem retundat  
Auxiliante Sororis astu.  
Desideramus cedere nescios  
Heroäs acres o Is superis pares,  
Qui præferant aris focusque  
Militiæ mala destruendis.  
Virtusque Tullinota requiritur,  
Qui dissolutos molliter ocio  
Ad arma cessantes, ad arma  
Concitet, excutiatque somno.  
Hæc cuncta solus, summe Deus, potes,  
Cui quadriformis machina conditi  
Inservit orbis, conditumque  
Numine qui regis unus æquo.  
Sis immolata lenior hostia,  
Gnati que mitis sanguine tradito:  
Reatibus tu parce nostris,  
Parce gravi metuendus ira.

\*\* ij Inju-



PRÆFATIO.

Injurioso nè pede proruant  
 Parvas popelli reliquias tui,  
 Qui continenter te tuamque  
 Nocte dieque petunt salutem.  
 Compesce tantas, magne pater, minas  
 Telotrisulci fulminis alite:  
 Vel fractus illabatur orbis,  
 Quò reprobum feriant ruinæ.  
 Districtus ensis vel super impia  
 Cervice pendens, facta redarguat:  
 Vel mille blasphemum cohortes  
 Aligerùm juvenum trucidant.  
 Sicut repressus dives Achæmenes,  
 Fretus Syrorum robore, non timens  
 Formidulosis te tuumque  
 Opprobriis onerare templum.  
 Quocunquè vertat se, tua numinis  
 Vindex eodem scandat & ultio,  
 Quò mentis atrox inquietæ  
 Carnificina premat fugacem.  
 Dum Dacus asper teque tremant Scythæ,  
 Gentesque fines orbis ad ultimos:  
 Te corda regum barbarorum  
 Purpureique colent Tyranni.  
 Te vindicem, quâ Sol habitabiles  
 Illustrat oras, suspicient tuæ  
 Ecclesiæ, ô tutela præsens  
 Imperii, dominæque gentis.  
 Sed quid relicto Musa procax scopo,  
 Nostro retractas nania seculo  
 Ingrata? non hoc instituto  
 Conveniet, levibusque cœptis,  
 Ad vos revertor, quos simul ingeni,  
 Heroës ambo, foetus adit mei,  
 Infantiam balbutienti  
 Ore suam, velut antè, prodens.

Vt



P R A E F A T I O.

Vt si sinistro natus Apolline,  
Tristi sub auras prodierit die:  
Vel frigidi semotiores  
Obstiterint malè Solis ignes.  
Saltem sit illo fidere lætior,  
Vestroque crescat numine Principes  
Feliciter, seramque vestris  
Auspiciis videat senectam.  
Nil dente livor detrahat, omnia  
Severiori jure redarguens:  
Nil expavescat quas inuret  
Asper Hypercriticus lituras.  
Hoc magna vestri gratia nominis,  
Notusque, Fratres, efficiet favor,  
Virtute laudem gloriamque  
Sanguinis Hectorèi tuentes.  
Nam pars cremato gentis ab Illo  
Iactata Tuscis æquoribus, Phryges  
Superstites, Divaque natum  
Pertulit Ausonias ad vrbes.  
Pars acta Ponto, regna binominis  
Invasit Istri, pullaque Thracibus  
Adusquè Cauchas venit oras,  
Pro Phrygibus Phrysi vocati.  
Tantum vetustas imminuit, loco  
Vt una vero littera cesserit:  
Sed nil avitæ dignitatis  
Occiderit, veterisque famæ.





## Epigramma

AD LECTOREM

De quatuor Belli Gigantei libris.

**A**CRES *Iliadum* pugnas ultróque citróque  
Duris cum Danaïs horrendo Marte peractas  
Siquis scire volet, bis sena volumina vatis  
Dardanidum volvat: multis primordia belli  
Nam diuturna refert, versutas scribit & artes  
Et furias Danaum, & miseranda excidia Troia.  
Siquis at audaces pugnas montesque Gigantum  
In superos non vidit adhuc, cupiatque videre,  
Hosce terat libris variis gravibusque refertos  
Vocibus & rebus, merito dicatur ut alter  
Cum lauro viridi vates, vatumque secundus.  
Eia agendum Lector, gratos decerpito flores,  
Sopitos curis animos, nimioque labore  
Solari poteris: divum reverentia qua sit,  
Atque scelestorum qua sint tormenta videbis.

D. P. G.

Ejusdem in Sycophantas.

**A**LTERIVS famam summa qui mittit ab arce,  
Et rapido insontem distrahit ore virum;  
Ocyus hinc fugiat vento, celerique sagitta,  
Ni velit a claris exul abire choris.  
Aut linguam discat frano cohibere procacem  
Atque quod est nitida voce referre sciat:  
Aut vituperii saltem monstretur origo,  
Delator vitii verus ut esse queat.













B E L L I  
G I G A N T E I  
L I B E R P R I M U S.



**A**rima virósque cano, Terra omnipotentis alumnos,  
Vi magna aetherias quondam rescindere sedes,  
Devictumque Jovem superis detrudere regnis  
Aggressos, sævæ memorem Telluris ob iram.

Tu rege conatus tantos, atque annue coeptis  
Phæbe pater, primâque irarum ab origine causas  
Tantarum memora, atque animis illabere nostris.  
Vos quoque Piærides, sit fas mihi numine vestro  
Pandere res alta vaturn caligine mersas,  
Quæque reposta latent superas efferre sub oras.  
Et tu noster amor, parva quem Mincius urbe,  
Mincius eduxit vatem, vaturnque parentem,  
Adsis, ô, tandem, & tua per vestigia euntem  
Desere nè, tenuique tuas in carmine vires  
Inspira, ardentes dum, accingor dicere pugnæ.  
Non ea vis opis ingenitæ, non indolis hujus,  
Ni faveas, nostroque Mæro te pectore verses.

In primis animæ illustres, insignia nostro  
Heroum decora ævo, hoc mecum evoluite bellum,  
Non auersati officij præsentis honorem.

A



*Aspirate, precor, timido, cursûsque juvate  
 Incoeptos, pelagóque damus dum vela profundo,  
 Crebrescant oprata auræ, portûsque pate scat.  
 Tempus erit quondam, lustris labentibus, atas  
 Cum matura viri seros indulserit annos,  
 Ut graviora feram, vestrasque juvantia mentes.*

*Postquam res Cybeles, primique evertere gentem  
 Oceani visum Superis, & pulsus Ophion  
 Eurynoméque, Deum imperiis ad Tartara misit:  
 Unus erat Coeli terræque aterna potestas  
 Juppiter omnipotens, genus alto à sanguine prisci  
 Saturni, totum primus qui legibus orbem  
 Subdidit, & fratrem contra nova bella parantem  
 Misit in imperium gnatum, fascésque receptos:  
 Ille, triumphatis victor Titanibus, arma  
 Jam desueta poli pro libertate movebat,  
 Regnæque constituit, crudeli Marte subactis  
 Centibus innumeris, supra Garamantas & Indos,  
 Auræque evicto reparavit secula mundo.*

*Sola parens Tellus ira irritata Deorum  
 Jam pridem, & longo nec- dum exsaturata dolore,  
 Tristia molitur Superis infensa, Jovisque  
 Successu dolet, & felicibus invidet armis.  
 Ingeminant curæ: manet alta mente reposta  
 Titanum strages, tantique injuria belli.  
 Tympana nil buxûsque juvant, Corybantiæque æra:  
 Idei jura non montis, non Dindyma cordi:  
 Non Curetis humus centum digesta per urbes  
 Delectat tales jactantem pectore curas,  
 Quam tamen, ut fertur, terris magis omnibus unam*

*Posthabito.*



Posthabito coluit Cybelō. hīc cymbala prīmū  
 Inventa, & tacitis servata silentia sacris.  
 Bellum animo movet, hoc fixum immotūque volutat,  
 Ultorēque iterū sperat, qui dedecus armis  
 Expiet illatum: qui rupe Promethea fixum  
 Eripiat Scythica, volucrisque immanis ab ore:  
 Assiduis tantū immortalī corde diebus  
 Tundentis, quantū brevior mora nocte reponit,  
 Omnis in illius caræ stat cura parentis  
 Supplicio, vellētque Deos qui vertice fulcit,  
 Axem humero torquens, oneri succumbere Atlas  
 Miscerētque sua coelūque Erebusque ruina.  
 His commota super, magnōque incensa dolore,  
 Talia flammato effundit de pectore dicta.  
 Heu cælum invisum, & satis contraria nostris  
 Fata Jovis: num, cū primō prodiret in auras,  
 Ingluviem pauisse patris, lethōque futurum  
 Prævertisse nefas potuit? num deinde seniles  
 Insidiæ, sceptrique timor nocuere? coactis  
 Millibus an (riusque acer fortisque Hyperion  
 Effecere aliquid? fauces artēsque per ipsas  
 Arte viam invenit: se fraudibus ipse Promethei  
 Erui, ut toto narremur fabula coelo.  
 Nunc quid agam? gnātōne semel densa priores  
 Ulciscar? poterōne iterū me offerre periclis?  
 Possem equidem, ast aliud vereor: nam notus Adulter  
 Cum spuris tenet imperium, atque accumbere Divū  
 His epulis donavit, & insuper addidit astris.  
 Parrhasis hinc Arctos, materque Lyaōne creta  
 Successere polo, clarōque in lumine Perseus:

A ij



Quaque novus Tyriis aperitur cornibus annus  
 Oebalida gemini, & metuenda Atlantides ortu.  
 Illinc ense minax vicinos territat Austros  
 Orion, centumque alia atque biformia monstra.  
 Quid referam imbellem sexum, atque ignobile vulgus  
 Cassiopen, Danaësque nurum, atque Hyadas pluviolas,  
 Totque nothos, & scorta Deorum in jura recepta,  
 Omnes quæ vetitum Jovis ascendere cubile.  
 Nos sperata seges vacuis eludit avenis.  
 Ipse scelus patrio exutos Titanas honore  
 Fulmine sub Stryga detrusit: Saturnia turpes  
 Ultra toros sauis Ió exercuit oestris:  
 Mæsta soror Pelopis natorum funera cernens  
 Marmore dirigit: Pythonem sternere Phœbo  
 Posse datum, atque inimico à sanguine sumere pœnas.  
 Pellice quod tantum scelus est, sacrisque negatis?  
 Quid potuit, dum jussa facit, meruisse Typhaon?  
 Ast ego magna poli conjux, & prima Deorum,  
 Nil possum infelix: illi Cocytum, Erebumque  
 Terribilemque movent Acheronta, nefasque parentis  
 Auspiciis requiesse Jouem, ni quidquid ubique est  
 Sub ditione premat, de victo que imperet orbi:  
 Non cælum rapuisse satis, ni & perfidus Indis,  
 Hyrcanisque, Arabisque paret lacrymabile bellum.  
 Nos spes vana tenet, regnumque fovemus inane.  
 Tales illa suo rumpebat pectore questus  
 Tristior, inque nemus Phrygium indignata refugit,  
 Multa movens, nullamque dedit per membra quietem.  
 Precipue magni Aimonis, foris que Meno & I,  
 Atque Anyti casum indignum, & crudelia secum

Fata



*Fata gemit Cui, atque Epimethea luget ademtum:  
 Quàmque cupit placida ut composti pace quiescant,  
 Tam vellet, possent iterùm se evolvere ab umbris,  
 Aut ipso posuisse animas in limine vitæ.  
 Spes sed adhuc superest: Nam ex se labentibus annis  
 Venturam, auxilio quondam omnipotentis Olympi,  
 Progeniem, excidio Superis, sic volvere Parcas  
 Audiêrat, sacras quæ cæli everteret arces.  
 Ergo diversis per noctem exercita curis,  
 Proposuit sibi manè preces descendere in omnes,  
 Et pectus tentare viri, defessa relinquat  
 Nè quid inexpertum, aut animos submittat amori.  
 Talibus intentam, vatum monumenta priorum  
 Dum legit, & quidquid Phæbo cortyna loquente  
 Prodidit, insomnem Pallantias invenit Eos,  
 Primus ubi summa surgebat Lucifer Ida,  
 Ducebátque diem miseris mortalibus almam.*

*Ille rotas currusque parat, frenisque leones  
 Impedit, utque magis possit placuisse marito,  
 Regalem ex humeris chlamydem suspendit, acûque  
 Pictum opus induitur, funditque per ora ruborem  
 Candida purpureum. Ceu fœmina Neaonis ostro  
 Tingat ebur, niveove crocum intertexat amictu.  
 His iuga montis adit Phrygii turbata, virumque  
 Suppliciter petit, & vultum demissa modestum,  
 Alloquitur, lacrymas verba inter singula fundens.  
 Gnate torique simul consors, mea sola voluptas,  
 Ad te confugio curæ casusque levamen  
 Solus enim infandos poteris lenire dolores.  
 Scis certè quàm me miseram sors improba verset,*

*A ij*



Cum primum infelix Lucinae experta labores:  
 Quid Divum per jura cohors, qua fraude nepotes  
 Exuerint regno, & rerum sibi sumere habenas.  
 Contra jusque fidemque ausi, sceptrisque potiri  
 Urit atrox factum: sedet alto pectore vulnus,  
 Coeptaque concedit placidam vix ira quietem.  
 Ipsa meos hausi cineres, hausi ipsa cruorem  
 Gnatorum, & moestum praeberet coacta sepulcrum.  
 Sic thalamos celebramus, & incoeptos Hymenaeos.  
 Demens, heu, placuit tibi cum servire marito,  
 Dotalisque tua terras permittere dextra.  
 Dulcius, heu, prolem, Veneris nec gaudia nosse,  
 Expertemque tori letam extraxisse juventam.  
 Prisca queror: vereor quò se Saturnia vertant  
 Pectora: nam dudum subolet mihi tanta potestas,  
 Aut ruitura, aut altius erectura superbos  
 Ingratosque animos, sine nulla potentia fastu.  
 Quod ramentum inferni, lacus, alta ostia Ditis,  
 Pallentesque Erebi manes, rursusque optime conjux  
 Vertere malum, & propius generis res aspice lapsas.  
 Nam, modò vera canunt afflata numine sortes,  
 Praescia me veterum firmant oracula vatum,  
 Atque orbis dominam prolem, rerumque potentes  
 Promittunt populos, qui nos in sceptris reponant.  
 Sustinui hac equidem spe mentem animumque labantem:  
 Effice tu nè me dubiam sententia fallat:  
 Et merui: per me conjux nam vesceris aura  
 Aethera, per me simul es gnatusque paterque,  
 Teque ipsum generas, geminato ut foedere noster  
 Crescat amor, socii crescat fortuna cubilis.

Per te



Per te ergò, & nostrum nunquàm delebile numen,  
 Virgineâsque oro vitras, ignesque perennes,  
 His, si notus amor, si quid connubia mentem  
 Coepta movent instâ, gremiôque illabere nostro,  
 A Eternûmque genus, spem posteritatis, & alti  
 Progeniem ultricem coeli da maxime conjux.

His lachrymis dubium priûs inflammavit amore,  
 Inflexitque animum: non auersatus ab alto  
 Conjugis in gremium foecundis imbribus Aether  
 Descendit, magnôque immistus corpore, Vestam  
 Molliter amplexus, fudit per membra soporem.  
 Illa dolis gaudet, maternâque tempora complens,  
 Progeniem horrendam sub luminis edidit auras,  
 Omnes Terrigenas, omnes immanibus ausis  
 Aggressos domito Superos excludere Olympo.  
 Tristior haud illis, dum res stetit integra mundo,  
 Pestis in hanc lucem Stigiis sese extulit undis.  
 His Furia cedant, atque agmina sæva sororum,  
 Lurida quas poenis Hecate præfecit Avernis:  
 Ipse Erebi cedat custos, pelagôque creata  
 Virgineâ volucrum facies, & belua Lerna,  
 Quos & inane Chaos tenebroso Acheronte creavit,  
 Terribiles visu formas, Diis que ministras.

Interea secura Jovis Berecynthia mater  
 Leta virûm partu, successu leta secundo,  
 Imperium terris magnôque affectat Olympo.  
 Moliri iam bella manu, iam fidere pugna  
 Audet, & egregia totidem de stirpe nepotes  
 Promittit sibi, qui perfecto temporis orbe  
 Supra omnes virtute Deos armisque resurgant.



Hac spe corda fovens, hac capta cupidine regni,  
 Conventus venit in medios, ubi pinguis purus  
 Irrigat arva Melas penitus convalle virenti.  
 Protinus acciti strepitu simul undique magno  
 Terrigenæ cœunt: fremit omnis murmure campus,  
 Vicinūque nemus, refluītque exterritus amnis.  
 Illa capit tumulum, undē omnes longo ordine possit  
 Illustres animas, magnūque in nomen ituras  
 Titanum legere, & certam spem discere vultu,  
 Quæ sit cuique animo cœpti fiducia belli,  
 Conticuere omnes, & facta silentia linguis:  
 Indē parens Cybele tumuli super aggere totum  
 Concilium circūspiciens, his vocibus infit.  
 Vos, mea progenies, coeli quibus annuit arcem  
 Fatorum series, & stamina fixa Sororum:  
 Nunc olim quorum auspiciis iterū aurea condens  
 Secula posteritas, victis dominabitur astris:  
 Quæ modo Titanes vestras si forrē per aures  
 Nomen iūt Titanum, & notæ injuria cædis)  
 Omnia sub pedibus lata ditione premebant.  
 Non illo majus, vastoque potentius orbe  
 Imperium toto Sol aspiciebat Olympo.  
 Sed meminisse dolor prohibet, luctūque refugit,  
 Coelestes ut opes, & lamentabile regnum  
 Eruerint Superi: longa est narratio, longæ  
 Ambages: ferus in sceleratos Juppiter omne  
 Transtulit imperium spurios, & ad infima misit  
 Tartara Titanas fratres, quos propter & ortus  
 Nunc odit vestros, totāque ab origine gentem.  
 Sed cū fata novis promittant ducere bellum

Auspiciis,



Auspiciis, superásque domos, fataliáque astra  
Imperio subdant, vos hæc in fœdera natos  
Eduxi, fratrum quò continuare labores  
Positis, nostrásque animi componere curas.  
Imperjurata testor stagna alta paludis,  
Non venti cuius jurare & fallere numen  
Egregius cum prole senex, hæc regna domósque  
Esse mihi proprias sedes: his author Ophion  
Eurynoméque fuit, quæ regnis exsul ademptis  
Arma Rheæ fugiens, patriis se immiscuit undis.  
Nunc ea regna manent, & nostros sceptrâ nepotes  
Æternum, & sine fine: nec illis tempora, rerum  
Nec posuit metas favor omnipotentis Olympi.  
Sed scelus heredem exclusit: tenet astra Tyrannus:  
Dedecus hoc, mea progenies, patiere, Jovique  
Nostra peregrino transcribi sceptrâ, vetustis  
Tradita avis atavísque? in regnum admittitur hæres  
Externus, sibi qui rapuit vi, fraude, dolóque  
Imperium, fusoque extorsit sanguine fasces?  
In cassumne animæ tot fratrum morte jacebunt,  
Ausæ omnes patrium per vulnera quærere cælum?  
Gratia non facti, non vos hæc cura remordet?  
Hoc Juno velit, & magno mercetur adulter.  
Creditis ánnæ etiam manes sperare sepultos  
Fraternas acies, & debita jura parentum?  
Imperium quale, & quæ surgere regna viderem  
Robore conjuncto, & fratrum comitantibus armis,  
Hoc igitur volo: vos iterum fraudis que dolique  
Sentiât ultores, atque experiatur in armis.  
Vel, sitantus habet mentes & pectora terror,

B



*Ne quocunque prius miseram consumite letho:  
 Si pereo, Superis me non periisse iuvabit  
 Talia, in expletum lacrymans, effundit, & orsis  
 Substitit in mediis. Cuncti simul ore fremebant  
 Terrigenæ, & dictis commoti erumpere in altum  
 Jam dudum ardebant, gratamque exposcere pugnam.  
 Omnibus idem animus Superos insurgere contra  
 Securos, veteresque redintegrare labores.  
 Ipsa inter medios inuicta leonibus instat,  
 Sanguineam torquens aciem, tum colla caputque  
 Turrigerum quassat, furisque accendit, & iras  
 Exacuit, cæptique serit noua crimina belli.  
 Nec satis immanes Terra irritauerat ausus,  
 Adsunt Tartareis excita sedibus, atra  
 Nocte satæ Eumenides, grave & implacabile numen,  
 Quas idem dolor iratas curæque coquebant  
 Perpetua, cælum propter lucemque negatam:  
 Illæ augent furiale malum, penitusque medullis  
 Vipeream inspirant animam, falluntque veneno.  
 Non latuere Jouem fraudes Telluris & iræ,  
 Ingentesque alto voluit sub pectore curas,  
 Haud fati ignarus, quo tristia bella parari  
 Unius ob furias toto cognoverat orbi,  
 Parcarum nec posse trium decreta revelli.  
 Ergo animum in diuersa rapit, perque omnia versat,  
 Sollicitus quid tanta ferant incendia belli,  
 Humanumque genus mortaliaque arma tremiscit.  
 Quotamen immanes quæ causa accenderit iras  
 Rectius inquirat, quæ spe parer arma, nefandis  
 Quid struat incæptis Tellus, cælumque laceffet:*

*Mercu-*



Mercurium acciri mandat, Zephyrisque vocatis,  
 Ire iubet Penei primos ad fluminis ortus  
 Quaeque Canastrae sunt proxima littora Phlegra.  
 Ut cum prima dies lustrarit lampade mundum  
 Quae loca terrigenae teneant, hominesne ferant  
 Gentis in auxilium veniant, exploret, & omnes  
 Vestiget saltus, Superisque exacta reportet.

Arcas iussa patris parat, & talaria plantis  
 Aurea, quae vectum ventis per inania portant,  
 Induit, & magnis tranat clangoribus auras.  
 Prosequitur surgens à tergo ventus euntem,  
 Intenditque Notis celeres felicibus alas.  
 Jamque per Aethiopas, pluvio de vectus ab Austro,  
 Transierat Thebas, & nigri Memnonis arces,  
 Cumque Paratonio calidas Maeotidos undas.  
 Segnior auditur sedato murmure Nilus,  
 Aërioque Casos se vertice nubibus abdir:  
 Est post terga Pharos: terraque urbesque recedunt,  
 Effugiuntque aciem: caelum undique & undique pontus.  
 Nusquam terra patet: subito cum vespere ab atro  
 Consurgens Boreas sese contrarius offert,  
 Emittitque hiemen, tempestatesque sonoras,  
 Ne meminisse via possit, retróque coactum  
 Excitiat cursu stridens Aquilone procella.  
 Mercurius contrà nunc huc nunc vertitur illuc,  
 Obliquatque sinus pennarum, ut tendere contrà  
 Possit, & adversas eludere flexibus auras.  
 Tentatum succedit opus, longéque jacentes  
 Despectat terras, liquidisque supervolat undis.  
 Cyprus habet dextram, Minoia regna sinistram:

B y



*Carpathus & Rhodos in medio, geminaque Calydna.  
 Pone Lebinthus adest: hinc Melos & alta Cythera:  
 Inde ferax Anaphe, cretosáque rura Cimoli.  
 Illic Myrtoö jacer Astipalea profundo:  
 Hic domus Eurypili, Herculeo direpta furore,  
 Laomedontea postquam perjuria Trojae  
 Ultus, & hospitio Coáque repulsus arena.  
 Nec procul Icarus aperitur fluctibus Andros,  
 Acteóque sinu tellus, ubi Juppiter olim  
 Luferat Aeginam falsis Asopida flammis.  
 Nulla sed Arcadia succurrit gravior ora,  
 Quà sibi prima puer natus cunabula legit,  
 Primus & insano Dryopis succensus amore.  
 Sapius hanc flexo post tergum respicit ore,  
 Et fors omne datum traheret per talia tempus,  
 Naturare viam ni magni jussa parentis  
 Urgerent, monitúsque moras suspenderet omnes.  
 Jamque volans apicem procul alti cernit Olympi,  
 AEmoniásque nives, & celsa cacumina Pindi:  
 Cum subito mugire solum, visúmque sub altis  
 Montibus audiri fragor, & resonantia longè  
 Murmura misceri, & toto increbrescere cælo  
 Armorum sonitum: sonitum Deus auribus haurit  
 Jam propior certum, & pulsa caliginis umbra,  
 Ecce Typhoeos habitus, suspectáque cernit  
 Arma procul: primo aspectu conterritus alas  
 Sustinuit, cupiensque oculos explere videndo,  
 Miratur molem ingentem, auditúque tremendam  
 Impexámque comam, & pendentes pectore crines.  
 Nuper ut Hesperias gentes perque æquora vectas*

Barba-



*Barbatas hominum facies stupuere Cacicum  
 Barbara gens, procul à nostro disjuncta Boöte  
 Et matutino Phoebi surgentis Eoo.  
 Tandem Terrigenas, dum singula lumine lustrat  
 Rectius, agnoscit turmas, metuensque pericli,  
 Obscuris circum nebulis atque aëre septus,  
 Infer se, totamque avidus cognoscere gentem,  
 Per medios graditur cuneos, neque cernitur ulli.  
 Omnes, arma fremunt, omnes simul arma requirunt,  
 Sollicitantque urbes bello, Martemque fatigant.  
 Nec mora, correptis concurrunt undique telis,  
 Argos, & Ormenios, Pagasaëque littoris ora,  
 Phyllacidaeque viri, Meliboeaque rura tenentes:  
 Vosque Phera, Cererique tuos qui Pyrrhaselucos  
 Religionem sacros habitant, & moenia Boebes,  
 AEquoreamque Antrona, & Phthia, & Hellados urbes  
 Quique Cyphon liquere, & pulcra fluenta Pharybi,  
 Methonesque domos: Superis movet undique bellum  
 Vulgus, & Emathia totis discurritur oris.  
 Maximus Eurymedon primus de stirpe Phalacri,  
 Jam senior, sed adhuc cruda viridique senecta,  
 Tercentum adducit pedites, lectissima pubis  
 Robora, se regem patria tellure sequuros.  
 Mille viros turrata Same, subjectaque jungunt  
 Littora Dulichii: centum nemorosa Zacynthos  
 Expertos belli juvenes, sudibusque praeustis  
 Expedit armatos: totidem scopulosa ministrat  
 Neritos: hos Taphii paribus comitantur in armis.  
 Tum necdum mediis Achelous Echinadas undis  
 Fecerat: erepto nec adhuc Perimela pudore*

B ij



Senserat offensas patris Hippodamantis, in altum  
 Precipitata fretum: non navita noverat ambas  
 Antiquo Strophadas dictas cognomine Plotas.  
 Quae tamen intonsae nymbose cacumina servat  
 Gens Ithacae, scopulis & duro robore nata,  
 Ingenita arma parat feritate, altumque reductis  
 Convellit remis, rostrisque tridentibus aequor.  
 Porphyrio Alcyoneusque pari virtute sequuntur,  
 Sisyphidae fratres, se vi patris impia proles,  
 Contemtrixque Deum. quibus omnis Achaia promtis  
 Viribus addit opem, belloque Menesthius acer,  
 Virgine Cymothoe & genitore creatus Araxo:  
 Quisque Helicen, Buramque, & oliviferam Sicyona,  
 Turrigeramque habitant Aegiram, & prima superbum  
 Aegion ostentans Jovis incunabula nati.  
 His se addunt comites vicinum Apesanta colentes,  
 Quos Erasini altis Tellus produxit arenis:  
 Quisque Cleonae Nemeae sub rupe leonis  
 Sanguine progeniti, contris sylvestribus omnes  
 Uelleribusque horrendi atris, scutisque salignis.  
 Ponè duo juvenes, caelo metuenda propago,  
 Terrarumque timor, magna virtute sequuntur:  
 Iphimedia simul quos est enixa gemellos  
 Thessalicas inter forma celeberrima matres.  
 Hanc genitor, primis esset cum nubilis annis  
 Intactam dederat, saxoque jugarat Aloeo:  
 Quam simul ac magni domitor Saturnius alti  
 Vidit, & incaluit simul, & succensus amore,  
 Vulnus alit venis, insano saucius igne.  
 Quid non cogis amor? certum est tentare rapinam,

Aut



Aut versare dolos, aut vim simul addere fraudi,  
 AEstus erat, steriles cum exurit Sirius agros,  
 Et medium Phoebus cursu trajecerat axem.  
 Illa domo patria solo digressa marito,  
 Nympharum densa circum stipante caterva,  
 Flumina nota petit, positisque in littoris ora  
 Vestibus, & leviter primum conspersa liquore,  
 Nuda sinus, totam gelidis se mergit in undis.  
 Thesalides circumfusa per gramina pictis  
 Floribus insidunt: pars candida lilia carpunt,  
 Sertaque contexunt: veteres pars cantat amores:  
 Pars choreas plaudunt, plausum nemora alta remittunt,  
 Non latuit res nota Deum, nulloque tumultu  
 Accelerat furtim, faciemque indutus Enipei,  
 Multa malus simulans, densa later abditus ulva:  
 Nox se nube cava & tenebroso involvit amictu,  
 Riparumque toros nebula circundedit atra,  
 Cernere ne quis eam, nec se quis prodere possit.  
 Nuda sed insidiis, caecaque exterrita nocte,  
 Horruit ingenti subito Iphimedia timore,  
 Atque diu luctans, ulvaque morata sequaci,  
 Vimina dum genua impediunt, gressusque retardant,  
 Non potuit fixas alga conuellere plantas.  
 Tum terrore tremens, famulas simul invocat omnes,  
 Auxiliumque rogat: meus est ubi, clamat, Aloëus?  
 Vim patior. Deus at contra: non vim sed amantem  
 Nympha feres: ne te Neptuni amplexibus amens  
 Subtrahere: parce fugae. precibusque inflectere nostris.  
 Talia commemorans, celeri volat ocyor Euro,  
 Nec essat, donec se victa volensque remisit,



Infusumque sinu pulso complexa pudore.  
 Utque magis tegeret temerari jura cubilis,  
 Patris Aloïdas natos de nomine dixit,  
 Omnia Orioni similes insignibus armis,  
 Et forres animos, & membra decora juvenæ,  
 Cùm nondùm primis decimum natalibus annum  
 Addiderant, Craji veluti meminere Poetæ.  
 His sese adiungit genitor, sed falsus, Aloëus,  
 Solis & Antiopes divino semine cretus:  
 Boeotásque acies, totámque in bella coactam  
 Ocaleam rapit, & longam Mycalesson & Hylem,  
 Thespiæque viros, priscámque Eleöna colentes,  
 Cùmque Coroneis fortes adducit Erythras.  
 Venit & Alcathoi auxilio pulcerrima proles  
 Delius Oromedon, Vestæ qui jussa sequutus,  
 Liquerat Ortygiæ portus, terrásque propinquas:  
 Primus & Euboicum permensus clasibus æquor  
 Per mare Penejas primùm est advectus ad oras.  
 Olli mille viri, numerosáque turba clientum,  
 Grandævúsque Thoon, clarúsque inservit Apathor:  
 Quíque Paron niveam, Carthæáque moenia Cea,  
 Oliarónque colunt, vicináque littora Cynthi,  
 Et Claron, & Naxón, Cyaronque, Seriphon, & Ión.  
 Subsequitur Cretæa manus, validæque cohortes,  
 Idæi quas rure patres, turritáque Phestus  
 Misit, & egregius celebris Mararhusa colonis:  
 Omnibus ex humeris splendentes ære sagittæ,  
 Lerhiferique arcus pendent, Gortyniáque arma,  
 Maximus his præerat Saturni nominis hostis,  
 Junctus Aloïdis cognata stirpe Nilinus.

Nam



Nam commune genus se sanguine scindit ab uno:  
 Neptunus genuit Megaphætum, illóque Milinum,  
 Mista viro aëria Dictæi in rupe Cadisci,  
 Edidit Alciroë prope flumina Cerathea.  
 Ausus & infidum remis impellere marmor  
 Beshicus, armatas deducit in æquora classes,  
 Beshicus ingenio qui se jam fata putabat  
 Subjecisse suo, & non exorabile lethum,  
 Dum studet eventus dubio prædiscere cælo,  
 Assidueque astrorum obitus speculatur & ortus.  
 Ille vehit secum genus insuperabile bello,  
 Terrigenasque viros, quos tota Propontidis ora,  
 Totaque Threici miserunt littora tractus,  
 Usque sub infames Helles Athamantidos undas,  
 Sestos ubi contrà posito respondet Abydo.  
 Sed frustra tacito labentia sidera cælo,  
 Astraque servarat nil sævi conscia fati:  
 Non patiens operum, bellisque assueta juvenus  
 Eripuere ducem instantis discrimine mortis.  
 Nam subito rigidum furiata Palladis ira  
 In lapidem versus, medio jacet insula ponto,  
 Nomina prima tenens, circumque feritur ab undis.  
 Eminent ante omnes immani mole Typhoëus,  
 Construm horrendum, ingens, centum cûi corpore ventres  
 Et numero totidem cælo capita ardua surgunt,  
 Omnia vi flammæ, linguisque armata trisulcis,  
 Ne sonet humano vox formidabilis ore,  
 Sibilet at graviter circum spirantibus hydris.  
 Atra fluit mento illuvies, hirsutæque barba,  
 Impexisque cadunt nati de crinibus angues.

C



Terga rigent squamis, centenâque brachia jaëtar:  
 Alta velut quercus, vel conifera cyparißi.  
 Ingentes cælo ramos & brachia pandunt.  
 Dextra coloratis longè manus imminet Indis,  
 Pallentes Oriens quâ primùm discutit umbras:  
 Læva sed Oceani fines pertingit Iberos,  
 Fessus ubi rubro Titan lavit æquore currum.  
 Pubes tenus nulla humane vestigia formæ,  
 Turpiter at ventres, & corporis horrida moles  
 Desinit in caudam longam serpentis, & atram  
 Uerit humum, spirisque ingentibus implicat orbes.  
 Singula Mercurius memori sub pectore condit,  
 Longius & metuens inimica in gente morari,  
 Ad cælum paribus rursùm sese sustulit alis,  
 Visa patri referens: nullis tamen ille movetur  
 Terrigenùm Terraque minis, Superùmque vocari  
 Concilium cælo juber: Arcas jussa capeßit.

Tectum augustum, ingens, cæli in regione serena,  
 Sidera Phœbeasque vias supra emicat, omni  
 Parte auro radians, centùmque immane columnis.  
 Imminet hic intus Solido ex elephante Tonantis  
 Regia, quam pulcra illustrant testudine postes  
 Auratæque trabes, veterum decora alta Deorum,  
 Omnia regifico luxu: quæ subter utrinquè  
 Area lata patet, variisque instrata tapetis  
 Effulget, radiosque vomit laquearibus aureis.  
 Deviæ hinc currus, foribusque affixa superbis  
 Scuta virùm pendent, pugnari insignia belli.  
 Illinc exuviae hostiles, spolia inclaya, & arma  
 Parjetibus radiant pictis, quibus æreus Acmon

Suetus



Suetus erat cœlum contra pugnare, senémque  
 Dejectum patriis Saturnum cogere regnis.  
 Circum crebra vacant, atque atria longa pateſcunt  
 Conſeſſu in carveæ, centúmque ſedilia fulcris  
 Nixa ſuis, totidem dependent fornice lychni.  
 Maxima ſed pictus eſt gratia rebus, & omne  
 Fulget imaginibus non enarrabile rectum.

Illic Titanum veteres ex ordine pugnas  
 Fecerat Ignipotens, magnum & memorabile bellum,  
 Réſque Jovis geſtas, Saturnigenúmque triumphos.  
 Ipſe ſenex curvam ſervans ſub imagine ſalcem  
 Primus erat, cedro antiqua cœlatus & auro.  
 Emathii juxta ſaltus, quos inter amore  
 Captus, equo Phyliram premit, exceptúſque doloſæ  
 Conjugis inſidiis, hinnitu Pelion implet.  
 Hunc poſt progeniem egregiam, factiſque celebres  
 Lemnius excluderat fratres, Plutona, Jovémque,  
 Neptunúmque maris dominum, pelagóque potentem.  
 Omnibus ad vivum expreſſi vultúſque, colórque:  
 Ille tenebroſam cinctus caligine frontem,  
 Obscuras ſine ſole domos, regna invia vivis,  
 Imperio premit, atque animarum crimina diſcit.  
 AEquore Neptunus fluit: udam ventilat aura  
 Canitiem, glaucúſque humeris dependet amiſtus.  
 At pater omnipotens mediis eſſulget in aſtris,  
 Scepra manu flammáſque tenens, ſclerúmque coercet  
 Fulminibus furias, rectúmque tuetur & æquum.  
 Hinc triplices Triviæ vultus, inque Oenea ſævit  
 Ira Dea, & dentes Calydonius exacuit ſus.  
 Illinc bis geniti ſunt incunabula Bacchi,



Virtutésque Dei, atque armis ingentia facta:  
 Ipse capistratis sedet altus tigribus, omnes  
 Quem circum Auroræ populi, virésque Orientis  
 Devictæ assurgunt: prius indignatus Hydaspes  
 Mollior it, Gangésque Deo se subdit & Indus.  
 Quin etiam Tyrrhena ratis, mirabile visu,  
 Explicat antennas & circum carbasas vires,  
 Humana non arte satas, hederasque comantes,  
 Attonitinautæ rerum novitate, recurvis  
 Puppibus exsiliunt, hærentque labantibus omnes  
 Assimiles, fictique natant Delphines in orbem.  
 Inde Dryantiades sæva cum falce Lycurgus  
 Cernitur, & cælo Alcithoën se credere aperto,  
 Nulla licet toto sit corpore penna, nec ales,  
 Nec fera sit: miro tamen it per inane volatu.  
 Parte alia occurrit Divæ Junonis alumnus,  
 Grandibus effulgens squamisque oculisque Typhæon:  
 Hunc domat, & flava multa vi extendit arena  
 Dejectum Arcitenens: sanie olli immania frustra  
 Colla tument, vastosque expandunt guttura rictus.  
 Additur his etiam, ut cælestum exutus honore  
 Paverit Admeti per devia rura juvencos,  
 Præ reliquis unum poteras cognoscere Phæbum,  
 Aurea cæsaries olli, lauróque corona  
 Nexa comas, cytharâque movet non segnis eburnam.  
 Ad numerum saliunt Nymphæ, risuque soluto  
 Versibus in comitis ludunt, & carmina dicunt.  
 Ipse aures, multa velatus arundine crines,  
 Arrigit Amphrysus, Faunos juveniliter inter  
 Lascivire senex cupiens, Dryadumque choreas.

Inde



Inde omnes Superi, & Cœlestum turba minorum.  
 Dique Deæque omnes fulgent longo ordine: solus  
 Partem opere in tanto Mars non habet: illius arma  
 Virtutisque silent, pœnâsque expendit adulter.

Hæc omnes coeunt ad limina, quotquot ubique  
 Terrarum imperium exercent, & jura subactis  
 Gentibus aqua ferunt: aderant ter dena Deorum  
 Millia, tercentumque Joves, quibus omnibus aræ,  
 Omnibus immensum delubra erecta per orbem,  
 Visceribusque hominum, casaque bidente litatum.  
 Hic quos tardus Arar coluit, Renusque bicornis,  
 Extremique hominum Morini, rigidique Borussi:  
 Hic quos Gangarida, quos Nilus, & altus Orontes,  
 Quos Nomadum genus, incinctique caloribus Afri,  
 Totaque thuriferis Panchaia misit arenis.  
 Quam varii linguis, habitu tam dispare Divi.  
 Non Dufarus Arabs, non Eleus Myiagros,  
 Sigalionque Aegyptius, & latrator Anubis.  
 Jussa Jovis, Grajo nec cum Bove vacca recusant.  
 Threicius non Uelsurus, Phœnixque Thaautus.  
 Et Cilicum Cabrus reddens oracula terris:  
 A quo Asia populi, & Tauro vicina Phaselis  
 In dubiis responsa petunt certissima rebus.  
 Nulla tamen pecudum fumant altaria fbris,  
 Tergoribusque boum, aut casis de more juvencis:  
 Non sacra Meonii libant carchesia Bacchi,  
 Panchaïsve inopes adoleſcunt ignibus aræ.  
 Pocula dant fontes liquidi, atque exercita cursu  
 Flumina, & è scatebris electo purior amnis:  
 Sunt sale conditi pisces donaria tanto

C ij



Digna Deo, nullaque superstitione litatur.  
 Porrum & Cape aberant radiis nam Sole Leonis  
 Signa premente suis, immensa licentia Nili  
 Obruerat Pharios effuso flumine campos,  
 Ne parere Jovi possent caput imbre gravati.

Ergo quotquot erant, iussu patris, accipit amplis  
 Porticibus, stratisque iubet discumbere Phæbus  
 Aulæis: quos non cæpere fedilia, certo  
 Constituit pro sorte loco genitoris & ortus.

Juppiter ipse sedet media inter numina Divum,  
 Subnixus solio aurato, quo sidera, & altum  
 Velivolum, quo facta hominum, terræque jacentes  
 Despicit, & nutu subjectum temperat orbem.  
 Illum suspiciunt, illum admirantur, & ore  
 Attonitisque inhiant animis, quæ causa serenos  
 Mutavit vultus, tantas quæ accenderit iras.  
 Vidit ut intentos, arrectisque auribus omnes,  
 Ter sceptrum quatens, Divum agmina circumspexit,  
 Terque movens illustre caput, sic farier orsus.

Di cæli indigetes, variisque exercita fatis  
 Numina, quos eadem exitio fortuna reservat,  
 Nè quando regno, aut optata luce fruamur.  
 Nunc iterum veterem nova res oblata timorem  
 Auget, & obductum verbis vulgare dolorem  
 Cogit: at auditum cunctis rumore, nec ulli  
 Obscurum, notumque furens quid fœmina quærat,  
 Quæ mare nunc terræque metu cælumque fatigans,  
 Sævit inexpletum, & vi spes affectat easdem,  
 Quas tunc, cum cælo immisit Titanas aperro.  
 Insanam: quid si non sceptrâ aliena polumque

Speraret



Speraret vetitum, & Titania regna manerent:  
Regnane commoto peterentur debita bello?  
Non armis iter ad cœlum at ratione paratur.  
Scilicet hic labor est, ea cura recursat, ut orbem  
Æternum regat, & nostro succedat honori  
Progenies nova, nec prius ulli Deorum:  
Exitum in cœli, quam nuper cautibus atris  
Edidit, haud nostri generis, neque sanguinis huius.  
Vos rerum testes: quid in hanc committere tantum,  
Quid potui, nullum ut capiat discordia finem.  
Non equidem solos tangit dolor ille Gigantes,  
Non solos ea cura domat: conjungit & illis  
Se mortalis homo, quem nostræ stirpis & orrus  
Extudimus Dis a similem, cui in se vimus ignem  
Simplicis auræ, mentemque æquavimus astris  
Effusus labor omnis, & irrita cœpta, nec usquam  
Religionis amor cœli hoc spirabile lumen  
Cernitis extinctum, divini que ætheris haustus:  
Terrenamque animis viventium inolescere labem.  
Cœlicolum despectus honos: temeraria rident  
Murmura, & haud quidquam, cum terras fulmine quaeso,  
Neque meamque manum horrescunt, aut nubibus ignes  
Terrificos: metam impietas excessit, & ultra  
Quò procedat habet scelerum vix cæca cupido.  
Nunc liquidi iactura ignis, furtumque Promethei:  
Nunc patris impietas nostras exercuit iras.  
Et quis finis erit, quando mecum aspera Tellus  
Cœlestes rerum dominos, gentesque fovebit?  
Numquamne æterno firmabit fœdere pacem?  
Non illi imperium cœli terraque jacentis,



*Sed mihi sorte datum: tamen hanc, ne sorte careret,  
 Munere concessi, aeterno devinctus amore  
 Hic regat, hic dulci aspirans hyacinthus in umbra  
 Accipiat gremio, hic genialis amaracus illam  
 Floribus invitet: nostra sibi temperet aula.  
 Nec metus est, vestrum modo sit mihi certa voluntas,  
 Quum nunc qui coeunt in me, excidiumque meorum,  
 Supplicia expendant: posthac nè Marte quietos  
 Sollicitent, belloque viam super aethera sternant.  
 Sic pater omnipotens, intentis omnibus, unus  
 Fata retexebat caeli, verbisque quievit.*

*At mentes Superum subito pavor occupat omnes,  
 Scindunturque metu studia in contraria Divi.  
 Pars hostem adversus stricto decernere ferro,  
 Pars terrore fugam suadent, ultroque ruendum  
 Cœruleum in gremium, latebrosa que flumina Nili:  
 Hocque volunt esse in fatis: alij ora tenentes  
 Fixa solo reticent: alij diversa tumultu  
 Murmura clamoresque per atria longa volutant  
 Non tulit has turbas, dextraque silentia jussit  
 Vertice nata Jovis, cunctisque tacentibus infir,  
 Non sic aeterni stirps immortalis Olympi:  
 Nè trepidare animis, tantasque excludite curas:  
 Ardua sunt equidem patrio quæ incumbere cœlo  
 Cernimus: abjectis tamen haud diffidite rebus:  
 Consilia in melius, fratres, referenda, nec hostis  
 Auditus fugiendus, at experiundus in armis.  
 Imminet haud cœlo, nec adhuc unius ob iram  
 Prodimur, aut semel obsessis excludimur astris  
 Tu prohibere minas, talesque avertere casus*

*Magne*



Magne potes genitor: tibi fortunásque animósque  
Subjicimus, rursúmque tuis nos sistimus omnes  
Imperiis, tua júsa olim, tuáque arma sequuti.  
Erue, si qua manent, sceleris vestigia tanti  
Et preme mortales patriis virtutibus, altum  
Qui spirant, Superúmque sibi promittere sedes  
Non dubitant: sol-ve à tanta formidine cælum.  
Si non magna satis fuerint tua numina, felix  
At tu prole virúm, auspiciis quorum omnia vinctes.  
Est tibi divina stirpis Tirynihus heros,  
Hunc cape bellorum socium, & conjunge volentem:  
Ille, ille est, tibi quem promitti sæpius audis:  
Illum fata virum poscunt, illum augur Apollo,  
Auctoremque Themis cecinit longæva salutis:  
Hujus in adventum nunc horrent cœlifer Atlas,  
Et radiis Calpes juga subdita vespertinis:  
Ille Giganteis spoliis incendet onustus  
Sublimis, factisque viam affectabit Olympo.  
Sunt aliæ illustres animæ, patrii que nepotes,  
Ætherius quibus est vigor, & cœlestis origo.  
Primus equúm domitor, rapidóque insistere curru  
Ausus Erichthonius: cû par Asclepius, illo  
Patre satus, longum cœlo qui dirigit annum.  
His duce Lenæo de victo Oriente profecto  
Silenos conjunge, armis genus acre virorum.  
Hi mediis palmam revehent ex hostibus: iras  
Hi sistunt, pacémque dabunt, certámque quietem.  
Omnia quæ Clarias memini prædicere lauros,  
Sidereósque ignes cœli, linguásque volantúm.  
Hæc ubi dicta dedit, rupère silentia cuncti

D



*Cœlicolæ prius attoniti, mentemque resumunt.  
 Non aliter moriens, densa aut obducta favilla.  
 Flamma latens, iterum cinerem exercentibus auris  
 Emicat, & sensim clarum effervesce in ignem,  
 Dum tandem magno erumpat flamma aucta sonore.*

*Sensit ut expulsus terrorem, animis que receptis  
 Fidere jam pugna, atque audere in prælia vidit:  
 Ipse pater belli ætheria signum extulit arce,  
 Adjecitque animis stimulos, & ad arma vocavit:  
 Ardet inexcitum cœlum antè, ducemque requirit,  
 Et neglecta prius proprio rapit arma furore:  
 Cedit amor pacis, belli subeunte tumultu:  
 Pars gladios clypeosque novant: thoracas ahenos  
 Parjetibus pars diripiunt, arcusque retractant.  
 Ante omnes Jove nata, colis fuscisque relictis,  
 Calatam argento galeam cava tempora circum  
 Induitur, pictis quam crista amplexitur alis:  
 Loricamque ingentem humeris circumdat, & hamos  
 Ære graves, interque manus & brachia versat  
 Ægida terribilem visu, crinesque Medusæ  
 Explicat anguineos, eademque hastilia crispas,  
 Quis horrendum Anytum, sævumque Menoetion olim,  
 Titanasque alios magna virtute repressit.  
 Ponè subit, primæ vestitus flore juventæ  
 Arcitenens, gradiensque Deos supereminet omnes,  
 Pictus acu chlamydem egregiam: tela aurea & arcus,  
 Aurataque sonant pharetræ, nodoque coactos  
 Aurea flaventes subnectit fibula crines.  
 Huic jaculis paribusque Soror se sistit in armis,  
 Non pensis calathisque assuectæ, sed arma virago*

Docta



Docta pari, lustrisque feras prosternere opacis.  
 Germana insequitur juxta virtute Tuiston,  
 Arduus, armipotens, divini signa decoris  
 Grandibus ostentans oculis: quis spiritus olli?  
 Pectore quàm forti juvenis, quantum instar in ipso est?  
 Gradiivo aësimilis Martigaleamque jubasque,  
 Et magnos membrorum artus: sed cetera Tuiston,  
 Teutonicumque manu binas insigne catejas  
 Casaque bina gerens, totaque ex ilice sectas  
 Ingentes frameas, & acuta cuspidis hastas.  
 Circum humeros operit pellis direpta juvenco,  
 Quam lorica bilix auro conserta tegebat  
 Desuper, extremas argento discolor oras:  
 Ostro intexta chlamys rutilat: per lactea colla  
 Cervicemque comæ, myrrhæque crocòque madentes  
 Luxuriant, crispòsque movet levis aura capillos.  
 Talis ab Oceano, Veneris justissima cura  
 Exerit os sacrum cælo, flammæque comantes  
 Lucifer astrorumque alios super emicat ignes.

Inter at arma Dei longè admirabile textum  
 Effulget clypei, & radios vomit aureus umbo  
 Hic res Teutonicas, Germanorumque triumphos  
 Mulciber extuderat, primaque ab origine gentes,  
 Fluminæque, montesque, & longo littora tractu.  
 Omnia nam vates, quid lapsò effluxerit ævo  
 Novit, & in serum quæ mox ventura trahantur.

Prima tenent Divum effigies, & in ordine primus  
 Egregius forma puer, atque insignibus armis  
 Eminent, & numerum Divorum altaribus auget,  
 Ore patrem referens & forti pectore Mannus,

D ij



Tyndarides juxta pulcro cum Castore Pollux  
 Imparibus fulgent armis, habitantque sacratos  
 Religione patrum & prisca formidine lucos.  
 Nec procul hinc Trivia nigra nemus undique densum  
 Fronde viret, donis opulentum & numine Divæ:  
 Sacra Charitinae matres nymphaeque frequentant,  
 Undelicaeque nurus flavos tegit insula crines,  
 Carbaseique sinus, & leni bractea vento  
 Increpitat, peplumque pedes descendit ad imos.  
 Surgit & augustum niveo de marmore templum  
 Turrigeræ Cybeles, miro quod honore colentes  
 Arcanis servant aeterna silentia sacris:  
 Ipsa fugit visus geminis invecata juvencis,  
 Quæ lentæ ceruice trahunt stridentia plaustra.  
 Ponè sacris populus sævi crudelibus Hesi  
 Gaudet, & humano tinguntur sanguine cultri,  
 Fœdæque mactatis ardent altaria fbris:  
 Ipsa domus crudis dapibus fusoque cruore  
 Sparsa natat, sanieque atra infuscat arena.  
 Nec non Teurates populis immanior ipsis,  
 Objectos avidis discerpit dentibus artus:  
 Nec vel amicorum, aut fraterna sorte videres  
 Mœrentes, ea visa salus morientibus una,  
 Cœlestum ingluviem proprio pavisse cruore.  
 Inde cadit viridem Bacchi sacer hircus ad aram,  
 Consita quò largo pubescat vinea fœtu:  
 Omnes, pampinea de vincti tempora fronde,  
 Evocæ Bacche fremunt, magnòque strepente tumultu  
 Exululant Nemeres, demissaque ab Jove gentes  
 Francones Hectorei, flammis erepta propago

Iliacis,



Iliacis, quam per multos fortuna labores  
 Jactatam, tandem voluit consistere terris  
 Teutonicis, latâque urbes ditione tenere.  
 Parte alia magnum subito consurgere bellum  
 Cernere erat Cauchis populis, residêsque movebat  
 Cimber in arma viros, omnes ingentibus ausis  
 Romulidas contra dominos, gentemque togatam.  
 It nigrum campis agmen, peditêsque Chamaui  
 Gambriuique strepunt, vitæque acrêsque Cobandi,  
 Cheruscique, Charudêsque, Senonêsque Sûevi,  
 Atque Pharodeni, & longis materibus Ambron.  
 Heu quas in terras, quas hic exercitus oras  
 Appulerit, quantas acies stragêmque ciebit,  
 Marte quot occisis viduabit civibus urbes:  
 Hinc illinc fora turbari, sævâsque videres  
 Collucere faces, & fervere mœnia flammis:  
 Syllani primùm occurrit morientis imago  
 Lurida, cæde madens, proprioque voluta cruore:  
 Occubat AEmilius juxtâ: dat Consul & amens  
 Capioterga fugæ: tum corpora luce carentium,  
 Et spolia, & currus pleno vehit Isara fundo.  
 Illinc multa meru cunctantem, & multa parantem  
 Inclusum vallo Marium, fossâque coronant,  
 Irritantque hostem variis clamoribus: olli  
 Mens immota manet, voces jactantur inanes:  
 Alpinas pars magna nives transcendit, & oris  
 Ante expectatum Ausoniis sua classica cantat.  
 Non Catulus, rupêsque cavæ, non sæva retardant  
 Frigora: vi superant montes, & flumina tranant.  
 Heu miserranda manus, si quâ fata aspera rumpas

D ij



Néve Padi ripis, Athesim neu propter amœnum  
Languida delitiis, prisca quid laude remittas.

Ultror adest juxtà magno demissus Iulo  
Cesar, & excidium minitans, victis que Suënis  
Supplicium, vanis animos terroribus auger.  
Ipse indignanti similis, fremit horridus ore  
Canitiemque secat Renus, quod ponte parato  
Agmina conjunctas transmittant Itala ripas.

Nec procul horrentes aduerso Marte Latinos  
Aspiceres, camposque ingentibus ossibus albos,  
Fonte suas primo quâ Lupia proluit undas.  
Ipse neces inter medias, jam morte futura  
Pallidus, ingenti que cruentus vulnere, stricto  
Dedecus ob tantum Varus sese induit ense.  
Ductor at Harminius fugienti immistus Herusco,  
Inter & aggestos confusa stragis acervos,  
Vertitur arma tenens, victoque ex hoste triumphat.  
Tota viri facies diuinum spirat honorem,  
Ceruleique oculorum orbes, intonsaque mento  
Barba prius crescens, & nudo vertice fulvi  
Collecti crines in nodum more jubarum.

Parte alia septemgeminam rerumque potentem  
Lemnius addiderat, prope ripas Tybridis, urbem:  
In medio strepitum admirans, molemque theatri  
Marmoream, princeps Phrysius, dum singula lustrat,  
Aspicit externos peregrina veste Quiritum  
Affixos lateri, procerumque in sede receptos:  
Fœdera quòd nunquam contrariaque arma sequuti,  
Sapè sui memorem Romam fecere merendo.  
Æmulus hoc cernens, nè tanto cedat honori,

Exardet:



Exardet: mentem dolor, & benè conscia virtus  
 Incitat, & magna testatur voce per omnem  
 Confessum. Solos immenso Teutonas orbe  
 Supra homines, supra ire Deos armisque fidèque.

Indè senex Lanus per lævia saxa volutus  
 Murmurat exundans, fontèsque Aganippidos undas,  
 Abnobiisque virent saltus, ubi rustica pubes  
 Roboribus findens vallos, furcásque bicornes,  
 Linthea continuis circumdat carbasa sylvis:

Atque volutabris pulsos sylvestribus apros  
 Cogit in amenta, aut caesorum horrentia centum  
 Corpora cervorum magno clamore reportat.

Atque hìc Hermiones refluente ad Albidos undas  
 Alta perunt Angli, rostrisque tridentibus instant,  
 Auxilium extremo divisim orbe Britannis  
 Spondentes, gentemque antiqua in pace tuendam.  
 Ollis mille manus juvenum clamore secundo  
 Pèrque foros & transtra ruunt, laxantque rudentes,  
 Et flexis lento luctantur marmore tonsis.

Ipse senex alta residens in puppe magister,  
 Sidera nocturno circumspicit aurea cælo,  
 Quid ferat Orion, quid clara Lycaonis Arctos,  
 Quod designet iter Boreæ versatilis index,  
 At procul è speculis capit admiratio gentes,  
 Cùmque pharetratis trepidi per littora Scottis  
 Discurrunt Picti, creduntque innare fluentes  
 Orcadas, insanisque revulsas Hebridæ undis.

Horrendum juxta specus, & nigri ostia Ditis  
 Apparent, flammisque exæstuat atra Mephitis:  
 Hinc exaudiri gemitus, suspiria crebra.



Vinclarecusanſum, & conatibus æquaferentum.  
 Quisque ſuum execrantur opus, veterumque rudentes  
 Supplicia expendunt ſclerum ſerpentibus atris.  
 Ipſe Charon ſervat, penetrali in ſede receptus,  
 Veſtibulum, ultricésque ſedent in limine Dira,  
 Nullus & ad Superos reprobis datur exitus umbris.

Inde ſinu maris in medio, ſummis que ſub aſtra  
 Eductam tectis ſtatuunt, & mœnibus urbem  
 Concludunt: aliqui tuta ſtatione capaces  
 Claſſibus effodiunt portus: pars ædibus aureis  
 Fundamenta locant: opere omnis ſemita fervet,  
 Quadrifidásque trabes, & acuto robore vallo ſ  
 Arjetibus ſubigunt, penitusque infigitur arboſ  
 Fluctibus, ut muris recto via limite quadret.  
 Mille rates circum, ſpumas ſalis ære ſecantes,  
 Diſverſis veniunt externi finibus orbis.  
 Hæc ebur, & cannæ miracula dulcis ab Indis,  
 Illa coloratis fert thurea dona Sabæis.  
 Lenibus hanc Euris, illam ſed Iapyge ferri  
 Conſpiceres, laxis que velut contendere velis,  
 Quæ levitate prior: toto natat uncta carina  
 Amiſſio, mediæque minans illabitur urbi,  
 Exhaustósque prius centena remige portus,  
 Et loca deſertis iterum navalibus explet.  
 Omnes in ſpeculis cives, in mœnibus omnis  
 Plebs ovat, atque animum proſpectu paſcit inani.  
 Ponè, ſub Oceani fines Solèmque cadentem,  
 Herculeæ ſurgunt, viſures digna, columna.  
 Parvus & antiqui perlabitur arva Phileni  
 Laurus, ubi Franci, Troja gens miſſa, coloni

Fortia



Fortia gramineis exercent membra palastris:  
 Hic bellator equus, densa farragine pinguis,  
 Ingreditur, setis que pedum tenuis obsitus horret.  
 Illic mille greges armenta que candida pascunt,  
 Et cibus in tenera pecori gratissimus herba.  
 Talia per clypeum divina Mulciber arte,  
 Multa que prater æ seculi monumenta prioris,  
 Calarat, totumque opus insigni verat auro.

Pars Divum exercentur equis: pars pulvere currus  
 Quadrijugos domitant, & flexos cursibus orbes  
 Impediunt, superantque vias: strepit æreus axis,  
 Erigiturque fuga commota nimbis arena,  
 Præ reliquis cælo Navors inuectus aperto,  
 Pulverulentus agit currus, clypeumque coruscat  
 Sole sub adverso, quem taurorum undique septem  
 Terga dabant circum splendenti insuta metallo.  
 In numerum exciti strepitu Dimosque Phobosque  
 Erecta cervice fremunt, glomerantque superbos  
 Arte pedes, oculisque ignes & naribus efflant,  
 Seque animis referunt Neptuni ab origine gentem.  
 Quatuor huic inuectus equis se jungit, & armis  
 Promptus Erichthonius: quem juxta animosior urget  
 Cyllaron Oebalides: sparsa que insultrat arena.  
 Castore nec minor Orion, huic aurea castis  
 Tempus utrumque tegit: scapulis nitor aureus ardet:  
 Auratum thoracis opus: sunt aurea bullis  
 Cingula distinctis, nitidoque argenteus ensis  
 Effulget lateri, & radiis micat ocrea fulvis.  
 Insequitur clamantum horror, subitoque tumultus  
 Exardet cælum, atque irarum fluctuat æstu,

E



Juppiter at Maja genitum sub tecta vocatum  
 Mittit ad Alciden genitum quorobore nusquam  
 Major erat, nemo egregius illustrior armis.  
 Ille parabat iter, jam certus abire: sed auras  
 Vix pater ingressum revocat, neglectaque primis  
 Adjiciens, ait: Hunc etiam mihi gnate laborem  
 Quam primum expedias, gens dura atque aspera cultu  
 Alpheos habitat fontes, quam Liber ab Indis  
 Duxit, & Arcadicis voluit consistere terris:  
 Silenos dixere ducis de nomine: nostro  
 His quoque subsidio tota cum gente suorum  
 Arma jube capiant, veniantque in fœdera cœli,  
 Dixerat. Interpres Divum mandata capeffit  
 Ocyus, & cœlo instructus se librat ab alto  
 Instar avis, levibus quæ transvolat æthera pennis:  
 Munychiosque super colles, Actæaque Divæ  
 Littora belligeræ properans, ad mœnia venit  
 Acrisioneis Danaëis fundata colonis.  
 Hic ante ora Deum cumulantem altaria donis  
 Magnanimum Alciden, sævæque injusta Novercæ  
 Jussa expectantem reperit, dictoque paratum.  
 Continuò alloquitur, verbisque affatur amicis.  
 Maxime Semideum Alcida, Junonis ob iram  
 Rege sub Eurysthêo duos perpeße labores,  
 Gens inimica Jovi, nuper Tellure creata,  
 Immeritos premit, & cœlum circumsonat armis,  
 Affectatque iterum revocare ad lumina vitæ  
 Fulmine dejectos quondam Titanas ad Orcum.  
 Ergo tuus tibi me genitor demittit Olympo,  
 Dis ut in auxilium, fatis poscentibus, adsis,

Terrige-



Terrigenumque minis Superos tuëaris & astra.  
Sic ait, atque iterum celeri per devia lapsu  
Evadit, mediòque hominem sermone relinquit.

Horruit Alcides monitis, secumque parentis  
Jussa timens, animo bellum crudele revolvit:  
Nec mora, terribilem nodis & robore cocto  
Clavam versat agens, & circum pelle leonis  
Grandibus impexa setis inducitur artus,  
Promeritumque petit per mille pericula cælum.

Nunnius at positis paulum Caducifer alis,  
Inter odoratas viridi sub tegmine lauros  
Substitit, Eurotæ quæ per sata volvitur amnis.  
Hinc cæptum decurrit iter, stellisque priores  
Silenos petit: hæc sylvis habitabat opacis,  
Gens antiqua, potens armis, & munere glandis.  
Inscia nam ferro terram proscindere, nunquam  
Exercebat humum, flavisque instabat aristis:  
Rastrorum non usus erat: grave robur aratri  
Ignorant, cum sponte sua daret omnia tellus,  
Arboreos fœtus, Alpheæque pocula, nondum  
Viribus inventis, dulcesque sub ilice mensas.  
Ut primum patriam vectus devenit Enispen,  
Parrhasiæque domos, dispersa mapalia juxta  
Pastorale canit signum, & conclamat agrestes  
Relligione sacram sub quercum, annosa per auras  
Brachia fundentem placidum Ladonis ad amnem.  
Protinus accelerant cunctis è finibus omnes  
Certatim exciti socii, Divumque per auras  
Arcada suspiciunt portantem jussa, statimque  
Undiquè in auxilium cœunt, & fœdera jungunt,

E ij



*Finitimásque in bella trahunt rumoribus urbes.*

*Interea Juno omnipotens Thaumantida cælo  
Tethyos ad sedes mittit, Nymphásque sorores,  
Quæque omnes latè liquidos sylvásque frequentant:  
Ut quæ toto instent pandat discrimina mundo.  
Illa parat mandata, volans per nubila, molles  
Picta sinus, variisq; ornata coloribus alas,  
Et super immensum leviter suspensa profundum,  
Humida regna quatit. Subitò Océanitides omnes  
Excitæ thalamis vitreisque sedilibus adsunt,  
Ambrosiæ liquidas spirantes crinibus auras.  
Prima locum Tethys capit, & Neptunia conjux,  
Æmoniique tori consors, quam litore circum  
Nereides funduntur, & udis Náyades ulnis:  
Notæque cæruleo quotquot sunt numina ponto.  
Addunt se comites Dryades, cultæque Napææ,  
Limniadúmque cohors, & Hamadryas arbore custos  
Vix avulsa sua: niveis pellucida Nymphis  
Æquora resplendent, undisq; resultat imago.  
Ipsi cum Faunis Satyri montesque calescunt,  
Atque imo turpes ardent sub gurgite Phocæ,  
Dúmque vident, rapuisse optant, raptisq; potiri.  
Postquàm facta quies strepitus coràm astitit Iris,  
Quidque docet veniat, cœlique pericula narrat,  
Et quo quæque modo fugiant: nec pluribus usa  
Vocibus a summis iterum circumdata nymbis,  
Ingentem festina dedit sub nubibus arcum.  
Obstupuere Deæ, & mortem sibi quæque timebat:  
Leucothoë in primis parva cum prole furores  
Horret adhuc Athamanteos, patriasque videre*

*Se*



*Se putat impelli, nervo stridente, sagittas.*

*Sed trepidare vetat Tethys, animosque ministrat,*

*Sollicitasque iterum spaciofa revisere tecta.*

*Nereidas jubet, atque opera exercere Minerva.*

*Jamque erat egregie instructum cælum omne sub armi*

*Poscebátque hostem, & grata spectacula pugnae.*

*Undique in auxilium, Martis pulcerrima proles,*

*Sileni properant, omnes Jovis arma sequuti:*

*Accipit hos genitor dextra, primosque salutat*

*Ductores, Lycon egregia virtutis, & acrem*

*Pantharon, extremum ad Gangem Nysæis Arechthis*

*Quos genuit, Nymphisque Dei sub numine tutos*

*Tradidit: ille pigri costas agitabat Onisci,*

*Hic Pelia invehitur fusco: tunc ordine pubem*

*Roboribus stupet armatam, miratur & ipsos*

*Tyndaridas geminos: Sed cunctis altior ibat*

*Maximus Alcides, cui, belli insigne superbum,*

*Tempora populeæ fulgent innexa corona.*

*Omnibus his, certis vicibus, concredita cæli*

*Cura salusque fuit: pars propugnacula cingunt*

*Excubiis vigilum, & murorum ingentia claustra*

*Milite circumdant: speculis pars abdita, latè*

*Singula luminibus lustrant: pars saxa sudésque*

*Subvectant humeris, & circum turribus altis*

*Armati servant portasque aditusque viarum.*

*Nam foret imperium ut securius ætheris, arces*

*Viribus invictas dextra levâque frequentes*

*Æternæ statuere Cyclopes, & ardua ferro*

*Mœnia, quis ipso cedat cum Dite Megæra,*

*Ferreique Eumenidum thalami, fraudesque Promethei.*

E ij



Prima tenet latis castella immania regnis  
 Orion, tam tuta loco, quam firma labore:  
 Vestibulum ante ipsum, dextróque in limine candens  
 Sirius & Porcyon posuere cubilia, fortem  
 Hic patriam Epirum referens, patriam alter Amyclas,  
 Latratúque ambo invigilant, nè prodita somno  
 Castra dolo capiant, & multa cade cruentent:  
 Hesperius lævam Eridanus fluvialibus undis  
 Occupat, Heliades quem circum in margine ripae  
 Pinguia corticibus sudant electra sorores.  
 Nève quis aut proram advertat, fluvióque propinquet  
 Ante expectatum, aut inopinus terre at hostis,  
 Cetus habet ripas, vastósque immanis hiatus  
 Pandit adhuc, quondam Andromede, tibi causa timoris,  
 Indè per adversi se semira cornua Tauri  
 Tyndaridasque offert, toto notissima caelo.  
 Hic arces gemini Heroës, Vulcanius alter,  
 Alter Abantiades alterna sorte gubernant,  
 Ambo DIs geniti, magnis virtutibus ambo.  
 Hinc iter læsides clara cum conjugè Cepheüs  
 Pandit, ubi Cygni simulati affixit adulter  
 Exuvias, & se geminas via findit in oras.  
 Dextra Coroniden, Phæbo genitore creatum,  
 Tertia quem penes est divisi regia cæli,  
 Continet, hunc circum longus convolvitur anguis,  
 Corporis immensi flexu complexus utrinque  
 Cum manibus latera, & spiris ingentibus alvum,  
 Phæbigenamque supra caudam & cervicibus exstat.  
 Læva per AEmonios Chironis recta sagittas  
 Ultima castra aperit, monstro regnata bifor-  
 Nubigenum



Nubigenum de gente Pholon quem fama reliquit:  
Ille tenens lato praefixa hastilia ferro,  
Excipit incautos, & sacram mactat ad Aram.  
His via, quae totum complexibus ambit Olympum,  
Est munita viris: contraria regna polosque,  
Quos circum assidua rapitur verrigine caelum,  
Obsedere alii. Nam quae convexus ad arces  
Riphaeas polus assurgit, noctesque diesque  
Magna minorque ferae insomnes sicca atria servant:  
Icarus hac Helycen custos defendit: at illa  
Parte tenet socer aurigenae Cynosuran & axem,  
Insidiasque ambo prohibent caelestibus armis.  
Qua sed inaccessos Lybiae devexus in Astros  
Deprimitur nostros horrescens cardo Triones,  
Imbribus assiduisque madent castra humida nymbis.  
Hic, quo vix toto violentior amnis Olympo,  
Stellifer Eridanus sinuosis flexibus errat,  
Trojanusque gerit puer urnam undasque refundit.  
Maxima sed Phoebus caeli concessa potestas,  
Signorum obliquus quae circumvertitur ordo:  
Cynthius hic vacuis solus dominatur in aulis,  
Et paucis fas Divum operosum insistere limen.  
Infima regna tenet, Tropicum depressus ad imum,  
Aegoceros, gelido brumae intractabilis imbre.  
Hinc via sublimis, quae noster surgit horizon,  
Aurea Phryxae depromit vellera Capra,  
Oppositaque pares cum Libra examinat horas,  
Altior at Grajam consurgit Cancer ad Arctan,  
Dilatataque dies, & opacas contrahit umbras,  
Hinc iterum manifesta rotae vestigia ducunt.



Sub Styga, perpetuumque gelu, manesque profundos,  
 Haud aliter, quam si summo de vertice montis  
 Infima præcipites videas ad Tartara valles.  
 Hac cœleste solum custodia cingit, & alti  
 Tecta Jovis multo circum munita labore,  
 Vis ut nulla queat, vel adacto exscindere ferro.

Juppiter hæc summo dum singula curat Olympo,  
 Terrigenæ prisca Phæacum ab origine regem  
 Eurymedonta satum, sceptris & honoribus auctum,  
 Militiæ pacisque ducem legere: Typhoëus  
 Enceladusque pari regem virtute sequuntur,  
 Et jam major erat toto æthere Martis imago,  
 Astræque terrificæ trepidabant proxima cedi.  
 Phocos at Ieniûsque absunt, opulentæque castris  
 Jungere castra parant: hic ex Acamante Cerastras  
 Adducit, geminis insignes cornibus omnes,  
 Quos genuit rapta Proteûs Amathuntide nymphea  
 Carpathius, primæva patrum ceu credidit ætas.  
 Captus enim AEgiropes insano Cypridis igne,  
 Hanc cupit, hanc sequitur Deus, hanc suspirat, & undis  
 Expetit in mediis: non illi immania curæ  
 Armenta, & turpes Neptuni in gurgite phocæ:  
 Quin etiam patriam Emathiam, gratamque relinquit  
 Carpathon, & Paphias repetit male sanus arenas:  
 Hic curas alit ignis, inardescitque ruendo.  
 Illa sed incinctæ studia exercere Dianæ  
 Caudet, & Idalios canibus circumdare saltus,  
 Raræque sylvestres in retia cogere damas.  
 Ad furtum rude pectus erat: non saucia flammæ  
 Noverat, aut somnos rumpebat cura salubres.

At Deus



*At Deus impatiens, veteris non immemor artis,  
Nille dolos nequit: veller sumfisse leonis,  
Aut spumantis apri effigiem: at nè ex territa monstros  
Effugiat, pulcri celatus tegmine cervi,  
Vi potitur, ponitque suas in virgine flammæ:  
Plenâque cum novies Lucina coisset in orbem,  
Facta parens (dictu mirandum) enititur hirtis  
Cornibus humana monstrum sub imagine formæ,  
Unde genus miræque trahunt primordia stirpis  
Cornigeri, & domitam sibi subjecere Tegessum,  
Immanesque armis Golgos, Chytrosque vetustos.  
At centum gemino cives Atabyria Phorco  
Jungit Ialysios, quos fratrum Terra creatrix  
Osibus ultores genuit, Telchinas & omnem  
Cum Rhodon æquoreis Neptunus subderet undis.  
Versicolor cunctis maculosæ lyncis amictus  
Pectore dependet: duo quisque abjegna coruscat  
Tela manu, scutis protecti corpora nullis.  
His magicos addunt cantus, & plurima Ponti  
Lecta venena jugis, quibus aëra solvere in imbres:  
Sistere Dictinnam, & ferrugine condere Phæbum,  
Obscurasque valent nebulas inducere terris,  
Rursus & in cælum vapor ut se purget apertum,  
Imò etiam ternis nodis tria verba profati,  
Fundamenta maris fretâque indignantia miscent,  
Præsentemque viris intentant æquore mortem.*

F





B E L L I

## G I G A N T E I

LIBER SECUNDUS.



**E** T jam prima dies rutilo surgebat Eoö,  
 Obscuramq; Aurora polo dimoverat umbram:  
 Cum subito e sylvis certatim & montibus altis  
 Excitum ruit in campis genus omne Gigantum,  
 Concilium horrendum, cuncti capita alta ferentes  
 In cælum, & vastos equantes corpore montes.  
 Antè locum capit Eurymedon, animosq; suorum  
 Lustrat, & aetherium turmas ad limen ituras:  
 Participes creat inde operum, numerumque recenset,  
 Et quamcunque ferit sors, æqua mente ferendam.  
 Fortunam monet: alto omnes clamore sequuntur.  
 Nos quò fata trahunt, quò sors vocat ultima belli,  
 Te sequimur, dextraq; ducem vitaq; parati  
 Afferere: invictos tu regni in parte locabis,  
 Præmiaq; emeritis statues: Nec plura loquuti,  
 Incumbunt operi pariter: pars robora sylvis  
 Fraxineasq; trabes findunt, & montibus ornos  
 Devolvunt: montes alii cum quercubus ipsos  
 Obnixi tridunt humeris: pars saxa facesq;  
 Ardentesq; ferunt pinus. Labor improbus omnes  
 Exercet, Audiusq; furorem aequalibus augent.  
 Rex ipse Eurymedon, opera inter talia primus,

Horta-



Hortatur socios, & nomine quemque vocando,  
 Nunc animos dictis stimulat, nunc laudibus ornat.  
 Nec mora, festinant: nemorosam Pelio Ossa  
 Imponit, saxisque involvit saxa Typhoeus:  
 His super excelsi caput, & latus arduum Olympi  
 In caelum, nivibusque ad opera cacumina tollit.  
 Saevus idem molitur Athos, paribusque sequuntur  
 Viribus Alcioneus cum fratre Asiusque, Ximasque  
 Herionesque acer, socero laturus in armis  
 Auxilium, pulcræ Asteries incensus amore.  
 Proximus Enceladus campo se turbidus infert,  
 Arduus, arma tenens, centenaque brachia jactat.  
 Huic sese agglomerant Briareus, & maximus annis  
 Agrius, Hyppolitusque ferox, Medonque, Rhyasque  
 Myrmidonumque acies, & Graeae stirpis Alemon.  
 Nemo parem sibi ferre potest: hic fortior illo,  
 Viribus innixus proceras eruit alnos:  
 Imensos alii montes radicibus imis  
 Avulsos cumulant, & in altum educere certant,  
 Astraque sublimes apices trepidantia tangunt.  
 Juppiter hæc oculis sed adhuc pater aspicit æquis,  
 Collectamque premit, simulatis viribus, iram:  
 Donec precipiti totum certamine caelum  
 Corripiant, certamque petant per vulnera mortem  
 Primum Terra parens dat signum & conscius Aether,  
 Iratosque animos insani Martis amore  
 Incendunt: Ipsi, mediis in millibus, armis  
 Ductores longè effulgent, cristisque decori  
 Antevolant, hostemque alto clamore fatigant.  
 Idem omnes simul ardor habet, rapiuntque ruuntque.

F ij



*Haud aliter quàm si violentior incubet Eurus  
Fluctibus, & pelago malè sæviat ater Orion.*

*Jàmque propinquabant astris, montesque tenebant,  
Ut possent notas audire & reddere voces.*

*Cœlicola contrà pro libertate ruentes*

*Avertunt, primòque vetant consistere cœli*

*Limine: strictam offert Perseûs venientibus harpen,*

*Occluditque vias: audacior instat Apameûs*

*Alcyonèi monitu, & laudis succensus amore,*

*Uique affectat iter: prohibet Jove natus: at ille.*

*Quid scelerate paras, poterisne illudere solus*

*Tot tantisque viris? erit hæc lux ultima victis,*

*Hæc, Jove sublato, cœlum super ibimus infit.*

*Acrior Inachides contrà, os oculosque loquentis*

*Jam dudum observans, trajecit guttur, humique*

*Transversum rapuit, graviter resonantibus armis.*

*Illum exspirantem transfixo pectore, celsa*

*Terrigenæ pendere procul de rupe videntes,*

*Accelerant, variisque acuunt clamoribus iras,*

*Hinc Pallenei comites, fortisque Damasor*

*Accurrunt: ipse ante alios immanior omnes*

*Infert se socium Aegæon, atque agmina jungit.*

*Omnia Cœlestium adversus jubet arma parari*

*Juppiter, & patriis detrudere finibus hostem.*

*Acer at Aegæon, vitalis prodigus aura,*

*Interiora poli irrumpit, perque ardua saltu*

*Mœnia se mittit, subito turbante tumultu.*

*Hic postquàm exuvias notas, Titaniâque arma*

*Fixa vider, majora animis & pectore versat,*

*Respiciensque acies: Vos, ô, lectissima pubes,*

*Ecquis*



Ecquis erit, mecum qui castra exurat opésque?  
 Inquit: & accensum primus vi corripit ignem,  
 Sublatumque jacet, trabibusque affigit acernis.  
 Hoc etiam Alcyoneus facit, adjunctique Gigantes  
 Injiciuntque manum, & flammis alimenta ministrant.  
 Fit fumus, ventisque volat vapor ater ad auras:  
 Pajetibus furit aestus, & altis postibus aucti  
 Corripiunt tabulata ignes, perque intima Divum  
 Atria volvuntur: recti fastigia adesti  
 Vulcano superante labant, stragemque minantur.

Cœlicolæ contrà, tanto in discrimine rerum,  
 Undique collecti paulatim incendia sistunt.  
 Auxilio madidos Orion convocat Austros,  
 Ut pluvias imbrésque ferant: festinat & ipse  
 Phryx puer, indomitaque infundit flumina pesti  
 Integra: nymboſis rapidus Notus evolat alis,  
 Præcipitatque amnes, pluviarumque agmina aquarum,  
 Restinctus donec vapor omnis, & uda favillam  
 Robora decutiunt, servatque igne penates.

Non tulit hoc animo, & furis majoribus arsit  
 Horridus Aegæon, propriasque recurrit ad artes:  
 Nec mora, terrificum quinquaginta oribus ignem  
 Eructat, totumque atra caligine cœlum  
 Involvit, tum, fumus agit quàm plurimus aestum,  
 Infert se tacitè, & nebula specularur amictus,  
 Quem Superum excipiat letho, incautumque trucidet.  
 Sed levis ætheriis Hermes delapsus ab oris,  
 Aëra dimovit densatum, & dispulit umbras:  
 Tunc patuère doli, clarâque in luce refulcit,  
 Cuttore vana movens incendia, Primus in ipsum

F ij



Iuppiter expertus sua fulmina, dejicit uno  
 Ora novem jactu, fumantiaq; ignibus atris  
 Uulsa rotat capita Anguipedum super agmina, & omnes  
 Sanguine conspergit. Veluti cum robora ventus  
 Impulit, & teneras turbavit flamine frondes,  
 Dispersa per inane ruunt, aurisq; feruntur.  
 Ancipiti AEgeon mentem formidine pressus,  
 Omnia molitur, Divisq; resistit, & altum  
 Dentibus infrendens, miscet clamoribus iras.  
 Urget adhuc pater omnipotens, iterataq; mittens  
 Fulmina, precipitem jacet in mare, deinde Gigantis  
 Navita quod victi AEgeum de nomine dixit.  
 Ocyus accurrunt subjecta per aequora nantes  
 Oceanusq; senex, Phorciq; exercitus omnis,  
 Fortiter & pressum cogunt, nodisq; coërcent.  
 Tum moles superinjiciunt: Vulcania dextram  
 Saxa manum cohibent: Baccho Methymna sinistram  
 Clara premit: fauces Tenedos Neptunia: dextrum  
 Scyria terra pedem, lævum vineta Phanæi:  
 Inter utrumque tenet medium Psylla ardua: ventres  
 Centum claustra ligant, æternaq; robora ferri.  
 Illudunt capto circum gens humida ponti,  
 Canitiemq; udam vellunt: super omnia Nymphæ  
 Mirantur monstrum æquorea, miratur & ipsa  
 Amphitrite, humerosq; manu contingere gaudet.  
 Plus quoque ludibriis patitur, rostrisq; natantum  
 Impetitur, lateriq; illisa refunditur alga.  
 Quidquid agant tandem, jacet æternumq; jacebit  
 Impius AEgeon, fundoq; immobilis hæret,  
 Nequidquam pelagi circum latrantibus undis.

Diffugiunt



Diffugiunt socii magno incumbente timore,  
 Exceduntq; iterum castris, & tuta capeſſunt  
 Non ſecus ac caprea errantes, quas rupibus altis  
 Commovère canes, veſtigia nota ſequuti,  
 Diffugiunt, denſisq; metu ſe vepribus abdunt,  
 Inſtat Erichthonius, curruq; per agmina raptus  
 In profugos ſævit, multam ſine nomine plebem  
 Excipiens letho, Sthenium, Protumq;, Heliumq;,  
 Deinde Neophelimum ſe poſteriore regentem  
 Parte bovis, Steropen juxta & Biſaltide cretum.

Emicat Enceladus ſociorum indigna ſuorum  
 Funera conſpiciens: animus diducitur omnes  
 In curas, palmasq; ad cælum uraſque tetendit  
 Tum quaſſans caput hæc effundit, & increpat ore.  
 Quò ruitis timidi, heu, quid voluitis? anne repente  
 Perſum belli incepti? ſubſiſtite: quanam  
 Veſtra meta fugæ: quò tenditis? en ego veſter  
 Enceladus ſum veſter ego, mecum arma movete,  
 Siſtite mecum hoſtem, & tantum extorquete triumphum.  
 Vos decus egregium moveat, roburq; juventa:  
 Vos reges atavi, & clavis domus inclyta factis  
 Erigat, allatumq; nefas impellat ad arma.  
 Mentibus his dictis violenti Martis amorem  
 Inſnuat: rapit arma furor: male ſævit Erynnis,  
 Extinguiq; fugæ labem ſic poſſe putabant.  
 Mox prior Enceladus totum nemus abjete nigra  
 Fert in Erichthonium, vaſta qua mole quadrigæ  
 Procubère ſolo, & ſeries luxata rotarum.  
 Exſilit Ignipotente ſatius, telumq; Gigantem  
 Torquet in inſtantem, quod lævo umbone repulſum



Pectus in Amphinoi venit, qui fortè sinistro  
 Affixus lateri hærebat, tua maxima cura  
 Encelade, ah, fatis nequidquàm ereptus acerbis,  
 Cum mistum insidiis, & iniquæ fraude novercæ  
 Penè merum nigri biberat cum lacte veneni.  
 Palluit aspectu Enceladus, magnòque dolore  
 Ingemuit, tantum ereptum dilexit amicum:  
 Tum super incumbens fletu ora rigavit oborto,  
 Militiæ atque sui oblitus, verique decoris.

Hoc luctu arrectæ mentes, gavisique corda  
 Cœlicolùm, majòrque jocosa lite creatus  
 Fertur in adversas acies: spes addita mentem  
 Suscitât audacem, & belli in discrimina trudit.  
 Huic se offert geminis aurato in vertice cristis  
 Conspiciendus Aras, genitor cûi magnus Erechthon,  
 Mater Amimonoë Nympharum sanguinis una,  
 Altera qua Patris, & tot per Achaidas urbes  
 Nulla fuit, vel pingere acu, vel ringere lanas  
 Doctior, & tenues radiis percurrere telas.  
 Hic levis insultans, prior insit: Non mea casus  
 Tela reget, nec cæca dabit fortuna potiri  
 Laude necis, velut insperato errore peremptus  
 Amphinõus: sed certa feret tibi dextera mortem.  
 Sic fatus, diductum altè consurgit in arcum,  
 Intentis que oculis, nervo stridente, sagittam  
 Impulit, & nodos, & vincula ferrea rupit  
 Thoracis, medio at sine vulnere substitit are.  
 Acer Erichthonius cernens sine sanguine telum:  
 Certius hoc, quod nostra feret tibi dextra, futurum,  
 Clamat, & illud frustra altera tela parantem,

Quà



Quà jugulis conjuncti humeri, mucrone petitum  
Turbat Arania solo, & magni de more tropæi  
Arma tholis suspendit avo sacrata Tonanti.

Extemplo concussi animis retrò arma tulerunt  
Anguipedes, ultrà nec quisquam ex agmine tanto  
Ausus adire Deum, & certæ se opponere morti.  
Insequitur Sabii, & cœlestibus inclytus armis  
Carmelus, Divùmq; alii: quorum ille Phialten  
Viribus invictum atque animis, cervice prehensum  
Præcipitat sonitu ingenti: hic violentior ira  
Ense Palæstino nunc hunc, nunc trahit illum,  
Unus haud nece contentus, duplicataq; fundens  
Corpora humi, toto ut sanguis pluat undiquè cœlo.  
Nec Jovis est levior cædes, furit ille coruscis  
Ignibus, & letho Mæneum, fortemq; Celestion  
Dejicit, insigni qui laude Acmona ferebat,  
Seq; ortum antiqua Titanum à stirpe volebat.  
His Pharium super addit, illumq; animasq; trecentas,  
Fulmine quas omnes Erebi detrusit ad umbras.  
Dedecus haud tantum potuit perferre suorum  
Palleneus, vastusq; Mimas: hortatur & ipse  
Porphyryon socios, paribusq; accingitur ausis.  
Dux etiam Eurymedon acies ultroq; citroq;  
Increpat errantes, verbisq; in prælia cogit.  
Arma viri, ferre arma viri, tam sera retardat  
Quæ mora securos belli instantisq; pericli?  
Pellere corde metum socii, vanumq; pavorem.  
Degener egregius semper timor obstitit ausis.  
Quod genus hoc Divum, quisve hos dedit esse potentes,  
Et rerum dominos? geminâsne timebimus Urjas,



Obscænosq; canes, & si quæ monstra nefando  
 Prodigiosa Jovis: cœli fatalia jactet  
 Regna: ferat magnam Hesperiam Saturniaq; arva  
 Laudibus: Enathiis quoque sunt regionibus urbes,  
 Armaq; Titanumq; à sanguine clarus Aloëus.  
 Hæc etiam desint: quis nostros nesciat ortus,  
 Virtutesq; virosq; atque incunabula gentis  
 Terrigenæ, ad quorum turbant sublimia nutum?  
 Et dubitamus adhuc ferro trepidantia castra  
 Irruere, atque omnes in cœlum vertere vires?  
 Talibus Eurymedon vix ora silentia pressit  
 Undiquè collecti cœunt atque agmine denso  
 Consistunt: Aegæa armis freta lata relucet,  
 Tolorumq; lacepsitus sub nubila splendor  
 Sole micat, tremuloq; polus fulgore coruscat.  
 Nauta velut, medio quem prendit in æquore Caurus,  
 Maturare fugam, tutosq; capeessere portus  
 Imperat, atque hiemi velorum denegat alas:  
 Expediunt subito arma viri, adductisq; lacertis  
 Agmina remorum subigunt, altumq; relinquunt,  
 Votaq; servatæ servant promissa carinæ.

Primus ab adversa se in prælia mole Damasor  
 Eubæus parat, atque Asopi filius amnis,  
 Drives avis atavisq; Menepbilus: indè Corinthi  
 Ter centum armati, duce Porphyryone, subibant:  
 Omnibus ex humeris saga versicolore paratu,  
 Corytiq; leves pendent, Ephyreiaq; arma,  
 Ipse inter medios molitur cardine postes  
 Eruere AEolides, circumq; immania claustra  
 Aggreditor ferro, & sævas solido are bipennes.

Ingerit in



Ingerit in portas: ruit alto à culmine præceps  
 Sacra Jovis domus, & secreta cubilia divæ  
 Junonis, dignumq; opus, artificumq; labores:  
 Apparent thalami intus, & atria longa Deorum  
 Barbarico insignita auro, spoliisq; superba.  
 Utq; stetit mediis victor penetralibus, ipsam  
 Opprimit incautam, & haudquidquam tale timentem  
 Junonem, pedibusq; tenet, colloq; monile  
 Eripit, & duplicem gemmis auroq; coronam.  
 Quò magis illa Jovem inclamat magis angit inharens  
 Mоре lupi, siccis prædam qui faucibus haurit.  
 Ad gemitum famulæ excitæ per tecta frequentes  
 Discurrunt: resonat querulis ululatibus æther.  
 Inprimis, fida ante alias, Thaumantias horret,  
 Multa gemens, largisq; irrorat fletibus ora:  
 Deiopeja Jovem auxiliumq; implorat, & armis  
 Poscit opem: magnis responsant quæstibus ædes.  
 Sensit id Alcmena primum satus, atque trinodis  
 Robora corripuit clava, gemitumq; sequutus  
 Fertur, anhelanti suspirans pectore pugnam.  
 Porphyrio armorum sonitu sibi fata parari  
 Accipiens, firmo bipatentes objice portas  
 Fulcit, & inclusus securior omnia spernit.  
 Instat vi magna Alcides: non claustra nec ipse  
 Sisyphides sufferre valet: nil profuit usus  
 Armorum mediisq; inquirat sedibus hostem.  
 Non aliter placita tauros præsentia formæ  
 Dulcibus illecebris subigit decernere amantes,  
 Paulatimq; animos urit cogitq; videndo,  
 Alter eat dum victus, & hosti linquat amores.



Substitit his turbis, clamoremq; auribus haurit  
 Juppiter, accurrensq; immanes accipit ausus,  
 Vix has incensorum de pectore voces.  
 Tunc audere nefas potuisti, perfide, tantum  
 Non veritus nostris tacitus succedere tectis?  
 Consortemq; tori affectare, negataq; furti?  
 Non te ignotus amor, non vindicis ira, trifidus  
 Effera fulminibus, fœdis deterruit ausis?  
 Nunc morere, ut pendat meritas audacia pœnas.  
 Dixit, & ora viri allisit trepidantia terræ,  
 Altior erigitur Syrio quàm Taurus Amano.  
 Hic misere afflictus, membrisq; dolore solutis  
 Alitis ora novæ sibi sumit, proq; capillis  
 Mutato tenues succrescunt corpore plumæ,  
 Et non visa prius fit Comagena volucris:  
 Qualis apud Phrygios crepitante Ciconia rostro,  
 Ibis apud Pharios: pedibus longissima crura,  
 Longaq; porrecto sunt ora rubentia rostro,  
 Fulminis afflatus rutilas servantia flammæ.  
 Nunc quoque contritam exemit de pectore labem,  
 Flagitii memor infandi, exhaustiq; pericli.  
 Nec satis est odisse nefas: socialia cernens  
 Jura pudicitie at scelerato elusa cubili,  
 Colla animosa ligans, dictu mirabile, inanes  
 Panditur ad ventos, sua per suspendia signans.  
 Fœdera rupta tori, & scelus admisisse maritam.  
 Sævus at Alcioneus, nitidis circumdatus armis,  
 Respicit, & quæ sit sociis fortuna requirit,  
 Porphyryona vocans: sed quem vocat, occidit aëtu  
 Herculeo, dextrâq; Jovis sub Tartara missus,

Ergo



Ergò animum exercens curis, ultroq; citroq;  
 Vertitur ingeminans. Quis te germane Deorum  
 Abstulit à nobis, quis funere mersit acerbo,  
 Te fore qui bello incolumem subiecta putabam  
 Sidera visurum, & promissos matre penates.  
 Quò sequar infelix? ubi te germane reliqui?  
 Frater, iñ, ubi es? an certa malus abstulit error  
 Eregione via, an crudelior ira Tonantis?  
 Talibus inclamat, sed nubibus irrita fundit,  
 Verbaq; diserpunt venti, certissima cernens  
 Signa necis, gladium auratum, generumq; Creontis  
 Indutum exuviis fraterna cade receptis.  
 Obstupuit primo aspectu, cunctosq; per artus  
 Horror it, & motas ingens dolor impedit iras.  
 Attamen ut rediit, pulsa formidine, virtus,  
 Exardet rabies animo, subit ira nefandum  
 Ulcisci scelus, & fratris super addere manes  
 Herculeos, cineresq; cruore explere sepultos.  
 Nox rapta validis Alciden viribus hasta  
 Invadit: fugit illa tremens, & inutile ferrum  
 Vix equidem infixum summa tellure pependit.  
 Acrior hoc Jove natus in arcum surgit, & arma  
 Vasta viri, & clypeum jaculo transverberat: ille  
 Volvitur in caput, & nequidquam brachia tendens  
 Infelix, pedibus projectas spargit arenas.  
 Advolat auxilio Hæmaleon, & maximus ultor  
 Ligenetes: simul irrumpunt, simul ipse prehensos  
 Alcides, animam amplexus circum ilia clausit,  
 Prolis ut auctorem, & geminos eliserat angues.  
 Eumelium, frustra lethum evitare valentem,

C ij



Gradivus premit, & per trina volumina scuti  
 Perforat immani costarum vulnere crates.  
 Indè Mycenæus fugientem Ophio dea Perseûs  
 Urget agens crebris deserta per a via telis.  
 Tergore in obverso totum cui protinus ensem  
 Condedit, & ferro secuit morientia colla.  
 Tum caput ereptum truncumq; per aëra jecit,  
 Quà centum gemina directo vertice Thebæ  
 Plejadas aspiciunt: hîc excepisse cada ver  
 Terra parens fertur, sævumq; animasse cruorem:  
 Undè malum virus serpentibus addidit atris,  
 Progenitq; novas calido sub sidere pestes.  
 Terrigenæ decus & raptum indignantur honorem  
 Degeneres, ignominiamq; abolere priorem  
 Egregia virtute parant, quia posse videntur  
 Laudis amore trahi, & vitam pro laude pacisci.  
 Hinc gemini juvenes, divi de semine Enipèi,  
 Ante annos animumq; viri curamq; gerentes:  
 Indè Thoon ruit: Enceladus, Briareûsq;, Gigesq;  
 Tercentum ingeminant jactus, & fulmina contra  
 Missa strepunt, cœlumq; atra caligine obumbrant.  
 Horridus inprimis ante omnes mole Typhoëus  
 Emicat, immanes artus, magna ossa lacertosq;  
 Arduus ostendens: densata per agmina latè  
 Bellicus exoritur vario certamine clamor.  
 Quantus ab occasu, sero cum proditur astro  
 Taurus, & os Plejæ terris ostendit honestum,  
 Verberat ater humum crepitanti grandine nimbis  
 Ripheoq; furit Boreas densissimus axe.  
 At pater omnipotens graviter commotus, & ira  
 Exsiliens,



Exsiliens, toto molitur fulmina cælo,  
 Montanasq; strues motat: fragor horridus altis  
 Nubibus audlitur, confusaq; murmura longè  
 Crebrescunt: medium credas discedere cælum,  
 Non secus ac rimis tellus quassata dehiscit.  
 Tum telum insequitur, quo se subducere colles  
 Incipiunt, pronoq; jugum demittere lapsu.  
 Horrore Anguipedes trepidant, dextramq; residunt  
 In partem: magis hoc de vexo pondere montes  
 Procubuere, quibus tremuit tota excita tellus,  
 Cælumq; tractusq; maris, manesq; profundum.  
 Senserunt dubios motus, cæcosq; tumultus  
 Submovet Océano quos terra extrema refuso.  
 Nec tantam congesta polo traxere ruinam  
 Culmina, Terrigenæ quantam: vel mille Gigantes  
 Montibus inclusi summis vix cruribus exstant,  
 Impositas frustra tentantes pectore moles.  
 Pars elapsa fugit, pars summa cacumina prensat,  
 Atque timet lapsum: prona cervice supina  
 Quædam pendet adhuc similis jam jamq; cadenti,  
 Ipse etiam vitam sub mole profudit Hyblæes,  
 Aemonios inter reliquos notissimus augur:  
 Sed malè tum linguas, & præpetis omina pennæ  
 Noverat, augurio oblitus prævertere lethum.  
 Non tamen his furor est belli compressa cupido,  
 Non animi damnis contusi, iterumq; Tiphœus  
 Colligere arma jubet, tatisq; incumbere cælo  
 Imperat agminibus. Procedunt longius iræ  
 Incenduntq; animis vires nec deficit ingens  
 Spiritus oblitaq; agitant sublimia mentes.



Arduus ante alios campo Phœacius heros  
 Eminent Eurymedon, longamq; innixus in hastam,  
 Increpat attonitos, verbisq; hortatur amicis:  
 Nunc animis opus est, nunc forti pectore & armis  
 Promite in asuetum vinci, insuperabile robur.  
 Hunc me a nē dubita pubes, sufferre laborem,  
 Hanc operam, quò noster honos & fama resurgat,  
 Nunc morā cedat iners: olim meminisse sinistris  
 Jactatos fatis, & bella exhausta iuvabit.  
 Talia dicta dabat properans, functusq; sagacis  
 Principis officio, pugnas insignis obibat.  
 Victores contrā in ferrum mortemq; ruentes  
 Cœlicolæ accelerant, animosq; in prælia tollunt.  
 Mars prior adversas acies, stragemq; ciebat,  
 Omnibus antevolans, priscâque à stirpe Pelorum  
 Myrmidonum asequitur, quem pulcra Memphilia furtim  
 Ediderat, miroq; ad cælum miserat astu.  
 Thesalus armorum excitus post terga tumultu,  
 Respicit: at validum jam tunc arrectus in ensē  
 Fixerat armipotens pectus, gladiumq; cruore  
 Spumantem detraxit: hiat sub pectore vulnus,  
 Eructatq; atram commisto sanguine tabem.  
 Mercurius levibus libratus in aëre pennis,  
 Hyppolitum egregium patria Sycione profectum  
 Remigio alarum premit, & stricta occupat harpe,  
 Dejectumq; simul vita spoliavit & armis.  
 Fit sonitus, tum strage virū, strepituq; ruentū  
 Sub pedibus mugire solum, & iuga visa moveri.  
 Stant contrā obnixi Divi, stant omnia contrā  
 Agmina Terrigenū, atque ingenti mole Ty hocūs

Vertitur



Vertitur in medios, totumq; attollere cælo  
 Pelion aggressus, tellurem à sedibus imis  
 Eruit, & fauces reseat gravèolentis Avernì.  
 Fit crepitus, ruptoq; ingens Acheronte vorago  
 Desuper apparet, densusq; ad sidera fumus  
 Erigitur: volitant viræ sub imagine formæ  
 Circum claustra umbræ, defunctaq; corpora vita.  
 Tum septi tenebris, immisso lumine, manes  
 In suetam fugiunt lucem: nova vincula custos  
 Tartareus, metuitq; novas Proserpina raptus.  
 Prorumpunt, pars imo Erebo, custode remoto,  
 Mortales iterum conati a surgere in auras.  
 Suspicit haud visum, jam longo tempore, cælum  
 Androgeona trahens secum Theseius heros:  
 Quàm vellent superas iterum venisse sub oras,  
 Tertia sustineant miseræ ut dispendia viræ:  
 Sed Styx interfusa vetat, prohibentiq; Sorores  
 Lanificæ: perit medicina talis & artis  
 Fulminis afflatus ventis, Epidaurius auctor.  
 Hac, turbam imbellem, geminas properare sorores  
 Cernere erat Pandionias: crudelem Epicasten,  
 Tantalidasq; omnes: raptam Nyctæida tauro  
 Fraude patris, tum fraude Dei Salmonida lusam.  
 Parte pii vates: alia telluris hiatu  
 Raptus Oiclides, longaq; in veste sacerdos  
 Threicius fugit, & modo vir, modo fœmina Mantus  
 Corripuens spatium genitor, foribusq; propinquans,  
 Accelerat, gressusq; aduerso in limine figit.  
 Insequitur procul Amphion, rerumq; magistri  
 Innumeri, benè qui, brevis hac dum vita manebat,

H



Artibus ingenuis roti incubuere repertis.  
 Hos inter crudele tuens Cadmea propago,  
 Ignibus impositam quam flamma inimica diremit.  
 In diversa ruit: sequitur tellure repostos  
 Cura eadem, nec causae irarum morte quierunt.

Intremuit caelum, atque aspectu exterritus axis,  
 Tartaraq; horrescens immania, Phœbus ad ortum  
 Retrò legit iter, nitidoq; expalluit ore.  
 Haud secus ac visus Grajis Pelopæus olim  
 Cum male fraternis exarsit amoribus Atreus,  
 Progeniem horresco referens) absumere ferro  
 Non veritus, patriusq; epulandam apponere mensis.  
 Ipsi etiam scelerum auctores timuere: Typhoeus  
 Exortis stupuit tenebris, recidivaq; rerum  
 In chaos antiquum natura reuersa fuisset,  
 Ni celer aeternas metuens Saturnius umbras,  
 Terrigenis vastum injectis compleset hiatum,  
 Atraq; clausisset nigri spiracula Ditis.

Ergo iterum pulsa toto caligine caelo,  
 Rebus ut aßuetum lux reddidit orta colorem,  
 Audacem aggreditur dictis Pallanta Damafor.  
 Care quid audendum frater, quae praelia inimus?  
 Quem Superum aut Silenum illatis sternimus armis?  
 Virginis extremam agiferae penetremus ad arcem,  
 Arcadicamq; manum, & cuneos turbemus agrestes.  
 Ipse ego ductor ero, dumq; hinc palantibus in sto  
 Cade viris: illinc securam corripe Diram.  
 AEgidaq; ereptam in dominae convertito vultus.  
 Pallanti placuere doli, primusq; Damafor  
 Cum sociis Lycon invadit, Tegeaq; colonos,

Dirum-



Dirūpitq̃, aciem, & perturbat cæde cohortes  
 Occiso Pyromante, viros fortissimus inter  
 Qui fuit Alpheos, parmaq̃ insignis ahena.  
 Pantharus auxilio accurrit, vimq̃ addere victis  
 Festinat, validoq̃ movet certamine Martem.  
 Montibus exiguos credas concurrere colles,  
 Sicanioq̃ brevem Melitam se offerre Pachyno,  
 Tanta mole altis exstant cervicibus omnes  
 Terrigenæ, solaq̃ acies formidine rumpunt.  
 Mox Lycus attollens animos, jam viribus æquus,  
 Hostibus arma offert, vastaq̃ Damasora quercu  
 Fundit humi victum, atque immania membra resolvit:  
 Tu quoque Cydne cadis, nec te tua Thasime virtus  
 Eripuitq̃ pedum levitas, genitore creatus  
 Incerto, sed matre Thya Garamantide, multis  
 Autololum quæ rapta procis, compressaq̃ multis.  
 Parte alia furto Pallas solertior instat,  
 Moliturq̃ dolos, latebrosa per avia lapsus.  
 Non secus ac forti veritus concurrere tauro  
 Cominus, insidias lupo instruit, atque cruento  
 Ore inhians, lateri aut tergo insilit acer aperto.  
 Talis erat, taliq̃ animo Tritonida Pallas  
 Ibat in incautam, strepitu haud faciente tumultum:  
 Divaq̃ ni clypeo sese eripuisset abiectū,  
 Laferat, & jugulo sceleratam intorserat hastam.  
 Emicuit subito turbatæ virginis ira,  
 Et simul ense ferit, simul objicit ora Medusæ,  
 Audacemq̃ simul gemina nece dejicit hostem:  
 Uulnere pars moritur ferri, pars Gorgone visa  
 Saxificum traxit durata per ossa rigorem.

H ij



Obstupuit visu Heriones, eademq<sup>3</sup> tremiscens,  
 Aut illis grauiora, statim simul arma virumq<sup>3</sup>  
 Abiicit: imbellis Dea non ignara timoris,  
 Increpat attonitum, exuvias ensemq<sup>3</sup> relictum  
 Obijciens, probrisq<sup>3</sup> onerat fugientia terga.

Pantharus hac Meropem insequitur. Peneia nympha  
 Quem patre progeniit Tryopa, hūic avus augur Apollo,  
 Sacrilegus germanus erat sœvusq<sup>3</sup> Erisichthon  
 Quem malesuada fames, caesaq<sup>3</sup> injuria quercus,  
 Visceribus vastam ingluviem saturare coëgit.  
 Ille neces inter medias turbatus inermis  
 Constitit, atque oculos partes diffudit in omnes:  
 Apparet spes nulla animo, sublata facultas  
 Effugit: premit hinc hasta Tegeäticus heros,  
 Illinc effusus Tritonia viribus urget  
 Bellatrix. fusq<sup>3</sup> perit cum sanguine pœnas.  
 Quid faceret? tumidine vias asperrima ponti  
 Intercludet hiems, Austerq<sup>3</sup> obstabit eunti?  
 Insilit in maria, & quâ se dedit æquor in alrum,  
 Elisit vada falsa imo spumantia fundo.  
 Sensit id, & motis madidum caput extulit undis  
 Ceruleus Triton, profugumq<sup>3</sup> per alta sequutus,  
 Sedibus Eurypili claudit, conchaq<sup>3</sup> coactum  
 Occupat, & calidum fundit tellure cerebrum.  
 Lausq<sup>3</sup> rei gestæ memori quo viveret ævo,  
 Indigenas victi Meropes de nomine dixit.  
 Sed pater Oceānus, nē immundus olentia fœtor  
 Membra, vel infelix dilapsa cadauera tabes  
 Carperet, atque auras inimico afflaret odore,  
 Esse dedit volucrem, & natis modo sustulit alis.

Praminet



Præminet ore rigens nullo curvamine rostrum:  
 Penna viret, cælo tamen haud se credit aperto,  
 Atque humilis terras juxta volat, ardua vitans,  
 Criminis haud oblita sui, offensiq; Tonantis.  
 Ira tamen, parvoq; audacia pectore regnat,  
 Dumq; nocere nequit Superis, alvæaria circum  
 Odit apes, & strage furit, miserâq;prehendit  
 Crura thymo plenas, nidisq; immitibus adfert  
 Semineces, quod Dictæo sub rupe ferantur,  
 Excidio Terra genitis, pavisse Tonantem.

Ergò magis fuso crudescit pugna cruore  
 Diversiq; cadunt: nunchos, nunc excipit illos  
 Pantharus, atque acies audentior urget in hostem.  
 Non quoque deficiunt animi de parte Gigantum,  
 Exercentq; Deos: Almops iterumq; reversus  
 In pugnam ruit Enceladus, ruit indè Caphareüs,  
 Et gemini fratres, Caneüs, vastusq; Geræstus,  
 Concordes animæ, genitor quos Autharus Iltha  
 Matre satos, cristis & versicoloribus armis  
 Addidit insignes Thracum legionibus: ollis  
 Par ut amor, sic par odium cœlestia contra  
 Regna Jovis violento irarum exciverat aestu,  
 Nysigenûmq; acies penetrant, atque obvia quæque  
 Prosterunt, cumulantq; ingentem stragis acervum.  
 Illorum armipotens occurrit Diva furori,  
 Proxima quam casi Pallantis gloria in altum  
 Sublimem extulerat, tantiq; insignia facti  
 Nomina posthabita dederat Tritonidos unda.  
 Hi jaculis vitam & gravibus defendere saxis  
 Communi virtute parant: primusq; Caphareüs

H ij



Arduus aſurgit, ſaxumq; immane minatus  
 Torquet agens, clypeumque Dea tremefecit, & oras  
 Collifit, molli quas Mulciber ambiit auro,  
 Diva ſimul timuit: ſimul arſit: ſaxa ſudesq;  
 Diverſi circumſpiciunt, dumq; omnia deſunt,  
 Una ingens, toto conſiſi corpore, littus,  
 Haud partem exiguam abrumpunt Cadmeidos ora.  
 Dat tellus gemitum: ſubito maria alta fragore  
 Implentur: nemora & colles horrore reſultant.  
 Parte avulſa ruunt diſſectis oppida muris,  
 Cum patribus, populoq; Penatibus, & Laribus Diſ.  
 Cerinthus Chalcisq; tremunt: ſubſidere in æquor  
 Aulida juraſſes medium, Bæotiaq; arva.  
 Parte alia, infuſis curſum mutantibus undis,  
 Horreſcit pater AEgeus, fugiensq; Ceraſtum  
 Ad portus Trachyna tuos, in Canea magnum  
 Incidit: utq; pedes iterum ſine voce repreſſit,  
 Retro carpit iter: ſed adhuc cum fratre Caphareus  
 Obſtat, & attonitis nondum datur exitus undis.  
 Hoc magis ergo hoſtem fugit, & dum incertus eandem  
 Sapius itq; reditq; viam, refluensq; fluensq;  
 Ambiguus hic error aquis inolevit, & uſu  
 Inſtabilis manet Euboicis Euripus arenis.  
 Non tulit has tantas procedere longius iras  
 Uerrice nata Jovis, ſævisq; armata colubris  
 Obtulit æra viris viſenda: ſtatimq; Ceraſtus  
 Vim rapuit clypei, atque aſpectu induruit: alter  
 Inſolitum cernens germani in fronte rigorem,  
 Hæc quid monſtra volunt, undè hæc tam mira repente  
 Exſiſtit facies? clamat, mox plura volenti

Dicere,



Dicere, durato vox irrita substitit ore:  
Mittere tentanti molem, jam agnata cohaerens  
Rupe manus, sensim corpus coale/cit in unum.  
Cænea durities eadem occupat, atque per ima  
Membra lapis serpens cava marmore congelat ossa.  
Hæc dum Pallas agit toto miracula cælo,  
Terrigenum occurrit non infima gloria, magnus  
Et metuendus Athos, Ciconum cum millibus ausus  
Affectare Jovem Divosq; hunc Thracia virgo  
Strymonis Edono conceptum flumine fudit,  
Omnia Neptuno similem: sic illius ora,  
Sic animum & patrios referebat imagine vultus.  
Ille videns quàm primum invisa Palladis arma,  
Se necis ultorem Caneî cariq; Caphareî  
Promittit, rapta spirans immania pinu:  
Thraces idem comites agitant, similiq; furore  
Missilia expediunt, omnes in utrumque parati,  
Aut scelus ulcisci, aut certæ succumbere morti.  
Divæ sed eventus varios, belliq; revolvens  
Fortunam, non Marte sed arte occurrere tantis  
Tutius esse viris rata: mox vestigia preßit,  
Seq; retrovertens, squallentia crimibus atris  
Ægide concussit Phorcynidos ora Medusæ.  
Vidit id Olyctes, Nymphamq; aversa ruentem  
Aggreditur, dirumq; nefas in pectore versans,  
Uim parat: illa dolos ridet, discrimine tanto  
Non oblita sui, atque instantem cominus hasta,  
Trans adigens, lævum ferro latus haurit ad actò.  
Tunc animis juvenum furor additus, atque leonum  
Instar eunt, quos asper ovilibus ardor edendi.



Cogit, & auditi teneris balatibus agni.  
 Sed magis in sua fata ruunt: Nam Spartus, Hemonq̃,  
 Ismaridesq̃, Melos, saxo per corpus oborto,  
 Diriguere statim. Cephalon, niveusq̃, Galaetes  
 Solliciti monstris, consternatiq̃, pavore,  
 Lustra metu diversa petunt: Pangæus Agyrtes,  
 Qualis erat gladio arrepto, lethumq̃, minanti  
 Transiit in silicem aësimilis: Rhodopeius heros,  
 Attonitus simulacra modis torpescere miris,  
 Infremuit, reprimensq̃, pedes, radicibus altis  
 Crura cohaeserunt tellure, geluq̃, rigescit  
 Marmoreo, atque omnes ligat horror saxeus artus.  
 Dumq̃, manus iterum affectat, cæloq̃, minantes  
 Erigit, in geminas abierunt brachia cautes:  
 Ora movet, vocemque amans molitur, at imo  
 Cutture vocis iter clausum, atque allisa palatum  
 Lingua ferit mutum, & verba imperfecta profatur.  
 Horruit infelix gelido sub gurgite Strymon  
 Festinos cari casus & fata nepotis.  
 Occultumq̃, gemens canis tegit ora capillis.  
 Ipsa etiam patrio genitrix excita profundo  
 Indoluit Rhodope, atque iterum caput abdidit undis,  
 Assiduè irrorans manantibus antra querelis.  
 Interea Alcioneus, quem jam manus Herculis antè  
 Straverat, & semel umbroso demiserat Orco,  
 Aetherias iterum captavit naribus auras,  
 Fortior & solito tacta tellure revixit.  
 Non aliter Libycis vastus luctator in oris,  
 Alciden stetit adversus, victoria sterni  
 Cui fuit, & victus major surrexit arena.

Sed



Sed titubantem, & adhuc retrò persæpe labantem,  
 Turbine correptum Jovis alto vertice nata  
 Aëra perliquidum patrium coniecit in Isthmum.  
 Ille quidem, graviter scopulis allisus acutis  
 AEgrè animam trahit, at tantus sine vulnere lapsus  
 Officit haud quidquàm, & graviores concipit iras.  
 Talis erat turba capitum, damnisq; superba  
 Hydria datis, semper geminato immanior ore.  
 Talis erat ternis animis Præneste sub alta  
 Quondam Herilus, cū vitam Evandrius abstulit ensis.  
 Neu quidquam indignum sceleri atque immanibus ausis  
 Linqueret, ingenti quingentos fragmine montis  
 Silenū oppreßit, nigroq; immergit Averno.  
 Vix Therus elapsus dextro pede debilis: Ocnus,  
 Et Clytor, & Triphylus, vita sub mole relictæ,  
 Oppetiēre necem: quorum solertior Arcas  
 Incrementa Clytor radiantis menstrua Luna  
 Noverat & quando fraternis æmula flammis  
 Ore micet pleno, quando inter mæstris in arctum  
 Parva senescentis vaneſcant cornua frontis.  
 Non tamen his scitis, & rabies expleta cruoris,  
 Ipsa animos addit Strygiis emissa tenebris  
 Pallida Tisiphone, saxumq; immanius illo,  
 Quod pater AEolides semper revolubile trudit,  
 Torquet in Alciden, quò pontus & altus Olympus  
 Infernaq; domus reboant: venientis at ictum  
 Alcmena satus, excepit, clavaq; trinodi  
 Reppulit, & Graja fixit tellure, nec illud  
 Nulle viri, centū vel loco movere juvenci,  
 Tum contrà arma rapit, nodosaq; tempora circum



Tela rotat, magnisq; invadit viribus hostem.  
 Non si Sisyphides, quot fert Sicyonia baccas  
 Terra, sinus nautas Criseus, & æra Corinthus,  
 Aut etiam plures animas habuisset: at omnes  
 Eripuisset, atrox tanto Tirynthius æstu  
 Irarum furit, & vi fertur in ora Gigantis.  
 Deficit actutum Alcioneus, quassatæque anhelant  
 Illa singultu, & lacero vomit ore cruorem  
 Impurum, obsessasq; premit mors aspera fauces.  
 Deinde cadit, clypeumq; super devolvitur ingens.  
 Non secus ac ventis, & fulminis alite jactu  
 Ima avulsa ruat quercus radice: resultat  
 Omne nemus, magnoq; crepant virgulta fragore..  
 Ex templo pavidas natarum allabitur aures  
 Nuntia fama, patris crudelia fata recensens.  
 Territa cunctarum calor ossa relinquit, & artus  
 Occupat attonitos frigus: cecidere remissis  
 Hinc colus hinc fusus digitis, excussa q; pensa:  
 Utq; animus rediit, scissis cum veste capillis,  
 Immemores decoris, tecta alta ululatus implent  
 Una sed Alcyones inter mœstissima Nymphas,  
 Aetherios nondum collapsa receperat haustus  
 Asterie, tantus præcordia vicerat horror,  
 Utq; resecta graves oculos, oblitæque vitæ  
 Sustulit ora solo, & fœdatos pulvere crines.  
 Quid queror, aut ubi sum, pro Juppiter, inquit, an armis  
 Occidit Alcioneus genitor cœlestibus? ultor  
 Nec potuit ferro tam fœdum avertere fatum?  
 Non Almos, non Porphyrio potuere jacentem  
 Eripere, & miseris servare nepotibus? omnes

Exstinxisti



Exstinxisti: quid si fugienti obsistere vitæ  
 Concessum, calidisq; novissima vulnera lymphis  
 Abluere, exsequisq; supremum reddere honorem?  
 O patrui, pater ô, nunquàm rediturus abibas?  
 Quid sequimur fugimúsve, infelix turba Sororum?  
 Occidimus, patriæ luimus facta impia dextræ:  
 Crudelis, si non eadem quoque fata parârit  
 Progenies, nolitq; invisam abrumperelucem.  
 Quid dubitamus? an ut Superûm quis tecta domosq;  
 Destruat, aut captas ducat sævisima Pallas,  
 Servitiumq; immite, & tristia quæque minetur?  
 Aut etiam seros hiberni ad luminis ignes  
 Exercenda ferat non æquis stamina iussus,  
 Imperiosa, & fœmineas trux exferat iras?  
 Quin & erunt, quos insanis scelus efferat ausis,  
 Quiq; illibatum ingenuo tentare pudorem  
 Corpore non veriti, rapiant, zonamq; recingant.  
 Ad peiora reservamus nos nostraq; damnis  
 Omnibus his finem statuet mors atra futuris,  
 Dixit, & ex alta misit se prima fenestra:  
 Dumq; cadit, Drimo labentem nomine clamat:  
 Me comitem spernis? sequor: Alcippenq; prehensam  
 Precipitat secum: Phthoniæ placet exitus idem,  
 Et Palena tibi: turbata Methona Sorores  
 Voce vocans, multumq; gemens miserabilis Anthæ  
 Tandem etiam dulcem vitam lucemq; perosa,  
 Projecere animas: vidit Neptunia conjux,  
 Vidit & ingemuit, nec sivit in æquore mergi,  
 Et quot virgineæ fuerant, mira arte volucrum  
 Se totidem reddunt facies, sumtisq; Torones



Littora nota petunt pennis, semperq<sup>3</sup> morantur  
 Fluctibus, & scopulos lacrymosis vocibus implent,  
 Dilectæ Tetidi Alcyones, nymphisq<sup>3</sup> marinis.  
 Interea Cyprii passim diversa Cerastræ  
 Arma movent, altis nemorosa vallibus ossæ,  
 Obscuriq<sup>3</sup> adsunt dumis, urgentq<sup>3</sup> Dianam,  
 Arboribus defensi atris, densisq<sup>3</sup> salictis.  
 Hoc sensit Dictynna, canes sensere sagaces,  
 Quos malè Gargaphia Cadmeò visa nepote,  
 Nec domini contenta nece abstulit, inq<sup>3</sup> triumphum  
 Duxit, ut exstarent tanti monumenta furoris.  
 Prima Dioxippe, & Cressa de gente Pachitos,  
 Dum ramosa vident per apertos cornua saltus,  
 Cervos esse rati, ruptis magno impete vinculis,  
 Accelerant, prædamq<sup>3</sup> petunt: Oresitropus atris  
 Distinctus maculis sequitur, geminiq<sup>3</sup> Lacones  
 Pamphagus & Theron, & truncis auribus Alce  
 Truncatusq<sup>3</sup> Charops cauda, hirsutusq<sup>3</sup> Machimus,  
 Albus & Ichnobates humeros, sed cætera fuscus.  
 Subridet Diana, novæ spectacula pugnae  
 Aspiciens, turbamq<sup>3</sup> omnem dissolvit habenis.  
 Nec mora, prorumpunt castris: ceu turbine nigro  
 Aspera fertur hiems: vel celsò vertice montis,  
 Humidus immensam cum vim pluit Auster aquarum.  
 Ima petit torrens, seseq<sup>3</sup> effundit in agros.  
 Vidit & Orion animos Lunaq<sup>3</sup> labores,  
 Quam coluit, quam sæpè suis venatibus auxit,  
 Extemploq<sup>3</sup> cirum Procyona imittit, & acrem  
 Lalapa, spumantes quo nemo sagacior apros  
 Immanèsve lupos, aut celsum in cornua ceruum

Venari



Venari edoctus, lustrisq; effundere in æquor.  
 Fit strepitus, sævitq; canum latratus in auras:  
 Diffugunt Cyprii, qua proxima meta viarum  
 Tesqua per & dumos aperitur: fortis Hylaëtor,  
 Nebrophonusq; premunt vestigia, cumq; Lycisca  
 Matre Lacon: Pterelasq;, Napeq; Thousq; sequuntur,  
 His se addunt Canache, Leucon, Dromas atque Melampus  
 Theridamasq; sagax, plantis pernicibus omnes  
 Præstantes, unaq; omnes de matre creati.  
 Pæmenis Omphaleum premit ore: Harpya Philacten:  
 Theriope Spartana Pelan: ipsa agmine Phœbe  
 In medio, chlamyde & pictis conspecta pharetris,  
 Clamantis jaculum bacchatur in ora Pharebi,  
 Ut tota ceruice tremens cum cuspidē ferrum  
 Exstaret: cadit ille cruenta stratus arena,  
 Vastaq; lethali solvuntur frigore membra.  
 Tum Rheteona petit telo, Cressumq; Mimartem,  
 Ad rapidum nympha Corynide cætus Oaxem  
 Qui fuit Idalio Syroæ genitore: statimq;  
 Ense ferit Retheona: Mimartem odora canum vis  
 Fraude loci, & dubia sylvis regione viarum  
 Oppressum, rapit, atque immiti eviscerat ore.  
 Hinc fugit Aëpyceros trepidans, fugit inde Coryptes,  
 Quis stipata cohors obstat, cursuq; cientes  
 Pulveream nubem, properant, facta agmine, in hostem.  
 Dentibus hunc retinet Menaleus, jam calce prehensa:  
 Illius ambiguum sed per compendia nota  
 Dinomache prævertit iter, rectaq; minatur  
 Fronte necem: Aëpyceros sed adactis cornibus alvum.  
 Dissecat, & gemino rumpit genitalia sætu



*Viscera, nam gravidus labefecerat ilia partus.*

*Subvenit auxilio Clyti<sup>us</sup>, vastusq<sup>ue</sup> Erymanthus,  
Ordine quem longo quotquor Phœnica, Melamq<sup>ue</sup>,  
Apidanumq<sup>ue</sup> bibunt, animisq<sup>ue</sup> opibusq<sup>ue</sup> sequuntur.  
Mox prior aggreditur Clyti<sup>us</sup>, verbisq<sup>ue</sup> profatur  
Irridens: Dictynna virum sese inserit armis,  
Terrigenis ausa imbelli concurrere dextra?  
Egregiam certè te miror Amazona, quiddam  
Fœmineam supra ausuram memorabile sortem.  
Credo equidem foret illa tuis res digna triumphis,  
Amplexu superare virum: sunt hæc spolia altis  
Suspendenda tholis: quibus Endymiona bubulcum  
Annumerare queas, nec spreta cubilia Panos.  
Alpheus tibi verus ero: non oblita cæno  
Ora neci eripies: non fata videntia falles.  
Noster amor tantum momento crescit in uno:  
Utq<sup>ue</sup> scias, hoc sit veri tibi pignus amoris.  
Dixit, & excelsè sublatam dirigit hastam,  
Aurea quæ cohibent exsertam cingula mammam,  
Atque levi tenerum strinxisset vulnere pectus,  
Si non mota loco venientem protinùs ictum  
Cynthia vitasset: furis illa effera, & alto  
Corde premens iras: etiam hæc testantia mentem  
Sint tibi signa meam, clamat, mittitq<sup>ue</sup> sagittam  
Stridore ingenti: illa alis allapsa sinistram  
Terrigenæ inq<sup>ue</sup> latus devenit, & ilia rupit.  
Tunc conferre manum, & clamore incumbere magno  
Cernere erat socios: Triviam circumstetit horror,  
Clamantùmq<sup>ue</sup> minis, & duro mota tumultu,  
Auxilium implorat fratris: sensère Gigantes*

*Adventum*



*Adventum strepitumq̃ Dei, retroq̃ tulère  
Signa pedum, & montes Phœbe petière relictæ.*

*Temporis interea spacium Dea nacta nocendi,  
Lathmia saxa petit, quondamq̃ reposta cavernis  
Pharmaca depromit, vertendis facta figuris  
Virginis ingenio Perseidos, arte resectis  
Ad Lunam variis terræ pubentibus herbis.*

*Quoq̃ foret melior vis inveterata veneni,  
Ipsa soporiferum Lerneæ virus Echidnæ,  
Cerberumq̃ aconitum immiscuit, atque cicutam,  
Plurimaq̃ Atracis quæ toxica nota puellis  
Vertice Peljaco nascuntur, & Othryos alti.  
His iterum umbroso se Diva ferebat ab antro  
Jam secura metus: cælumq̃ in vecta tenebat.*

*Accelerant subito Anguipedes, clamoribus acti  
Horrendis, solamq̃ petunt super omnia Divam:  
Illa fugam simulat, bigisq̃ per aëra rapta,  
Arcadici placidum Alpheï descendit ad amnem.  
Tum Pholoë insultans, hæc certi signa timoris  
Esse ratus: Cessamus, ait, premimusne fugacem?  
O juvenes, tantis an digna rependimus ausis?  
Scilicet hæc cælum spoliis induta Gigantum,  
Et nostris petet exuviiis: tot funera fratrum  
Ediderit, socium primos tot miserit Orco?  
Occiderit ferro Clytius, saltusque Cerastrum  
Sanguine sudarint Oſæi, & litrus Enipei?  
Necum animas offerte hosti, lethumq̃ Dianæ  
Instauremus idem, sceleri si digna reposco,  
Talibus accendit, viresq̃ hortatibus addit:  
Insequitur fremitusq̃ virum, sonitusq̃ ruentium.*



*Menalus armatos pedites: Onchestius Azan*  
*Addit equos equitesq;: Lycaus primus ad arma*  
*Concurrit, saltusq; omnes custode coronat.*  
*Dira statim obscuræ convexo in tramite sylvæ*  
*Excipit hunc, sparsumq; cruentitabe veneni*  
*Efficit ingentem sublimi vertice montem.*  
*Nec procul Herionem, insidias post terga parantem,*  
*Pan Deus Arcadiæ sylvestris robore quercus*  
*Arreptum letho domat: hinc Latonia fertur*  
*Arvorum pecorisq; Deo sacrasse Lyceum.*  
*Lampeum & Nonacrin idem medicamine miro*  
*Exitum rapuit: celsas Psophidos ad arces*  
*Occupat attonitos Erymanthi frigidus artus*  
*Horror, & in sylvam coma frondentesq; cupressos*  
*Funditur, & fluvium parit, Alpheoq; per imas*  
*Quærit iter valles socio, dum vectus ad oras*  
*Sicanias, Arethusa tuis confunditur undis.*  
*Dein Pholoëon, vastumq; armis Rhipæon, & acrem*  
*Menalon aggreditur, cunctosq; potentibus herbis*  
*Induit in montes gelidos, & lustra ferarum.*  
*Dives inaccessis ceu Solis filia lucis,*  
*Transformata virum medicatis frugibus ora*  
*In faciem mutata novam, vertebat in ursos,*  
*Setigerosve sues, fulvorum aut terga leonum,*  
*Mores feræ clausos miserè præsepibus altis.*  
*Obstupuere animis Styphalus & impius Azan:*  
*Quid faciant? turpine fuga an virtute salutem*  
*Incolumem expédiant? timor hanc, pudor impedit illam.*  
*Dum dubitant, Azanis atrox per pectora virus*  
*Cynthia diffundit, sparsosq; liquore furentes*

Excitat



Excitat alipedes: illi ut sensere venenum  
 Visceribus lapsum, calidisq; hæere medullis,  
 In furias fremitumq; ruunt, frenisq; solutis  
 Aurigam currumq; simul per celsa volutant.  
 Nunc Pholoën, notumq; prius furitate Lycaum  
 Transmittunt: timor haud fluvios innare rapaces  
 Nuncq; humiles, iterum sublimes surgere in auras  
 Non sic durus amor, Venerisq; afflata voluptas,  
 Fœmina cum noto nares accendit odore,  
 Flumina per montesq; marem rapit, atque fatigat,  
 Donec inexpleti stimulos avertat amoris.  
 Horruit aspectu Berecynthia mater, & ullo  
 Nè quis fortè Deum montem sibi vindicet ævo,  
 Ipsa sacras fixit frondoso in vertice sedes.  
 Ast lateri avulsum sibi dum malè cernit amicum  
 Stymphalus, fugit effusè, Divamq; tremiscens,  
 Quod timuit jam torus erat: nemus ilice densum  
 Cæsaries dedit, & sparsi per colla capilli:  
 Montis apex caput est: humeri juga bina: lacerti  
 Ventre coherentes vasta se mole per agros  
 Protendunt: tenuem velut attenuatur in auram  
 Spiritus: humor aqua fit simplicis, inq; Pami sum  
 Sanguis it: ille cadens raucum per lævia murmur  
 Saxa ciet, cultisq; furit damnosus in arvis,  
 Sæpius ut gravidis procumbat culmus aristis,  
 Spemq; fatigati defraudent rura coloni.  
 Hæc quis fortè, cava dum vellit ab ilice glandes,  
 Saxa videns subitò sylvestribus horrida dumis,  
 Totq; novos vastum montes se effundere in æquor,  
 Ignotasq; inter decurrere flumina valles,

K



Extimuit, famamq; rei, factumq; nepotes  
 Transtulit ad seros, omnis quod credidit ætas.  
 Nec jam vana fides: non est dubitabile verum,  
 Facta patent, certisq; licet cognoscere signis,  
 Arcadiam servare nigri vestigia succi.  
 Hinc Phenei nocturna bibentibus officit unda,  
 Lymphaq; Clytorii calido contraria Baccho,  
 Tædia certa parit vini: Hinc gravis horrida taxi  
 Umbra nocet: fugias hanc fesse viator ab æstu:  
 Hic tibi dira quies, si credas membra cubili,  
 Lethæum æterna patieris morte soporem,  
 Hinc Nonacrinis qui rupibus effluit humor  
 Fit tacta tellure lapis, potusq; calorem  
 Vivificum necat, atque inducit frigora membris.  
 Hunc ne fictilibus concluderis inscius ollis:  
 Testea vasa gelu, & firmissima rumpit æhena.  
 Afficit exesum scabra rubigine ferrum,  
 Tàm fera sævit hiems, vis est tàm mira veneni.  
 Interea armipotens ingenti cæde peracta,  
 Cum spoliis redit, exuvii induit Lycæi,  
 Diva, laboranti ut succurreret impigra cælo.  
 Namque ubi concipere iras, victiq; dolore  
 Invenere viam furis, per tela per hostes  
 Terrigenæ arma ferunt: Ephialtes Pindon & Ossam,  
 Pelion Enceladus vastumq; Athamanta cohortes  
 Volvit in ætherias Homolen rotat acer Orius:  
 Besbicus & Briareus socio iuga robore vellunt  
 Ardua Pangæi: immanis Libethron Alcæus,  
 Ismaron Otus agit, Rhedopen Adamastor & Hamum,  
 Ææperus Titaron, Meropum trunculentus Echion,

Pieron



Pieron Oromedon. Misſorum involvitur atro  
Telorum imbre polus, ſpiſiſisq; offunditur umbris.  
Non aliter quàm cum lucem circum ætheris alti  
Eripuit volucrum denſis exercitus aliſ.

Ante omnes rex Eurymedon magnum agmen ad aſtra  
Cogit, & imperii pubem venientis amore  
Inſtigat Phœacam, animiſque audacibus implet.  
Terribiliſ centum manibus centena Typhœus  
Tela regit, totidemq; efflat de naribus ignem.

Aſpera pars gravibus miſcet certamina contis:  
Montibus armatur pars maxima: Cœus Olympum  
Viribus aggreditur magnis, partemq; revellit.  
Saxum immane Mimas, campo quod forte jacebat,  
Ad cœlum cum voce rapit, raptumq; Dianam  
Torquet in inſtantiem: ſed fruſtrâ, iſtusque ſeſellit,  
Deciduumq; ruens, pernicioſus alitiſ Auſtri  
Flamine, vel Parthi jaculis, cadit inter Halæſum,  
Ioniumq; Melan, velut æctus nubibus imber:

Ardua terrarum reboant: Cinyreia Smyrna  
Phocæuſq; ſinus nutant, atque Aſia longè  
Pulſa palus, cygniſq; ſonantia prata Cayſtri.  
Penè ſimul Pteleon, priſcaſq; involvit Eriſthras,  
Tanta mole ſilex, hinc Trallibus, atque Tymolo  
Imminet, hinc Lebedum protenditur uſque, ſacratam  
Religione patrum Phœbo, ſceniſq; Lyæi,  
Auctor ſq; tenet cognomina certa Mimantriſ,

Obvia Cœlicolæ, & crudo cum Marte Minerva  
Arma ferunt: longè ante alios Tirynthiſ heros,  
Horridus in jaculis, & victi pelle leoniſ,  
Agmina ductor agit, vaſtaq; Apheſtora clava

K ij



Occupat, extenditq̃ solo, quem propter eodem  
 Concidit Oromedon fato, ditissimus auri  
 Qui fuerat, magnūque alta tellure repostum  
 Argenti pondus longo celaverat ævō.  
 Ille quidem poterat lethum evitasse, dedisset  
 Antè nisi pectus telo malesanus inermum.  
 Tum lucta aggreditur Calarim, Telephumq̃ trucidat,  
 Ausum, immane nefas thalamum incestare Sororis  
 Enixumq̃ vado Sperchii immergere partum:  
 Ille cadit, scelerisque sui dat sanguine pœnas.  
 At furis Stheneli mens effera, triste suorum  
 Bellum animo versans, magna volat obviis ira,  
 Et latus Alcida jaculo rimatur adacto:  
 Frustrà equidem, magnisq̃ urgens conatibus hastam,  
 Perrhæbi graviter sub mento guttura fixit  
 Olyari, dextraq̃ fuit justissimus error.  
 Ter conatus idem Litagus: ter maximus armis  
 Obstitit Alcides, solusq̃ immota tenebat  
 Tela tot adversus, nec quidquàm animosa remisit  
 Corda, pedesve retrò pressit, licet undiquè saxis  
 Obrutus, & crebris resonarent iectibus armi.  
 Haud secus atque canum sylvis latratibus actus  
 Sævus aper, multos quem nubifer Apenninus  
 Pavit arundineis Vestimū saltibus annos:  
 Ille plagas inter, si quando ad prælia ventum est,  
 Venantū rapido immissas dente excutit ornos,  
 Deterretq̃ canes, spuma s̃q̃ agit ore cruentas:  
 Stat Picena manus circum, pubesq̃ Sabella,  
 Mirantesq̃ feram, atque horrentes tergore setas,  
 Irritant tutis longè clamoribus Umbrum.

Pergit



Pergit adhuc satus Alcmena, violentior ira,  
 Quaq̃ virum globus à tergo densissimus urget,  
 Prorumpit, clavaq̃ Cabino Aniène profecti  
 Diffidit os faciemq̃ Dari, gladiumque nitentem  
 Eripit à victi femore, ereptumq̃ coruscat  
 Terribilis, ferroq̃ viam molitur, & urbe  
 Osiropum Megara, patriaq̃ Medonta superbum  
 Aetola, mediam ante aciem trahit, & per utrumque  
 Transadigit gladium: olli alto tellure recumbunt  
 Cum sonitu, sparsaq̃ velut luctantur arena.  
 Iphinoum, sociis dum vult succurrere lapsis,  
 Fata tulere eadem, & stratus prope concidit ambos,  
 Suspiciensq̃ iterum cœlum, jam mente recepta,  
 Palantes inter reliquos gemitumq̃ cadentium,  
 Threicia de gente videt, sed terga parantem  
 Vertere Stesiarum, projectis turpiter armis,  
 Cujus opem implorare volens, frustratur hiantem  
 Irrita vox, funditq̃ animam pro voce sub auras.  
 Parte alia late metuendus Juppiter atris  
 Fulminibus furit, & cœlo caeva nubila rumpit:  
 Præ reliquis dum bella movet, Martemq̃ fatigat,  
 Corripiunt Erinaum ignes, hirtamq̃ repente  
 Crinibus exurunt barbam, illapsiq̃ capillis  
 Asiliunt, gratumq̃ comæ populantur honorem.  
 Ille quidem manibus tentat divellere flammæ,  
 Atque avidas inhibere faces, diffusus at ardor  
 Exsuperat, sumuntq̃ novas incendia vires:  
 Tum demum horrendum frendens, magnoq̃ dolore  
 Efferus, in vada se gravolentis rauca Sicendi  
 Præcipitat, flagrantiaq̃ ora palude volutat.

K ii



Sed sacer ignis aquis mediis magis ardet, & aestu  
 Visceribus sævit, nullaq; domabilis unda,  
 Dum quid pinguis adhuc superest in corpore succi,  
 Quæq; vorat, flammis alimenta rapacibus exstant.  
 Obstupescere animis liquidi gens incola stagni,  
 Sævis imperium Jovis, horrendisq; Tyrannum  
 Ignibus armatum metuentes æthere lapsum:  
 Moxq; timore omnes veterem pressere querelam,  
 Aeternumq; tacent, atque alta silentia servant.

Nec procul hinc Cinnum trepidantem & dira paventem  
 Supplicia aggreditur Belus, retrahitq; fugacem,  
 Avulsumq; humeris caput, & sine nomine truncum  
 Corpus humo tectum, foveis abscondidit, unde  
 Nomen habet, quondam raris habitata colonis,  
 Sed nunc Cinna potens, Athamanisq; incluta terris.

Diffugiunt reliqui, sylvisq; teguntur opacis:  
 Se quoque circumstant quæ deinde pericula Rhæcus  
 Aspiciens, fugit, & mota cervice, reflectit  
 Retro oculos, umbræq; sequentis terret imago.  
 Tunc etiam immanem videre Typhoea primum  
 Turbatum, & Superos cælestiaq; arma timentem:  
 Tunc minus audaci Encelado fiducia cessit.

Instat vi pater omnipotens, solumq; per omnes  
 Typhonem petit, in solo Typhone moratur.  
 Ille per Aegæum fugiens, Asiamq; propinquam,  
 Ad gelidos Scythiæ populos, ubi cautibus horrens  
 Caucasus, intonsusq; assurgit ad astra Niphates,  
 Se Jovis eripuit conspectu iramque fefellit,  
 Segnior haud sequitur per Caspia regna, ferosq;  
 Juppiter Hyrcanos, depræsumq; igne trisulco

Sauciat,



Sauciat, atque omnis, si mens non læva fuisset,  
 Terrigenum hoc uno res procubisset adempto:  
 Mars nec Aloiden sensit, tale nec unquam  
 Imperio Jovis exitium venisset & astris.  
 Heu fati ignari Superi: sine fulmine, inermis  
 Irruit, immani fretus se offerre Typhoeo,  
 O cælum, ô Divum domus ardua, & incluta bello  
 Mœnia cœlestum: quater ipso in vertice montis  
 Substitit ipse Gigas retrò quater arma repressit,  
 Immemorat pergit discriminis, atque furore  
 Cæcus, atroci audet lucta contendere monstro:  
 Ex illo spes fracta Deum, labefacta q̃ virtus.  
 Corripit amplexum Typhon, & fortia circum  
 Brachia dat, spirisq̃ in nodum ingentibus arctat,  
 Tum sic deivictum alloquitur centenaq̃ solvit  
 Cuttura. Venisti tandem exspectate Typhoeo,  
 Saturni genus egregium, datur ora tueri,  
 Audacesq̃ manus, quis fanda nefanda minatus,  
 Et lethum Tellure satis? sic rebar, amice,  
 Tempora dinumerans, venturaq̃ fata, futurum.  
 Nunc hominum Divumq̃ pater mea regna videbis,  
 Misceriq̃ tuo totum sine numine mundum.  
 Quid tibi mentis erit cernenti talia, sensus  
 Qualis erit? Terragenitos considerare cælo  
 Invidia est, astrisq̃ nefas regnare Gigantes?  
 Fas equidem illatus iustumq̃ parabitur armis:  
 Invidiæ mors atra dabit regniq̃ sequestrem.  
 Omnia nunc, licet, assumas miracula rerum:  
 Victori insulta truculentus imagine Tauri,  
 Et, velut Asterien, Aquila luctante teneto:



Cygneas simula pennas, vel scævior anguis,  
 Corripe funesti mea pectora rabe veneni.  
 Ut corpus redimas, cælo pluat aureus imber,  
 Saxa q̃ mutata solvantur in horrida nubes,  
 Quid cessas, sceptrone cares, num fulmina desunt?  
 Concute sæcundum pectus, tibi mille nocendi,  
 Nulle artes, nunc una det ut solvare, vetetq̃  
 Terrigenis ferro sceleratum excindere cælum.  
 Talibus insultat malè sana mente Typhoeüs,  
 Multa Jovi objiciens, oneravitq̃ athera probris.  
 Est locus, æquoreos Cylicas quæ pontus ad Austrum  
 Alluit, inq̃ sinum scindunt se bina recurvum  
 Brachia, jactatis statio tutissima nautis.  
 Corycus hic (opus humana haud imitabile dextra)  
 Religione sacrum specus est: multisq̃ timore  
 Numinis excultum populis: locus ipse videnti  
 Horrorem incuteret, tanto cæla verat arcum  
 Natura ingenio, levibus testitudine top̃his,  
 Aetheris in morem, educta laquearibus altis.  
 Intus aquæ vivæ, & nativo pumice sedes,  
 Nympharumq̃ domus: circum genialis odores  
 Terra parit varios, casiam semperq̃ rubentis  
 Tenuia fila croci: tum sylvis scena coruscis  
 Desuper incumbens, obtentu frondis inumbrat.  
 Hunc pedibus raptum, ex humeris, ceu turpe cadaver,  
 Suspendit: misero cervixq̃, comæq̃ trahuntur  
 Per terram, squallentq̃, sereni pulvere vultus  
 Et primum indigetes Nymphas, quò testis abesset,  
 Ejicit, & longè vulgus sibi submovert omne.  
 Semianimem inde Jovem speluncis abdit opacis.

*Carceribus*



Carceribus clausum circum, atque horrentibus umbris.  
Neu quid inexpertum scelerum esset, neu quid inausum  
Liqueret, erepto (dolor heu) manuumq; pedumq;  
Ense secat nervos: subito convulsa dehiscunt  
Vulnera parva prius, contractaq; membra rigescunt,  
Tormenti genus infandum, cædesq; Tyranni  
Effera, ut inclusum longa sic morte necaret,  
Omnia cujus erant, ætas quem nulla coactum  
Viderat: antè amplius cûi non suffecerat orbis,  
Terræq; tractusq; maris, cælumq; profundum.  
Quem nec Atlas, Criusq; ferox, non arte Prometheus,  
Non anni domuere decem, non arma Parentis.

L





B E L L I

## G I G A N T E I

LIBER TERTIUS.



**E**x templo totum volitans pennata per orbem  
 Fama ruit, captumq; Jovem, vincisq; coactum  
 Nuntiat, & Cœlestum improvida pectora turbat.  
 Cernere erat largos omnes effundere fletus,  
 Et Jovis indignam sub pectore volvere sortem.  
 Luctus ubique ingens, pavor ingens, omnia tristi  
 Plena metu: sonitus sylvarum, auræq; strepentes  
 Horrificant animos: Non ullo tristior ævo  
 Visa poli facies, postquam pater extudit orbem  
 Aetheris omnipotens, & prima exordia rerum.  
 Junoni inprimis gelida formidine pectus  
 Dirigit, scinditq; comas, percussa decorum  
 Sæpe manu pectus, mediaq; in voce resistit  
 Suspirans graviter: circum, longo ordine, Nympha  
 Bis septem assistunt, lacrymisq; fluentibus ora  
 Mœsta rigant, clamantq; Jovem: resonabilis Echo  
 Pulsa Jovem ingeminat, & fœmineos ululatus.  
 Ceu volucris, caram cui cura educere prolem,  
 Dum legit ore cibos, parvisq; Quiritibus escam,  
 Prenditur immani malè provida vulturis ore:  
 Implumes miserè latebroso in pumice nati  
 Exercent teneros questus, matremq; requirunt  
 Funeris ignari, & modò si sonus impulit auras,

Ora



Ora tenent, frustra<sup>q</sup> inhiant, iterant<sup>q</sup> querelas.  
 Terrigenis iterum redit in praeordia virtus,  
 Major & assertis crescit fiducia rebus:  
 Latitia exsultant pariter, plausu<sup>q</sup> frementes,  
 Non diuturna fovent incertae gaudia palmae  
 Jam revocare fugam, & certam sperare salutem  
 Incipiunt, animo<sup>q</sup> polum & super ardua scandunt  
 Sidera: quisque sibi Caelestium spondet honores.  
 Non secus ac hiemes perpe<sup>s</sup>a, graves<sup>q</sup> ruinas  
 Aetheris, infuso demittit amaracus imbre  
 Triste caput, pluviis<sup>q</sup> comas turbata fatiscit.  
 At iucunda dies facies<sup>q</sup>, innubila Phœbi  
 Si redeant, iterum cœlo redi viva sereno  
 Explicat os vernum, & priscum meditatur honorem.  
 Ergo atrox Briareus, una<sup>q</sup> Phalacrius arma  
 Suscitatur Eurymedon, & festa fronde revincti,  
 Tercentum statuunt aras, materna<sup>q</sup> sacris  
 Numina muneribus cumulant: pars thure litato  
 Aera Ideæ quatit: pars Oricia terebintho  
 Obloquitur digitis biforis discrimina cantus:  
 Tympana pars pulsat: tandem Phœacius heros  
 Concilium cogit sociorum, & talibus infit:  
 Nunc vos astra vocant data, nunc spes discite vestras  
 Iuppiter auxilium eripuit, non tela vel ignes  
 Qui regat est quisquam: jam fulminis auctor ademptus,  
 Principium palma, victoria certa sequetur.  
 In manibus tellus nostris: tot millia gentis  
 Terrigenæ arma ferunt: tantum sublimia restant:  
 Hæc quoque sunt olim nostros auctura triumphos.  
 Nil me fata movent, nil ferrea iussa Sororum.

L ij



Sat Parcis fatisq<sup>ue</sup> datum, quòd regna, polique  
 Rexerit imperium jam longo Juppiter avo.  
 Sunt etiam mea fata mihi, & si nulla fuissent  
 Atropos ad nostrum sua ferret stamina nutum.  
 Semideis hac pensa viris dominantur: at illis  
 Inferiora, ardens quos vexit ad æthera virtus  
 Militiæ haud Saturnus erit, pacisq<sup>ue</sup> magister,  
 Nec Latiis profugi condemur turpiter oris.  
 Exsulat à nobis hoc probrum, & inertia furta  
 Ià petionidæ: non hîc Epimethea stultum  
 Esse putent, decimum quem distulit acer in annum  
 Cottus, & adjuncti fratres Briareûsq<sup>ue</sup> Cygesq<sup>ue</sup>.  
 Nunc mutata loco cessit fortuna, Cygesq<sup>ue</sup>  
 Et Briareûs, cælum exosi, nostra arma sequuntur.  
 Ergò animis juvenes prompti, officiisq<sup>ue</sup> parati,  
 Ætherios ferro atque igni circumdate muros:  
 Fossarum superate moras: exscindite vallum  
 Ensibus objectum, atque armis obsidite portas:  
 Cuncta patent, nec Cœlestium vis ulla vetabit.  
 Talia voce tonans verbis cælum omne replebat:  
 Ingeminant sylvæ, & duplicata resultat imago.  
 His furor exarsit, penitusq<sup>ue</sup> efferbuit ira,  
 Insanoq<sup>ue</sup> iterum juvat indulgere labori.  
 In via nulla putant cælo, & totum æthera mente  
 Concipiunt, liquidoq<sup>ue</sup> fruuntur nectare Divum.  
 Pars sese accingunt operi, atque immania sylvis  
 Robora, tarda moræ, ne obsint dispendia longæ,  
 Infabricata ferunt: disiectam attollere molem  
 Pars agitant, cæloq<sup>ue</sup> altos educere montes.  
 Theodamas rapit Othryn: atrox cum fratre Thoone

Astræus



*Astræus frondosum involvere Pelio Olympum.  
 Vimagna aggreditur: congesta cacumina summas  
 Exsuperant nubes, cæloq; minantur aperto.  
 Tantis Atlas vix assurgit conterminus astris,  
 Tantis inaccessis nec rupibus Indus Aornos  
 Erigitur, quem non volucres, non ipsa supremo  
 Cara Jovi, sublime volans, supera verit ales.*

*Et jam, principium pugnae, clypeata relictis  
 Agmina procedunt castris, altumq; Typhoeus  
 Vociferans, Cæo Phœbiq; à sanguine Aloëo,  
 Explorent aditus, cælumq; indagine cingant,  
 Imperat: insidiis totidem post terga relinquit,  
 Fraudibus insignem Enceladum, sociumq; Mimas,  
 Ambo animis, ambo arte pares, nec Marte secundo  
 Hic sit an ille prior res cognita. Cætera pubes  
 Eurymedonta ducem sequitur, spiratq; cruentas  
 Ore oculisq; minas, & plurima vulnera Divis.*

*Sedibus æthereis contrà supera alta tenentes  
 Arma acies rapiunt pavida, rationis in armis  
 Nec sat inest, tantus Cælestum pectora terror  
 Horrificat, magnoq; fovent discrimine vitam  
 Spemq; metumq; inter, dubii, num tendere contrà  
 An celerare fugam, & deserto excedere cælo  
 Expediat: Vetat hoc Titanum exercita fatis,  
 Atque decennali bello spectata juvenus:  
 Illud fama jubet gestarum maxima rerum,  
 Calituumq; occursat honos, quos ultima Thyle,  
 Ultima Taprobane, & sub utroque jacentia Phæbo  
 Littora suspiciunt, Erebiq; reposta tremiscunt.  
 Non patitur turpem virtus indicta repulsam,*

L ij



Exsuperatq; metus, hostemque relinquere inultum  
 Ira pudorq; vetant: tum desperatio mentem  
 Magnanimam inspirat, calcarq; ad fortia subdit:  
 Quoq; magis metuunt, magis incrementa furori  
 Adjiciunt. Veluti caelo densissimus Auster  
 Cum fœdam glomerat tempestatem imbribus atris,  
 Aut æstate nova, aut cum Sirius ardor anhelat,  
 Quò magis insurgunt nubes, intensior intus  
 Hoc magis æstus atrox feruet, luctatur & aura  
 Liberiore frui, graviorq; immurmurat horror,  
 Atque fragor longo perlabitur aëra tractu.  
 Interea armipotens Superis instabat Aloëus,  
 Egregio in vectus curru, cui Solis & omne  
 Antiopes genus, atque insignia facta parentum  
 Per tot ducta viros, insculpserat acer Omarus  
 Artifices inter toto celeberrimus orbe.  
 Frena Pelethronios cohibent aurata jugales,  
 Insultare solo, & gressus glomerare superbos  
 Assuetos, pedibusque leves prævertere ventos.  
 Mox cœli ad portas & propugnacula prima  
 Bellicus exoritur, vario certamine, clamor.  
 Cœlicolæ obsistunt ferro, atque angusta locorum  
 Milite defendunt objecto, aditusq; coronant  
 Ensis exsertis. Torvus media irruit arma  
 Gradivus, non ille virum, non ille Gigantum  
 Telorumque memor, crebrisq; exasperat iras  
 Cornipedum plagis hinnitu complet acuto  
 Armiger astra Phobos: Dimi per colla fluentes  
 Ventilat aura jubas, & spuma exæstuat ore.  
 Phœbigenam vidit Mars, Martem vidit Aloëus,  
 Concurrunt



Concurruntq̃ ab utraque equali parte furore.  
 Mars, prior ausus equos venienti offerre, viriq̃  
 Tendere in ora: Gigas haud illo segnior, ense  
 Lora ferit stricto, & primus retinacula solvit.  
 Acrior hoc Mavors, humeris jam jamq̃ prehensis,  
 Avellit clypeum: ille fuga versisq̃ quadrigis  
 In diversa ruit, turpiq̃ elabitur astu.  
 Udidit elapsum, gravior dolor ossibus ardet,  
 Atque iterum à tergo reparatis instat habenis.  
 Hinnitur strepituq̃ rotarum excitus Aloëus,  
 Sistit equos dubius, veteresq̃ recolligit iras.  
 Fit sonitus plausuq̃ Deum studiisq̃ faventum.  
 Illi inter sese magnis conatibus urgent  
 Quadrijuges, altè exsertis in vulnera dextris.  
 Non aliter, quàm si gemino de cardine mundi,  
 Hinc Aquilo, indè Notus, diversis viribus ambo  
 Incubuerè mari, & multa vi praelia miscerè:  
 Hac hiemes, Scythicaq̃ nives, septemq̃ Triones  
 Desudant: illa Pagasæus parte Canopus  
 Nymbisq̃ pluviisq̃, & aquosis fulminat Austris.  
 Indomiti transversa fremunt, pulsiq̃ sonorem  
 Dant scopuli, & vastos volvunt ad littora fluctus.  
 Gradivus capit antè locum, gladiumq̃ recludit,  
 Egregium Ignipotentis opus, quo compulit olim  
 In cædem immanes Lapithas, Phlegyasq̃ bimembres.  
 Longa manu contrà lucenti hastilia ferro  
 Depromit, bigisq̃ ferox insistit Aloëus.  
 Jamq̃ propinquantès spatius, magno acria motu  
 Bella cient, auresq̃ cavas, & tempora circum  
 Verbera crebra rotant: hostile insensus Aloëus.



Torquet, at in clypeum vires effundit inanes.  
 Mars gladio melior propius descendit, & ictus  
 Ictibus ingeminat, dumq; hostem ardentior urget,  
 Collisæ crepuere rotæ, ulteriusq; coacti  
 Succumbunt oneri currus, rimisq; fatiscunt.  
 Ille rotis metuens, instantem haud prævidet ictum,  
 Oraq; trajectus, strictum de gutture ferrum  
 Exstat, & incanum trepidat sub cuspide mentum,  
 Auxiliumq; petens vocem molitur, at imis  
 Faucibus infixum mandit sub dentibus ense.  
 Stabat adhuc, Sed dum attonitis clamore quadrigæ  
 Diripiuntur equis, curru resupinus inani  
 Excutitur, lacero tamen ut penderet ab axe,  
 Signaretq; suo vestigia trita cruore.  
 Victori circum applaudit cælum omne, metumq;  
 Excludunt Superi. Mavors spolia ampla recenset,  
 Miraturq; ocreas læves, & pondera baltei,  
 Insignemq; auro galeam cristasq; sed illis  
 Emeritos exornat equos, setisq; jubarum  
 Implicat inferas, ipsumq; hostilia circum  
 Agmina raptatum, suspendit Aloëa curru.  
 Horridus at turbas inter fremitumq; Ephialtes,  
 Ut vidit genitorem indigna morte peremtum:  
 Substitit attonitus primo, victusq; dolore  
 Vix lacrymis caruere genæ, quas ira repressit.  
 Tum super assistens, sædatos pulvere vultus  
 Tollit humo, talesq; effundit ad æthera questus,  
 Hac ego te, miserande parens, hac morte necatum  
 Raptari bigis, factisq; indigna ferentem  
 Aspicio? anne tibi, sub tanta pericula misso,

Adferre



*Adferre auxilium geminis data copia natis?  
 Sicne tuis iussis, terraq, mariq, sequuti?  
 Heu mater, desolata, heu, mea cura, sorores,  
 Heu frater germane, an sic tua cernere facta  
 Care senex dabitur? sic te præeunte magistro  
 Militiam & grave Martis opus tentabimus? omnis  
 Spes tecum occubuit: tantum hæc solatia restant,  
 Quod diversa cadant licet omnia, vita negetur,  
 Sit tamen ereptum pugna, dextraque redemptum  
 Qui te mandet humo patria, decorétque sepulcro.  
 Talibus ingeminat, patriúmque, iuvante Telone,  
 Eripere accelerat, furtimque auferre cadaver.*

*Respicit exorto Maavors post terga tumultu,  
 Raptorésque videns, animo indignatus acerbo,  
 Quid tentatis, ait, quæ tanta audacia vobis  
 Surgit? non cineres, non sæva piabitis ossa:  
 Exsequiis bustum extremis, & honore carebit,  
 Cocytiqu, inhumatus aquas, regna in via viris,  
 Centum hiemes circum, & totidem volitabit aristas,  
 Donec ad extremum variis erroribus actus,  
 Expleto tenebris numero reddatur & umbris.  
 Sic fatus, subito in verbo vestigia torquet,  
 Ingentemq, Telona neci demittit, & hasta  
 Urget Aloiden, sed nullum missa ferebat  
 Vulnus, & in casum discussa in nubila fugit.*

*Tum demum juvenis furias exardet in acres,  
 Non aliter quàm si Lybicus immanis in oris  
 Orba leæna furat catulis, factiq, requirat  
 Auctorem, atque atro pandat, cæde oblita, rictus.  
 Accurritq, fremens, verbisq, minantibus inquit.*

*M*



Non sat erat letho excepisse, scelestæ parentem,  
 Quin coneris idem facinus? manet ultio factis  
 Certa tuis, modo me genitor miserandus Aloëus  
 Magnanimum erudit, genitrix cum rapta, sororq;  
 Pancratis hac dextra victo fuit hoste redempta.  
 Unde genus ducō, vos æquora testor & umbras  
 Defunctas, quencunque etiam fortuna minaris  
 Eventum, patiar quid vis, modo dedecus armis  
 Ulcisci illatum, dignasq; rependere penas  
 Detur, & hostiles patris superaddere manes.  
 Hoc animo fixum, aut eadem me fata manebunt,  
 Aut moriēre simul dabitur, quod cæde petisti.  
 Talibus effatus, saxum diuulsit, & ora  
 Impulit in male fida Dei: sed nubila vulnus  
 Excepere datum, & vacuas furit ictus in auras.  
 Saxa cupit sumsisse alia, at dum nulla supersunt,  
 Eripit ingentem ex adytis cratera, Cyclopum  
 Arte laboratum, puero quem amplectitur auro  
 Pampinus, atque omni diffusi parte corymbi,  
 Cradivumq; scypho petit, & genua ima resolvit,  
 Non tamen ægra labant, quidquàm aut tardatus, in hostem  
 Fortior erigitur, motasq; resuscitat iras  
 Atque iterum correpta solo carchesia facti  
 Vertit in auctorem: ille, elapsus corpore, cedit.  
 Inca sumq; poli per carula rapta feruntur  
 Erigonen juxta squamisq; ingentibus Hydram.  
 Juppiter at, facti ut superesset fama fidesq;  
 Donavit cælo, & septem micat ignibus astrum.  
 Felici exultat successu animosq; Ephialtes,  
 Fortior atque hasta incumbens, petit alite telo.

Nudatum



Nudatum obteſtu clypei femur, intimaq; alto  
 Vulnere perrumpit labefactis oſſa medullis.  
 Palluit attonitus Mavors, titubatq; labanti.  
 Aſimilis, tremuloq; legit veſtigia grefſu  
 Et quantum enſe poteſt hoſti inſtat, & omnia tentat.

Vidit at hoc frater, feſſoq; ſupervenit Otus,  
 Otus Aloides, uſquam quo pulcrior alter  
 Non erat Anguipedum, Phlegrea nec induit arma.  
 Ille ſtatim hoſtiles interritus excipit ictus,  
 Opponitq; humeros latos, durataq; terga,  
 Donec inacceſſum prius occupat, & ſimul ambo  
 Se velut amplexi, & pedibus permutua nexis  
 Impedièrè pedes: ſicut Jovis alite raptus  
 Anguis atrox cauda ſpacianteſ implicat alas.  
 Hic torvum videt, ille fremit. flammaq; cruentis  
 Scintillant oculis, & ni natura negaret  
 Quiſque (nefaſ) vivos morſu depaſceret artus:  
 Dumq; pares hinc inde effuſis viribus urgent,  
 Procubuèrè ſolo, vaſto cum pondere, ut olim  
 Taygeti jura, Menadibus bacchata Lacæniſ,  
 In Lacedæmonioſ, mota tellure, ruebant.

Erexèrè animoſ Ephialteſ atque Calauruſ,  
 Et properare necem ſtriſtis mucronibuſ ardent.  
 At Bellonæ atro efferveſcit ſanguine bilis,  
 Exſurgitq; facem attollens, inq; ora Calauri  
 Conſpicit, & flamma vultum crepitante crema vit.  
 Ille dolore amens, & lumine captuſ utroque,  
 Quò ruat, ignorat, cæloq; ejeſtuſ, in æquor  
 Turbatur, quâ Niſa patriſ ſurata capilloſ  
 Facta reſertur aviſ, devicto in viſa parenti,

M. ij



Ejus & Argolici retinet maris insula nomen.

Viribus interea Gradiuo prædaler Otus,  
 Sublatumq; humeris per mille sequentiatela  
 Eripit, antiquos Curetum elapsus ad oras,  
 Speluncamq; petit, vasto quæ cæca recessu,  
 Montis inaccessi præruptis undiquè saxis  
 Deprimitur tellurem infra, manesq; profundos.  
 Vidit ut hanc Maavors, animo crudele perosus  
 Supplicium, seruo quamvis superatus ab hoste,  
 Non tamen abstinuit, contraq; obnititur Oto,  
 Quantum humeris pedibusq; valet, sicq; ora resolvit.  
 Ne potius, me dede neci, quam carcere clausum  
 Conficias: in me strictum convertito ferrum:  
 Hoc ego, fors votis si non diversa fuisset,  
 Nostraq; sacrilego rubuisset dextra cruore.  
 Atque, utinam, possem, mutata sorte, vel iras  
 Explerem, & nostrum horreres, scelerate, furorem,  
 Sed non ille minis, verbisq; movetur acerbis,  
 Pæna statuta placet, claustrisq; juvante Nilino,  
 Desuper immittit, nequidquam sæva rudentem,  
 Spirantemq; iras: dein centum immane catenis  
 Obvolvit saxum, ferro quod & ære paratum  
 Fulcibat gravido munitos objice postes.  
 Terrigenum ruit actutum vulgatus ad aures  
 Rumor, & erectos majoribus incitat ausis.  
 Obstat at Alcmena genitus, castrisq; paratum,  
 Ignarus quid agat tantis clamoribus hostis,  
 Prævenit auxilium: gravior sed nuntius aures  
 Vulnerat, exceptum insidiis & viribus Oti  
 Maavorrem, vinclisq; coactum carcere claudi.

Ergò



Ergo omnes trepidant, mœstumq; in sidera luctum  
 Territa solvuntur: primum circumspicit ipsum  
 Auctorem Alcides, quem dum non invenit usquam,  
 Fratrem ad supplicium magno clamore reposcit:  
 Utq; sit exemplo reliquis, moriturus in hostem  
 Fertur, & ora viri clava propè diffidit: ictum  
 Cautus at Ascræus flexa cervice fefellit.  
 Tum verò furis Tynthus horret, & ira  
 Effervet, dextrumq; oculum, frontemq; superbam  
 Evertit: cadit ante pedes sine lumine lumen,  
 Perq; genas misto lacrymæ cum sanguine manant.  
 Subvenit Arcitenens, nervoq; sonante sagittam  
 Dirigit: illa volans magno stridore per auras,  
 Cassidis adversæ in conum deferitur, ibiq;  
 Frangitur: eluso sed Phæbus alacrior ictu,  
 Ecce, aliud jaculum adducto librabat ab arcu:  
 Dum trepidat: mox tela sinistri luminis orbem  
 Effodiunt, calidoq; hærent tepe facta cerebro.  
 Cynthia diversum Phæbo molitur, & arcu  
 Neglecto, in tergum venabula torquet, & uno  
 Vulnere trajectis haurit præcordia costis.  
 Volvitur Ascræus letho, multoq; cruentus  
 Sanguine, cum gemitu vitam exspiravit in auras.  
 Cælicolæ Diviq; omnes clamore sequuntur  
 Sublato, pulcròsque artus, juveniliæque ora  
 Mirantur primis nondum barbæ aspera signis.  
 Tum satus Amphytrione sibi galeam armæque victi  
 Vendicat, exuviis prædæque potitus opima:  
 Phæbus Amazoniam pharetram Scythicâsque sagittas  
 Victoris pro laude petit: lorica Dianæ.

ℳ ij



*Auro intertexta, & triplici discrimine cedit.*

*Et jam fama recens facti perfertur ad urbes*

*Bœotas, totamq; implet rumoribus Arnen,*

*Aeriamq; Eteōnon, & Orchamenum Mynyëum:*

*Quin etiam æquoream superans Anthedona, cadem*

*Aōniis memorat crudelem Phocidos arvis:*

*Interitum mœstæ lugent gnatiq; patrisq;*

*Pierides, amplexæ aras, quas marmore nuper*

*Mgdonio sacris primi statuere dicatis.*

*Persepolim sed fata latent: ignara malorum*

*Ipsa Midea toro, cantu solata laborem,*

*Inserto raras densat subtegmine telas.*

*Parjetibus circum: quot habet natura, colores*

*Dispositi, sunt flava croco, sunt fulva virenti*

*Tincta hyalo: referunt hæc grana rubentia cocci,*

*Illa rigent auro: sunt hic candentia miris*

*Fila modis: illic villis nigrantibus atra.*

*Major at ingenio subit admiratio Nymphæ.*

*Tres opere in primo Musæ, præsentia vatū*

*Numina, quas Thamyras vocat ad certamina cantus*

*Thracius, Oechaliis primū delatus ab oris.*

*Ira movet Divas, suffusaq; bile tumescunt*

*Ora, pudet victo certasse, & lumine captum*

*Demitrunt: iter ille timet, cæcamq; videtur*

*Explorare viam prætento stipite: juxtâ*

*Dorion appingit, turres attollit in altum,*

*Deprimit obscuras valles, quis ut ipse latere*

*Dixisset veras pictas sub imagine formas.*

*His raptus Boreæ addit Erichthidos igne calentis*

*Threiciasq; hiemes, Nesusq; Hebrumq; nivalem*

*Trudentes*



Trudentes glaciem, & concretas frigore crustas.  
 Hæmus habet lævam, dextram Rhodopeæ arces,  
 Quas nunquàm radius Oriens, nec Vespere sero  
 Phæbus adire potest: animosi at flatibus Euri  
 Assidue jùga tunduntur, saltusq; profundi.  
 Virginibùs ô raptæ æqualibus Orithyæ,  
 Raptæ focis patriis miserè amplexuq; tuorum,  
 Te veniente dic, te decedente requirunt  
 Matres atque viri, pueri, innuptæq; puellæ,  
 Totq; proci, toties quos dedignata maritos.  
 Non, veluti quondam, studio gestire lavandi  
 Hic cupies: ripaq; æstus viri dante levare,  
 Nympharum comitata choris: sed frigore torpent  
 Fluminaq; fontesq; geluq; innabilis unda.  
 Non hîc strata leges sua quæque sub arbore poma:  
 Non tereti carpes demessos pollice flores:  
 Non juvenile latus molli fultus hyacintho,  
 Aut dorso nemoris poteris jacuisse per herbam,  
 Solariq; cava raptum testudine amorem.  
 Ah frustra frondes, frustra circumspectis umbram,  
 Gramineumq; torum, jam circumfusa pruinis  
 Membra rigent, totis dum solibus aëre ningit,  
 Perpetuiq; crepant imbres: illa æmula flammis  
 Lumina sideris horrent, pallefcit & oris  
 Purpurei tam suave rubens decus, haud secus Indum  
 Sanguineis quis pingat ebur vel lilia moris,  
 Frustra etiam Actæos, lacrymis suffusa, penates  
 Respicias, erectas tendens ad sidera palmas:  
 Dumq; times ablata solo casum, arctius ipsum  
 Raptorem complexa tenes, nec fortè remittat



Brachia conclamas: vanos levat ille timores,  
 Virgineosq; metus, simul oscula nunc data carpit,  
 Nunc per vim raptā extorquet, potiturq; negatis:  
 Nunc iterum, victus veluti, blanditur, & apta  
 Occurrit furis, ut vivere fila putares.  
 Ultima restabant: cœpit toto æthere notos  
 Mavortis Venerisq; dolos, sed nomine Martis  
 Horruit infelix inceptaque fila remisit:  
 Bis conata fuit, luctus præsaga futuri  
 Bis cecidere manus: nec curis absuit omen,  
 Fama puellares nam protinus impulit aures  
 Tristia fata ferens: stupuit, ceu saxeæ, virgo:  
 Stamina labuntur, radii, iuga, pecten, & ore  
 Ingemit, heu miserum, verbisq; dolore retentis,  
 Dicere non potuit, genitorem: voxq; reliquit  
 Et color attonitam, gelidoque resecta liquore,  
 Sauciat ungue genas, rectisq; elapsa, vagatur  
 Urbe furens, nullosq; hominum tractabilis audit.  
 Qualis ubi incaluit nocturnis barbara sacris  
 Thyjas, & insolito poscit clangore Cytharon  
 Orgia, & Ogygio celebranda triennia Baccho,  
 Irrita funduntur solantia verba: medullas  
 Est dolor, & tristes vivunt sub pectore curæ.  
 Non oculis lacrymæ desunt, non luctibus humor:  
 Fine carent gemitus, gemitu atria longa resultant.  
 Imò etiam, nox cum terram intempesta teneret,  
 Visa per obscuras morientis imago tenebras,  
 Infelix simulacrum, atque ipsius umbra parentis,  
 Lurida, terribilis, multum mutata cruore,  
 Vulneraq; illa gerens, nuper quæ plurima cœlo

Accepit:



Accepit: flens ipsa patrem retinere, manuq;  
 Corripere effigiem conata, amplectitur auras.  
 Excutitur stratis, specie turbata, daturq;  
 Materies nova curarum, superesse dolori  
 Amplius ut nequeat, mæstamque parentis in umbram,  
 Candida correpto figens præcordia ferro,  
 Sanguinolenta cadit: resonant plangoribus ædes:  
 Collapsam, sparsasq; manus, vulnusq; cruentum  
 Thespïades mæstæ aspiciunt, & pectora pugnis  
 Contundunt: sed nè sub inania Tartara mittant  
 Inde ploraram, cineri suprema ferebant  
 Virgineum ad tumulum, quem circum frondibus aras  
 Funereis statuunt mæstas, atraq; cupresso,  
 Extremumq; cient manes cum voce sepultos:  
 His calathos super injiciunt, muliebriaq; arma,  
 Dantq; loco nomen, quod nunc quoque mœnia servant.  
 Interea Anguipedes, cæsis custodibus arcis,  
 Visuperant portas, & propugnacula ferro  
 Ardua rescindunt: hinc alto culmine turris,  
 Cui datus hærebat custos Vulcanius heros,  
 Corruit, & subitis loca deformata ruinis.  
 Illinc bellum agitur telis perq; æthera montes,  
 Saxorumq; globus caligine volvitur atra.  
 Parte alia horrendus visu audituq; Typhoeus  
 Ore Jovis flammæ, strepitu haud imitabile fulmen  
 Exprimit, ut quondam certamine nota curuli  
 Arva per, Alpheasq; urbes tentaverat audax  
 Lampade Salmonæus ignes imitatus Olympi.  
 Diffugiunt Superi ex sanguis, & tuta capeßunt  
 Mœnia: Terrigenum quos mox exercitus omnis

N



Subsequitur, pedibusq; pedum vestigia carpit.  
 Besbicus armatis medius Cœlestibus instat  
 Permistus, magnoq; Deos clamore laceſcit:  
 Addunt se comites Celadon, Rhoecusq; Thoönq;  
 Bellator: duro rapit ex adamante secures  
 Infrendens Adamaſtor, & arma, arma, inquit, in hostes  
 Promite, nè profugum vis inclinata resurgat.  
 Fundite, perditæ, sternite, claustra reuellite: nullus  
 Effugiet: nullus scelera hæc sine cæde piabit.  
 Talibus effatus, cœli super ardua paſſim  
 Dat stragem, & strictis mucronibus obuia tranat  
 Non aliter, quàm cum stabulis illapsus apertis  
 Uimineasve super crates, aut iuncea recta  
 Fortè lupus: si paſtor abest, somnoq; sepultæ  
 Excubiæ, furit, arque ipsis sub matribus agnos  
 Ubere direptos, lactantiaq; ora madentes  
 Unguibus exercet crudelibus: improba tendis  
 Ora cruor lavat, & trepidant sub dentibus artus.

At Venus infelix ingentibus excita monſtris,  
 Prorumpit, neglecta sinus, neglecta capillos  
 Hisq; pharetratum dictis affatur Amorem.  
 Gnate, quid hoc tanto ceſſamus cardine rerum,  
 Quòve loci fugimus, quam tuti prendimus arcem?  
 Exceſſere omnes timidi, cœloq; relicto,  
 DI, quibus imperium hoc steterat, mundi q; potestas.  
 Juppiter ipse fuit, fuit alius Olympus, & ingens  
 Gloria Divorum, Di visq; potentior ipsis  
 Majestas Parcarum, & inexpugnabile fatum.  
 Hanc ego num potuiſſem unquam metuiffe ruinam,  
 Fortunamq; Deum? vidi ipsa miſerrima, vidi

Transfixum



Transfixum femur, & fœdatus sanguine vultus  
 Mævortis, quo non fuerat mihi carior alter,  
 Tristior alter erit nunquàm. Si sidera dextris  
 Defendi possent, illis defensa fuissent.  
 Nunc sine honore cadunt, lucem visura supremam,  
 Omnia cùm fatis retrò sublapsa ferantur.  
 Nos quoque nè sævo circumveniamur ab hoste,  
 Acceleremus iter: satis est vidisse labores,  
 Et patriæ tristes cineres, lacrymosa que fata.  
 Tu ceston, saturasq; auro, baccisq; rigentes  
 (Idaliæ chlamydem, & picto velamen acantho,  
 Matre laboratum quondam multa arte Diõne)  
 Adfer gnate mihi vestes: currusq; rotasq;  
 Cura mihi incumbit, Paphiasq; parare volucres.  
 Dixerat: ad sonitum vocis circumspicit omne  
 In latus, & motu Typhon tremefecit Olympum.  
 Terrigenam illa videns, abitum molitur, & axes  
 Occupat effusos comitata Cupidine parvo.  
 Sensit, & hem meretrix, infamis, adultera, clamat,  
 Siste gradum: nostros fugiens cur spernis amores?  
 Diva volans hominem nequidquàm vana moratur  
 Clamantem: rapitur cœli per cœrula currus  
 Ocyor emissa AEoliis de montibus aura.  
 Stat frendens, iræq; impos micat ore Tiphœus,  
 Præcipitesq; datum haud currus æquare sequendo  
 Mente dolet, statuitque alio transferre furorem.  
 Tum Citherea Venus successu lata secundo,  
 Jam super Idæum nemus, & vada salsa Scamandri,  
 Phœbeum Simoënta videns, loca grata salutat:  
 Sed timor urget edax: mentem fatalia terrent

N ij



*Monstra, nec Iliacis audet confidere campis.*  
*Stat casus renovare igitur, perq̃ ardua Timoli*  
*Sardibus incumbit, parvasq̃ inuisit Hypapas:*  
*Inde suam dextra Cyprum, quā thure Sabæo*  
*Centum illi spirant fertis redolentibus aræ,*  
*Cum gemitu aspiciens: quando mea tecta revisam.*  
*Quando aras, tripodes, lances, fulvosq̃ Lebetes?*  
*Sic memorat, curruq̃ sedens dat lora secundo,*  
*Perq̃ Palæstinam, Semeleia regna, verustas*  
*Belidum sedes, & Achæmeniam Babylona*  
*Fessa petit, ripasq̃ legens Euphratis, ad amnem*  
*Territa descendit, penitusq̃ in valle reducta*  
*Segnatumq̃ simul frondosis saltibus abdit.*  
*Hic arcum & pharetram auratam, volucresq̃ sagittas*  
*Ponit Amor: juxta tunicasq̃ sinusq̃ crepantes,*  
*Illusasq̃ auro vestes, restantia flammis*  
*Dona recognoscit, cæliq̃ erepta ruinis.*  
*Illic lata Venus viridi se sternit in herbæ,*  
*Cespite fulta caput, quam propter nuda voluptas*  
*Delitiæq̃ errant, & amantum nocte susurri,*  
*Illecebra, amplexus, dulciq̃ fluentia melle*  
*Verba, joci, rixæ, suspiria, gaudia, cura,*  
*Tristitiæq̃ sales, pugnansq̃ libido pudori.*  
*Secreti circum calles, arbustaq̃ celant*  
*Myrtea, & Assyrii frondescens mæsis amomi,*  
*Populeaq̃ coma denso sub tegmine obumbrant:*  
*Invitat somnos crepitantibus unda lapillis,*  
*Assuetæq̃ rubis volucres, ripisq̃ volantes*  
*Æthera permulcent grata dulcedine cantus.*  
*Vix paulum curæ emoræ, pulsusq̃ quiete*

*Tristi*



Tristi corde dolor, cum tempestatibus actum  
 Insonuit vento nemus, & vicina fragore  
 Virgulta increpuere, & inhorruit unda tenebris.  
 Obstupere ambo, & labefacta per ossa cucurrit  
 Terrificus metus, immanem post terga Typhoea  
 Eserati. Secus haud tenuis sine viribus umbra  
 Intempesta volans, cum nox terra incubat atra  
 Sopitos falsa ludit formidine sensus.  
 Et jam visa pedum pulsu tremere excita tellus,  
 Armatumque procul campo ingruere agmen aperto.  
 Extimuit magis: & magis artus occupat horror,  
 Unguibus ora Venus sedans, tum vocibus hiscens  
 Exiguus, longo vix tandem tempore fatur.  
 Heu, quid nunc profugis superest, quid denique restat?  
 Heu gnate, in quo solo omnis stat cura parentis,  
 Quod ferimur? quam nunc aperit fortuna salutem?  
 Speramusne fugam, an nos nostraque spargimus undis,  
 Precipitesque damus, dum precipitare potestas?  
 Ventum ad supremum est: turbato excludere caelo,  
 Et terris agitare datum est: hoc defuit unum,  
 Ille Gigas nostra quod morte tropaea referret.  
 Sic agimus vitam aeternam, sic nomine Divum  
 Utimur, & nulla fatorum lege tenemur.  
 Sed moritura Orcum, Dirisque sacraria testor,  
 Belli non ego causa fui istius inscia culpae  
 Nostrimens pueri: sola inclementia Vestae  
 Tanti causa mali, sternitque a culmine caelum.  
 At nunc cedo equidem, vitamque exosa relinquo:  
 Posse mori iuvat, & pallentes ire sub umbras,  
 Sed decuit longe ante fugam, cum indigna meorum

N. ij.



Funera conspexi: tunc, cum Martemq, Jovemq,  
 Vidimus abreptos, memet super ipsa dedissem.  
 Nunc inter deserta ferarum, & inhospita regna,  
 Extorris cælo, complexu avulsa mariti,  
 Fortè peregrinum tangam captiva cubile  
 Victoris, nostroq, illudet, ut antè, pudori.  
 Vos ô, vos Genios, & fluminis invoco fontes,  
 Vos Nymphas, & si qua fides Euphrate sub imo est,  
 Has audite preces, saltem vos parcite gentes,  
 Parcite pinnigera, & muti miserescite pisces,  
 Acceptisq, sinu auxilium DIs ferte duobus.  
 Dixerat, & caput obducto velavit amictu,  
 Involvitq, genas, unaq, Cupidine rapto,  
 Se mediis projecit aquis: mox (mira, sed omni,  
 Fama fide major) pisces subièrè gemelli,  
 Atque oneri tergis se supposuèrè recurvis  
 Acceptosq, sinu vasto misere sub amnem.  
 Hinc pisces violare nefas, pulsoq, timore  
 Non escam non æra timent, secura sed alto  
 Ocia agunt lati fluvio, luduntq, per undas.  
 Juppiter & Veneris parviq, Cupidinis illud  
 Indulgens votis, hac pro pietate receptos  
 Sideris in numerum, jussit succedere cælo.  
 Ast Tellure sati, Divis jam Marte priores,  
 Sedibus immissi Superùm, cæloq, potiti,  
 Omnia confundunt, vulsumque à cardine mundum  
 AEquoreis miscere plagis Ditiq, profundo  
 Pro se quisque parant: trepidant hominesq, Dei  
 Terrore insolito, cælum compage resolvi,  
 Atque iterùm Phaëtonceos instare labores.

*Audiit*



*Audiit occasus, Tithonius audiit Eös,  
Quanta per aetherios sævis effusa procella  
Terrigenis ierit campos, quibus actus uterque  
Hinc terra inde poli fatis concurrerit orbis.*

*Cælicola aggeribus, vallorumq; obice clausi  
Prospectant inimicum altis de mænibus hostem  
Seq; timore caevis armati turribus abdunt.  
Sicut apes, liquidos aether resolutus in imbres  
Cum ruit, aut gravior sylvis immurmurat Auster,  
Inter se trepida coeunt, campisq; relictis,  
Hospitio irrumpunt, seq; intra septa domorum  
Proripiunt, musantq; oras & limina circum.*

*Mox primam ante aciem, dum quæ se immittere possit  
Non videt, atque aditus frustra Colophonius audax  
Tentat, & incassum assultat, multa ore minatus  
Tristia, in inclusos verbus insurgit acerbis.  
Semidei imbellesq; viri, quid inertia corda  
Defensi vallo, & septi circum aggere, portas  
Objicitis? pateant vada fossarum alta, foresq;  
Aut conferte manus, & aperto credite campo:  
Aut nos (testis eris genitrix Berecynthia dictis.)  
Turribus excussos planum effundemus in æquor.  
Talia jactanti jam dudum intentus Apollo,  
Coniunctisq; ferè diducens cornibus arcum,  
Hac cum voce latus calamo transverberat actò.  
Inunc, sterne acies, & turribus excute Divos,  
Semidei hæc responsa viri, scelerate, remittunt.  
Egregia ille solo lapsus super intonat arma,  
Et fugientem avidis singultibus aëra captans,  
Occidit, & volucris fit vita simillima vento.*



*His spes arrepta Cœlestum, impulsaq; corda,  
 Nève iterum ignavi trepident, animosq; remittant  
 Degeneres, agitant vario certamine pugnam,  
 Excursusq; breves tentant, & mœnibus hostem  
 Inuitant, pugnaq; cient simulacra frequentes.  
 Concitus immani sed Lentescmophius ira,  
 Uellere claustra parat, sociasque immittere turmas,  
 Limina quâ vasta convulserat antè ruina.*

*Acrior at Marnas, structoque ex aggere Divi  
 Obsistunt, lacerumque manus crudeliter ambas  
 Deturbant, magna muri cum parte revulsum.*

*Emicat Ienios fraterni funeris ultor,  
 Moliturque aditum, atque effracto cardine, vulsas  
 Estatione fores torquet, multisq; suorum.  
 Mœnibus immisissis, portis bipatentibus astat  
 Horret Evamerion, tanto incumbente tumultu,  
 Tela inimica videns, infusosq; arce potiri  
 Terrigenas, magnoq; Deos clamore fatigat,  
 Diversa in regione arcentes turribus hostem.  
 Nec mora, Tyndarida gemini, Cepheusq;, generq;  
 Accelerant: pedibus piger Icarus applicat alas,  
 Magnus & adversos celerem furor urget in hostes  
 Non aliter, quàm si Arfacida, Parthiq; fugaces  
 Immineant Argis, Agamemnoniusque Mycenis,  
 Jamq; forum immisciteneant, portisq; recepti,  
 Accipiant socios, passimque incendia volvant,  
 Imperium coir Argivum, viresque Pelasga,  
 Inclusumque hostem Inachio vix orbe revulsum,  
 Rursus agunt Euphratem ultra Nabathæaque regna.  
 Primus Amicleus digna atque indigna minantem*

*ibat in*



Ibat in Iënon, portaq; è limine raptum  
 Fundit humi, impulso gemina inter tempora cæstu.  
 Illic Castor eques, densata per agmina vectus,  
 Egregium forma juvenem, pubentibus annis,  
 Pheston agit, jam jamq; inhiat, similisq; tenenti  
 Cernitur: at solers in gyrum flectere cursum,  
 Indeprênsus abit, dextramq; eludit avaram.  
 Hoc magis effusus deservit Castor habenis,  
 Dumq; ferox instat, strictis & anhela lupatis  
 Ora quatit, frustra q; fodit calcaribus armos.  
 Desilit in cælum, & sævum it pedes acer in hostem,  
 Cum clamore ruens magno, tandemq; coactum  
 Vestibulo in clauso dubiarum errore viarum  
 Occupat, atque animam crudo simul eripit ense.

Armipotens jaculo premit Eumeroönta Boötes,  
 Egregium Eumeroönta, pater quem miserat Alpheüs  
 Telchium de stirpe satum divæq; Phenissæ,  
 Nec poruit fugiens lethum evitare, nec hostem  
 Fallere: nam stridens trans ilia venit arundo,  
 Inq; solum multo spumantem sanguine fudit.  
 Tum geminos fratres, Ideo Panthore cretos,  
 Teuthrasen & Neleum includit, primumq; trucidat  
 Teuthrasen, atque imis adigit pulmonibus ense.  
 Vix Neleum elapsum asequitur, dextraq; sagittam  
 Aure tenus jecit: trepidant in vertice cristæ  
 Commotæ, resonantq; cavis anfractibus arma.  
 His iterum conversa manus per castra Gigantum  
 Terga dat: oclusis alii, facto agmine, portis  
 Erumpunt: alii specubus seturpiter abdunt:  
 Hos timor in præceps agit altis mœnibus: illis



Eripuit mors atra fugam, atque immobile fatum.

Interea fuscis cælum complectitur alis  
 Humida nox, serpuntq; obscura crepuscula terris  
 Magna Deum mater liquidum super æthera picto  
 Invehitur curru, bijugisq; leonibus audet  
 Jam cæli secura subire licentiùs oras:  
 Luce sua cæcas incendia clara tenebras  
 Exsuperant, totoq; furit Vulcanus Olympo.  
 Tum sic aggreditur gnatos, verbisq; salutat.  
 Sic decet egregiis virtutem extendere factis,  
 Sic cælum super ire, Jovisq; retundere fastus:  
 Nunc peccata luat: quæ causa coëgit in arma  
 Terramq; cælumque, & fœdera solvere furto,  
 Cur malè Titanas sua subjugamisit Adulter?  
 Me gravidam imperio tot cur exercuit iris.  
 Atque maritales res ausus vertere fundo?  
 Quid vetat ulcisci? positone ingloria bello,  
 Externo aspicerem mea regna hærede teneri?  
 Non mea, sed Jovis est hæc tanti injuria belli:  
 Quidquid id est, motis meruisse fatebitur armis,  
 Cum placuit, malè posthabita dextraq; fideq;  
 Arripere imperium, & scelerato invadere ferro  
 Progeniem immeritam, & veros de stirpe nepotes  
 Titanis patris: elusam non justior ulla  
 Pœna fidem sequitur: nunc expiet arma, suoq;  
 Sistat inextinctas effuso sanguine flammæ,  
 Nunc autem, noctis dum serior imminet hora,  
 In statione vices servate, & cingite muros  
 Obsidione viri, & pugnam sperate secundam.  
 Sic ait: & gestis bene rebus, cura Typhoëa

Credita



Credita militiæ, & rerum delata potestas.

Jamq̃ optata quies hominum pecudumq̃ labores  
Soluerat, alituumq̃ genus sopor altus habebat.

Curis sola Deum corda exercentur, & atræ  
Terrorum ingeminant tenebræ, noctisq̃ per umbram

Aera Giganteis circumfulgentia castris.

Arcas erat portæ custos, acerrimus astu

Mercurius, vigilum excubiis præfectus, ad Austrum

Quæ ducunt bivii, diverso tramite, calles

Phylliriden juxta, Nymphaq̃ Coronide cretum.

Phæbus erat socius, curis ingentibus ager,

Communiq̃ viam cæli statione tenebat.

Frater, ait, primum tacito Cyllenius ore,

Quæ sit care vides rerum fortuna, quibusq̃

Auspiciis cælo immineant Telluris alumni,

Hos ego si potuissem unquam sperare furores,

Possem etiam exortis mentem submittere curis.

Quam vellem hac anima intercepti vita parentis

Posset emi, atque iterum desertis reddier astris:

Haud dubiam oppeterem mortem, per tela per hostes

Captivum eruerem: nec deessent pectora, talem

Titanum terrorem inter, cæliq̃ labores

Sublatum pater erudiit, virtute doloq̃

Magnanimum Saturnum & fata extrema sequutus.

Percipe porro, animo quæ nunc audacia surgat:

Undique nos circumfusus, at idonea furtis

Tempora cæca vides, & amica silentia Lunæ:

Subsidunt strepitus, obscurasq̃ arma per umbras

Rara micant: Certè captum me posse parentem

Aserere hoc cælo sperarem, si modo necdum

O ij



*Arte Typhoëa crudelibus occubat umbris.  
Fama sat est duri mihi cognita carceris:illum,  
Si modò forsq; Deusq; juvent, reperire Cilisis  
Posse reor terris, aut alti vertice Tauri.*

*Mercurii obstupuit dictis percussus Apollo,  
Immotosq; tenens oculos, affatur amicè  
Germanum. Deus hunc ardorem mentibus addit,  
O penitus dilecte mihi, sequere omnia tanta  
Quisquis ad illa vocat: felicibus utere cœptis:  
Per te parta salus: in te cœlum omne recumbit:  
Tu poteris, si fata velint, revocare parentem,  
Et miseros tanta formidine solvere Divos.  
Si visurus eum vivo, mihi si illius unquam  
Ore frui coràm dabitur, jam lucis & auræ  
Amplius usuram haud cœlestis degener optem,  
Tum me nulla dies, dum spiritus hos reget artus,  
Immemorem arguerit: vos alta silentia noctis  
Conscia dictorum, & præsentia sidera testor:  
Per Styga polliceor, per quam pater antè solebat,  
Si datur immanes superare, parente recepto,  
Terrigenas, & partiri spolia ampla Gigantum,  
Uidisti quibus Eurymedon exsultet in armis,  
Purpureis latus cristis, auroq; coruscus?  
Ipsum illum thoraca tibi, conumq; rubentem  
Insignis galeæ excipiam, tua munera, frater.  
Insper à genitore bonis donabere quantis?  
Qualis eris? semper laudem tua facta merebunt,  
Gloria semper erit, nullo delebilis ævo.  
Dum genus æternum Saturni immobile cœlum  
Incolet, imperiumq; pater Dictæus habebit.*

*Excipit*



Excipit actutum Caducifer ales, & inquit  
 Protrahimus fando tempus: peragenda moramur:  
 Restat iter: locus insidiis trans ardua surgit,  
 Quà patet in bivio Cygnus: mihi dexter eunti  
 Pegasus ales erit, conjux Cepheüsque sinistri:  
 Hinc ad Erichthonium brevis est via. cuius ab arce  
 Ad Cilicas, menti sic stat sententia, tendam,  
 Sed quis Phæbe mihi succedet? tene cruentis  
 Hostibus inclusum, & portæ statione relictum,  
 Desero, cūi semper comes indivulsus adhæsi,  
 A latere aut tergo tua per vestigia raptus?  
 Non tam longus erit labor, haud victoria tantam  
 Nostra moram passura, adeo venti ocyor aura,  
 Antè pererratis quàm mundi quibus Eös  
 Prima luce diem obsessis Cælestibus ortam  
 Reddiderit: veris modò mentem Chæonis implet  
 Ales, & augurium nuper patris arbore captum.  
 Sic factus, lateri Tegeæam accommodat harpen,  
 Assumptisque alis tacitus discedit, & umbris  
 Tutus in obscuris, nocti se credidit atræ,  
 Vota metu duplicat Phæbus, tristisque profusis  
 Ora rigat lacrymis, casum infelicitis amici  
 Quem metuens: passim at curis belloque soluti  
 Terrigenæ toto proflabant pectore somnum,  
 Laxabantque animos. Volucer jam tuta tenebar,  
 Hostibus elapsus, tenebrisque silentibus Arcas  
 Errabat. Primò Cydnum, limoque fluentem  
 Pyramon. & terram ingenti Sarpedone rectam  
 Lustrat, Orontæas etiam digressus adoras:  
 Inde Syros. linquens, perplexum iter omne revolvit,

O ij



Perq̃ Lycum Chlorumq̃ means, portasq̃ Cilissas,  
 Inquiri genitorem: altum clamaſſe volebat,  
 Quò pater audiret, ſonitusq̃ veniret ad aures.  
 Sed nè fortè dolum, advertat custodia, patrem  
 Prodere voce ſua, & certa ſe opponere morti  
 Abſtinuit, Solymosq̃ petens errore locorum,  
 Corycidas fortè in Nymphas, profugasq̃ Sorores  
 Incidit: an caſu dubium, an ſic fata ferebant  
 Anguipedum, patuitq̃ ſtatim Deus editus una  
 Pleiadum: ſimul hæ referunt data damna ſuumq̃  
 Exſilium, ſolumq̃ Jovem, cuſtode remoto,  
 Coryciis miſerè clauſum à Typhone cavernis.

Vix Maja ſatus auditis ſua gaudia celat,  
 Extemploq̃ ſpecum inquiri: nondum antra marisq̃  
 Attigerat portum, magnis clamoribus actus,  
 Surge, agè, care pater, teq̃ his, ait, eripe vinclis.  
 Juppiter attonitus viſis, ſibi ſomnia fingit.  
 Sed non ſomnus erat: nam coràm agnoſcere vultus  
 Mercurii poterat, præſentiaq̃ ora tueri.  
 Tandem pauca refert: ò exſpectare parenti  
 Gnate venis, cælo per aperta pericula vectus:  
 Indole quid tanta dignum, quæ laudibus iſtis  
 AEqua dabo? quid vis pere, non patièrè repulſam.  
 Per caput hoc juro, morremq̃ enſesq̃ nefandos,  
 Quos fugio te dante, fidelis præmia facti  
 Digna feres: lacrymis ſic ore loquutus obortis,  
 Oſcula libavit, collumq̃ amplexus, inhaſit.  
 Mercurius contrà. Cervici imponere noſtræ  
 Care pater, ſuccedam oneri, mediosq̃ per hoſtes  
 Sedibus incolumen patrius, ſceptriſq̃ reducam,

Hæc



*Hæc fatus, sublatum humeris mox excipit alris,  
Et cælum reperit, strepitum haud facientibus alis.*

*Océano interea surgens Aurora, cubile  
Liquit, & exorto spargebat lumine terras,  
Extremum visura diem, quo turba Gigantum  
Imperio Jovis & devicto insultet Olympo.  
Mercurius, jam tuta tenens, evaserat hostes,  
Ardentesq; inter clypeos, per opaca locorum  
Avia dum sequitur cursu, noctisq; per umbram  
Observata prius vestigia cæca retexit,  
Porticibus subiit vacuis, solvitq; timorem.*

*Juppiter ut verò foribus sese intulit altis,  
Cælestesq; inter divino effulsit honore:  
Clamorem ingentem palmis ad sidera tollunt  
Erectis, celeriq; immugit regia cæli  
Latitia, plausuq; Deum præsentis ut ora,  
Ora manusq; ambas immani vulnere victas,  
Trajectosq; pedes lacrymis mirantur obortis.*

*Ante alios excita toro Saturnia Juno,  
Flens graviter, dum res animos incognita turbat,  
Obstupuit simul ipsa, simul perculsus Apollo,  
Accurrit, dextraq; ardet conjungere dextram.  
Ales ut è pastu rediens, multo imbre morata,  
Cui domus, & dulcis pubescit in arbore fœtus,  
Excipitur, gnatiq; simul circum oribus ora  
Jungentes, data grana legunt, trepidantibus alis  
Latitia, magnisq; obstat conatibus atas.  
Postquam introgressum cuncti clamore petentes  
Excepere Dei: sensim se languidus agrum  
Infemur attollit, cunctisq; stupentibus, infit.*



Cœlicola magni, coram, ceu cernitis, adsum  
 Iuppiter omnipotens, victore ereptus ab hoste.  
 O jucunda dies meritò, quàm semper acerbam  
 Semper honoratam (mala sic voluistis) habebo:  
 Qua vos, reliquias Briarèi sævique Typhoèi,  
 Omnibus exhaustos jam casibus, omnibus armis  
 Jactatos, & nos extrema per omnia rapti  
 Cernimus: ô anima egregia, quæ sanguine nobis  
 Defendère suo hoc cœlum: post multa meorum  
 Fûnera, post varios Divûm cœliq; labores,  
 Ut vos aspiciamus læti: quæ digna rependam  
 Hac animi virtute, quibus vos laudibus ornem?  
 En nostri reditus: dabit hoc terroris abundè,  
 Præsentemq; feret præsentia nostra salutem.  
 Nunc similis fortuna premit, commune periculum  
 Nunc erit, & casus vos tandem amplector in omnes,  
 Nec sine mente reor, fati aut sine numine factum,  
 Pulsus in exsilium ut major mea regna viderem,  
 Victoresq; Deos. Nam nunc ni redditus astris,  
 Imperioq; forem cœli, nil certiùs, omnem  
 Quàm Libiamq; Asiamq; horrendo ad sidera bello  
 Venturam, & toto ausuros insurgere mundo.  
 Nunc meliùs sperandum erit: hæc suprema manebunt  
 Exitio positura modum discrimina nostro.  
 Numina nulla obstant: solis sunt fulmina Divis,  
 Atque immortales mortali urgemur ab hoste:  
 Et trepidamus adhuc? Exhausta pericula testor  
 Carceris, infernamq; Stygem. Si perdere gentem  
 Titanum immanem valui, perdentur & ipsi  
 Terrigenæ. sese licet in miracula rerum

Omnia



Omnia convertant, cælumque in Tartara solvant.  
 Tu tantum per opem Rheæ, vosq; tenacia fata,  
 Quæ Divum genus æternum servatis & astra,  
 Nostros everso redivit succurrere sæclo  
 Nè prohibete: satis jam pridem sanguine nostro  
 Imperio profugum luimus pulsūque parentem.

Sic ait, & subito concursu accedere magno  
 Alciden, Baccumq; videns, geminosq; Lacones,  
 Cælestūq; alios, quos in diversa Gigantum  
 Vis tulerat, penitusq; aliis distraxerat oris,  
 Vulnere fesus adhuc media testudine cæli  
 Se recipit, solioque animos speculatur ab alto.  
 Atque sub ingenti dum lustrat singula turba,  
 Mævorrem opperiens, currus sine corpore amici  
 Agnoscit lacrymans, quem non virtutis egentem  
 Victor Aloides, jam multa cæde cruentus,  
 Exceptum, vasti concluderat objice montis.  
 Tum verò ingentem gemitum dat pectore ab imo,  
 Dum quo cuncta loco, quæ sit fortuna, quibusq;  
 Pugnatum videt auspiciis, & plena laborum  
 Omnia. Fert aliquam contrà bona fama salutem,  
 Dissolvitque metum, gemina gnatumq; patrēque  
 Sublatos nece conspiciens, pœnasq; receptas.

Atque oculos cæli partes dum volvit in omnes,  
 Ocyus Ignipotens, alto delapsus Olympo,  
 AÆoliam devenit, & exesa ignibus antra  
 Cyclopum, cæptosque jubet removere labores  
 Acmoniden: rapit ipse ocreas, currūsque, rotasq;  
 Quæ nuper gnati inductus precibusque Minervæ,  
 Fuderat electro, & liquido secreverat auro.

P



Ipsi etiam Brontésque Harpésque argentea linquunt  
 Vasa, cavásque dapum lances, fulvósque lebetes,  
 Craterásque Phrygis pueri jam parte politos.  
 Majus opus Deus instituit, cunctísque laborem  
 Sortitur, toto expediant ut fulmina cælo  
 Materiam forragineus prius arte Pyragmon  
 Preparat informem: hūic miscet pater ipse pavores,  
 Terrificosq; metus, ad quos humana tremiscant  
 Corda, Deūm pacem exposcant, arasq; frequentent.  
 Pars operi incumbunt, multo sudore fluentes,  
 Exercentq; rudem, magnoq; tenacibus igne  
 Forcipibus versant massam: pars arida flammis  
 Nutrimenta ferunt: hīc auras follibus Arges  
 Egerit, ut latè fornacibus æstus anhelet  
 Dissiliunt scintillæ, atque atras lumine sedes  
 Percurrunt: Steropes illic candentia tingit  
 Fulmina, ne correpta domus subsidat in ignes.  
 Fervet opus studiis, tonitruq; operosa fatigant  
 Brachia, & in numerum resonant incudibus ictus.  
 Nuntius intere à ingenti per castra tumultu  
 Terrigenūm ruit, atque animos terroribus implet.  
 Instructos acie Superos, ipsumq; reversum  
 Arma parare Jovem, quem omnes cum stirpe putabant  
 Procubuisse sua jam pridem, atque æthere cassum.  
 Deficiunt subitò, magnúsque per ora timentūm  
 Mæsta tremor currit, manifesto numine ferri  
 Res Divūm, sua sed retrò sublapsa videntes  
 Robora, quos prius in solido fortuna locarat.  
 Rarus qui sumtis ultra spem ponat in armis,  
 Aut pugnam paret aut speret, quos ante, triumphos.

Multi



Multi qui visas vellent multo aere redemptum  
 Aetherias nunquam sedes, versantq; futura  
 Supplicia, & tumuli occurrunt ante ora recentes:  
 Jamq; putant post terga Jovem fulmenq; minari,  
 Tantus agit mentes terror, confusaq; toto,  
 Dissensu vario, crebescunt murmura caelo.  
 Non secus Eridani ripis, pratisq; Caystri,  
 Dant sonitum rauci, complentes litorea, cygni:  
 Strymoniaeve grues, caelo cum gentis adultos  
 Educunt foetus, aut atram vallibus imis  
 Surgentem aspiciunt, pluvia impendente, procellam,  
 Effugiunt, magnisq; secant clangoribus auras.

At quibus arrectae, stimulis non mollibus, irae,  
 Sunt quoque quorum animis eadem haud sententia surgat.  
 Militiae proceres primi, belliq; magister  
 Eurymedon: omnes veluti virtute parati  
 Stare Deos contra, & certa se opponere morti,  
 Sic etiam fremitu ingenti, magnoq; dolore  
 Mercurii scelus indignantur, & unius arte,  
 Unius ob fraudem belli turbata repente  
 Consilia, atque incœpta ducum: nihil omnibus actum  
 Tantorum impensis operum: tot lumina frustra  
 Magnorum cecidisse virum, pubemq; timore  
 Defecisse omnem. In primis altum ore Typhoeus  
 Infrendet, tutaq; Jovem statione receptum  
 Aspiciens. Sceleris fabricator sanguine pœnas  
 Persolvat patris, inquit, & arrepto ense, nepotem  
 Ibat in Atlantis: Socii quoque tela ferentes  
 Accelerant, atque arma, quibus caelum omne petebant  
 Arcadis unius in miseri conversa tulerunt



Exitium: timuit monstris exterritus Hermes,  
 Moliturq; fugam, nec se celare latebris  
 Amplius, aut hostem potuit perferre ruentem.  
 Fit volucer: tandem quoque vera volucris, abitq;  
 Ibidis in faciem, pennisq; nigrantibus alas  
 Spargit, & adfufum septena per ostia Nilum  
 Avolat: hinc odii manet insanabile vulnus,  
 Deprensosq; ore exercet crudeliter angues,  
 Progenitos sanie, fusoq; cruore Gigantum.

Sævit atrox Typhon, nec qua ratione nocere  
 Possit, & extractos in planum effundere Divos,  
 Invenit, atque iterum sese in sua castra recepit.  
 Ceu lupo insidias explorat ovilia circum,  
 Cum gregibus nocturnus obambulat, excitus antè  
 E sylvis pecudum balatibus: acrior illum  
 Cura domat, crescitq; fames jejuna, quod audit.  
 Matris ab uberibus, tutisq; cubilibus agnos  
 Ludere, se elusum stabulis excludier altis.

Juppiter intus adhuc, hostiliq; aggere septus,  
 Ingratas trahit arte moras, num posset iniquam  
 Elicere ad pugnam, atque in apertum educere vallum.  
 Terrigenas, nulloq; potiri sanguine victis.  
 Arma sed apta operi desunt, quibus hostis ahenas  
 Arjetet in portas, & fundamenta domorum  
 Funditus exstirpet: fastigia vellere tecti  
 Falcibus ignotum, atque acta restudine muros  
 Quassare, erectasq; in mœnia tollere scalas.  
 Ergo mora impatiens, nè quem fortuna retardet.  
 Tristior eventum, & post ad pejora reservet,  
 Pauca refert. Satis haud Superi, quod distinet hostem

Per se



Per se tuta domus, nisi inundet sanguine cœlum.  
 Quos petimus, densi circumstant undiquè portas  
 Nosq; vocant: cur indecores in limine primo  
 Stamus, ut exsultans pavidus vos meq; timoris  
 Arguat Eurymedon, & vanis territet armis?  
 Ante pedes interq; manus sunt omnia nostras:  
 Ibimus: hæc pleno superest lux una triumpho:  
 Nos victoria certa vocat, labor ultimus illos.  
 Sic ait, & dextra fulmen lævâq; prehensum  
 Terrificus rotat, & circum immortalibus armis  
 Cingitur, atque hortatur idem. Dicto ocyùs omnes  
 Dîq; Deaq; adsunt. ipsi, quibus aspera quondam  
 Visa poli facies, & non tolerabile bellum,  
 Ire volunt, Martisq; omnem perferre laborem.  
 Tum circa Regem atque ipsa ad prætoria densi  
 Miscentur, gladiis succincti insignibus omnes,  
 Ingentesq; acuunt animos clamore secundo.  
 Juppiter ipse præit, quem Dî latera omnia clausum  
 Juxta convenère, fluuntq; ad regia plenis  
 Castra viis, fidesq; obvertunt pectus in hostem.  
 Ac veluti Europæ ad fines Tanaimq; nivalem,  
 Cum Scythicis bellum hostis atrox meditarur in oris,  
 Fœmineus rapit arma furor, contraq; ruentem  
 In patriamq; domosq; hostem it, quas inter Amazon  
 Regia, peltatis præstans virtute puellis,  
 Eminent, atque virum muliebri in pectore versat.  
 Eurymedon contrà propius jam urgente caterva,  
 Adversus campo venit, & medio agmine ductor  
 Arma parare jubet cunctos: tum vellere signa  
 Encela dum vallo, turmasq; educere castris.

P ij



Imperat, atque mora segnes procul are canoro  
 Increpitat, cantuq; animos accendit in hostem.  
 Sed frustra, subitoq; metu in contraria pubes  
 Consternata Jovem fugit, exortoq; tumultu,  
 Dirum execratur bellum cum gente Deorum,  
 Heroisq; viris, quorum res semper acerbae  
 In melius recidant, damnisq; audacia crescat.  
 Tunc etiam spem nullam armis, belloq; salutem  
 Prospiciunt, mallentq; coire in fœdera dextras,  
 Atque in signe manu prætendi pacis olivam.  
 Hocq; volunt, unoq; omnes eadem ore requirunt.  
 Acrior exarsit moti violentia Regis,  
 Atque acies inter, medio flagrante tumultu,  
 Ut motus animorum, & tanta incendia sistat,  
 Increpat hærentes. Ubi nunc ingentia bello  
 Facta viri, dextraq;, quibus sub Tartara missi  
 Nille Deum? acquisita ubi nostræ gloria genti?  
 Vicimus, & sola formidine vincimur, orto  
 Ante tubam per corda metu? an tendemus inermes  
 (Pro pudor atque nefas) dextras? an pace sequestra  
 Velatiramis oleæ, veniamq; rogantes,  
 Suppliciter culpam erroremq; agnoscimus? Atqui  
 Spem veniæ nullam Jovis inclementia spondet.  
 Sit durum patris exilium, sit ab æthere pulsus  
 Filius Ignipotens testis, vaccaq; Pheræa,  
 Tum soror & conjux leso suspensa marito,  
 Hac illos, quæ nos hostes fortuna sequetur?  
 At si quodcunque hoc regni, si sceptrâ Jovemq;  
 Concilient, populosq; simul, paribusq; regamus  
 Auspiciis orbem immensum: Si denique gentem

Esse



Esse velit Superos unam Terræq; creatos,  
 Consortesque operum, sociiq; in regna vocemur:  
 Quem penes omnis erit sed Divum hominumq; potestas,  
 Quis mundi imperium, & primos sibi poscit honores?  
 Non alio restant terræ sub Sole jacentes:  
 Non aliud superest, quàm, quod tegit omnia, cælum,  
 Hoc armis petimus, dabiturq; petentibus armis.  
 Anne semel victus, centum constrictus ahenis  
 Post tergum nodis, antroq; repostus opaco,  
 Deditit vinci in Venerem nocturna q; bella  
 Aptior, ante viros segnis Deus? anne redibit  
 Fortior ad pugnam, prius eruta dente sequentum  
 Cerva canum? semel Assyrio fucata veneno  
 Vellera, quæ foliis depectunt candida Seres,  
 Natiuam assument faciem, amissosq; colores?  
 Vera semel virtus Jovis excidit, illa reponi  
 Non poterit: tantum simulatis provocat armis.  
 Dixerat, & subito erecti per castra, Gigantes  
 Assensere omnes sceleri, quantumq; timebant,  
 Tantum ardent Superum adventu: fremit aequore toto  
 Vis equitum, peditumq; furor, clangorq; tubarum,  
 Conceptaq; nihil pro spe tentare recusant.  
 Vos autem, major dum belli nascitur ordo,  
 Pærides trepidum regite, & date carmina Musæ:  
 Vos acies Superum, cunctosq; sub arma coactos  
 Dicite Terrigenas, & quos obscura recondit  
 Fama viros: nihil hic vestro sine numine apertum.  
 Jamq; propinquabant hinc inde, aciemq; movebant,  
 Cum Bacchus procul antevolans, hastamq; reducta  
 Protendens dextra, speculatus in agmine longè



*Antiphylum gradientem altè, atque indigna minantem  
 Aggreditur, contraq; parantitela, sinistrum  
 Per latus exegit, mediamq; recondidit hastam.  
 Ad terram cadit ille gemens, & frigidus horror  
 Occupat os, somnusq; oculos supremus oberrat.  
 At Rhoeci, videt ut lapsantem in sanguine fratrem,  
 Germanæ subiit mentem pietatis imago,  
 Accurritq; fremens, terra simul elevat ipsum  
 Singultantem, & adhuc auras cœli ore legentem.  
 Tum factum increpiat verbis, & crimen acerbat.  
 Vane Deus, frustra animis elate superbis,  
 Quid terrere paras nos uno funere, multi  
 Cùm superent virtute pares, pars maxima quorum  
 Rhœcus ego, haud ulli Divorum Marte secundus?  
 Hæcne necis nunc tela vides ultricia? magno,  
 Magno equidem tibi constaret laus illa, statimq;  
 Sontem animam tormenta quidem, mortesq; per omnes  
 Eruerem: nullam sed habet victoria laudem,  
 Imbuere invictam hanc imbelli sanguine dextram,  
 Atque hoc turpe referre caput, muliebriaq; arma,  
 Semivir, i, quò insana vocat te turba, novasq;  
 Indixere dapes, & plenæ pocula mensæ:  
 I, rege lymphas mentes: tibi sumere thyrsos,  
 Et lustrare choros sit cura sacrisq; vacare,  
 Arma viri bellumq; gerant: tua castra corymbos  
 Et foliis lentas intexant mollibus hastas.  
 Quid cessas? an Titanum meminisse juvabit?  
 Hic & erunt, vivosq; in frusta secabimus artus,  
 Fixaq; versatis torrebimus exta verutis.  
 His dictis dolor exarsit, circumq; cruentam*

*Bacchus*



Bacchus agens oculorum aciem, sic intonat ore.  
 En, tu bella geres, mihi molles sumere thyrsos,  
 Et lustrare choros sit cura, sacrisq; vacare?  
 Respice adhuc: adsum tibi bella necemq; daturus.  
 Sic effatus, in horrendam, mirabile visu,  
 Se faciem transformat, & humana exuit ora:  
 Fit fera, Getulique extemplo immane leonis  
 Induitur tergum, villis atque unguibus atris  
 Terrificum, funditq; juba cervice comantes.

Rhæcus ad aspectum obstupuit, vicinaque magno  
 Fracta caterna metu retrò dare terga parabat:  
 Vellet idem tentasse Gigas, sed ab agmine raptò  
 Insiliit Deus, & collum complexus inhaesit,  
 Unguibus hinc illinc nutantem agitansq; trahensq;  
 Segnior haud Rhæcus, magna virtute repugnans,  
 Sustinet à jugulo morsus, unguesq; revellit  
 Vulneribus fixos alte, & vim viribus exit.  
 Sed frustra, dum se hic evoluit, atrocius illic  
 Dentibus arripitur, duplicataq; damna resultant.  
 Non aliter cymbam immanis rotat equore turbo  
 Syrtibus hærentem, vastiq; crepidine saxi:  
 Nunc tanquàm subrepta malis, cum gurgite pontus  
 Procurrens ruit ad terras, attollitur æstu:  
 Nunc iterùm revoluta, vado, labentibus undis,  
 Tunditur exhausto, & scopulis affligitur atris.

Non tulit inflammata moras violentia Bacchi,  
 Excutiensq; toros, villisque horrentia colla,  
 Rugit hians torvum, spirantiâque oribus ora  
 Obstruxit rictu diducto, & cordis anhelu  
 Interclusit iter, vitalique obstitit haustu,

2



Obsessasque diu fauces non antè remisit,  
 Quàm prostratus humi exanimis, cervicereflexa,  
 Explicuit se quantus erat, bis dena per agri  
 Jugera porrectus: tunc impiger, hoste peremto,  
 Gaudet ovans Deus, atque infixis dentibus haeret  
 Visceribus super accumbens: fluit ore cruenta  
 Illuvies, albèntque asperso labra cerebro.

Excipiunt plausu Superi, gnatique triumpho  
 Juppiter exsultat, geminatàque, Euhye, voce,  
 Euhye, latitia ingenti conclamat: at illo  
 Gaudet adhuc victor cognomine Bacchus, & omnes  
 Transtulit ad populos morem, ut sua festa quotannis  
 Cum reperunt, veteresq; ineunt prosenia ludi,  
 Humanas ponant formas, stimulante furore,  
 Oraq; corticibus sumant horrenda cavatis.

Sævus at Eurymedon furiis, fervente suorum  
 Strage, ruit medias inter, magno impete, cædes,  
 Quid portenta velint immissaq; monstra Deorum  
 Subdubitans, cæptusq; animis nè longius horror  
 Procedat, subito sese in sua colligit arma,  
 Fraxineamq; hastam quassans, ferroq; crepantem  
 Loricam, totus squamis ardebat ahenis,  
 Magnum animo volvens, ut Divum in castra tumultu  
 Irruat exorto, & simili terrore repressum  
 Terrigenis Bacchum revocet, quem nulla Typhoëi,  
 Nulla Cygis Briarëiq; manu conjecta movebant  
 Tela, nec electi procures de gente Gigantum.

Hunc procul aspiciens Silenos inter Iæon  
 Nobilitate potens, generisq; insigne superbum  
 Tertius à Jove denumerans, se fortiter aptat

Regis



Regis in adventum, caprusq; cupidine palma,  
Occursare viro juvenili exarsit amore.  
Demens qui tantos animo conceperat ausus,  
Ut sibi deberi fato Eurymedonta putaret  
Regnatorem, & tot populis terrisq; superbum.  
Ille parat pugnam, & validis dum cingitur armis,  
Tempora nudus adhuc, nè quid sua fata moretur,  
Profilit, & victum jam spe sibi præcipit hostem.  
Infelix nimium, atque impar congressus: apertam  
Nam galeæ oblectu frontem rimatus, inermem  
In caput Eurymedon hastili vulnus adegit,  
Altum equidem, pedibusq; statim super ora jacentis  
Cum fremitu stetit, atque inimico pectore fatur.  
Nunc quod habes cælum, ore premas, ignave, tuiq;  
Assimilis: sunt hæc audacis præmia facti.  
Atque, utinam, Rex ipse furore oblatus eodem  
Adforet, aut saltem lethi spectator adessem,  
Hanc si adversa mihi laudem fortuna negavit.  
Dixerat, actutumq; retrò vestigia vertens,  
Plurima Parrhasidum morientia corpora victor  
Sternit humi, magnumq; Phalanthem, doctior alter  
Arcadas inter erat quo nemo volubile buxum  
Radere, & in miras traducere robora formas:  
Fagina cælato vel vasa polire labore,  
Et facili lentas torno superaddere vites.

L y





B E L L I

# G I G A N T E I

## LIBER Q V A R T U S.



**N**amq̃ acies inter varius se tollit ad auras  
 Dissensu strepitus, cælumq̃ tumultibus implet:  
 Diversi diversa fremunt, omnesq̃ Gigantes,  
 Omnes Cælicolæ, Bessas, acerbq̃ Tuiſton,  
 Occisorq̃ virum Alcides, & Phæbus Apollo,  
 Sidoniusq̃ Dagon, Silenūmq̃ Arcades alæ.  
 Pro se quisque legit, quem luce carentibus umbris  
 Inferias mactet, pallentiq̃ immolet Orco.  
 Ceu duo, vere novo emissi præsepibus altis,  
 Cornibus inter se obnixi certamina tauri  
 Dura movent, animisq̃ acuunt discordibus iras  
 Ingentes, certi non cedere, donec utrinque  
 Spiritus intus agat, minimæq̃ in corpore vires.  
 Terrigenū prior à tergo manus imminet ingens,  
 Arripiuntq̃ locum, quo non erat aptior alter,  
 Sive jugis cupias, seu plano occurrere pugna.  
 Impiger hoc cernens arcum intendebat Apollo  
 Ocyus, & ducto torquens stridentia nervo  
 Tela Menephiari per tempus adegit utrumque,  
 Turbavitq̃ globum, & conantes plurima frustra  
 Reppulit Anguipedes. Non hoc tulit acer Orius,  
 Atque agitat, quonam ingenio, quibus audeat armis  
 Dedecus hoc pensare, simulq̃ hostile lacerto

Dirigit



Dirigit adducto. Phæbo, nil tale timenti,  
 Intentare parans fatum crudele: sed Aji  
 Se monitu letho eripuit, scelerisq; prehensum  
 Auct. rem aggreditur ferro, multisq; cruentum  
 Vulneribus jacet ante pedes, animamq; resolvit.  
 Fellenus socium tantis se adungere rebus  
 Ante alios parat, & spaciis propioribus urget  
 Elapsum Ormiliū, fugientemq; impedit hasta,  
 Et ternos clypei ferro transverberat orbes.  
 Ille cadit, sanguisq; pedes descendit ad imos.  
 Haud etiam optati metam pervenit ad ævi  
 Lasius, innumeros sibi qui promiserat annos,  
 Herculeaq; manu lethum oppetit: acer Abeltēs  
 Quem prope, nè socia fraudetur morte, supinus  
 Occubat, atque animam calido cum sanguine fundit.  
 Hoc viso, indomiti convertunt robur in unum  
 Terrigenæ, magnoq; ruunt in bella furore  
 Gegenetes, Runeusq;, hic longis promptior hastis,  
 Ille pedum melior cursu, levibusq; sagittis.  
 Ponè sequens illos, annis jam tardior, Ismus,  
 Increpitans clamat. Vos o, quibus integer ævi  
 Sanguis inest, properate viri, me serior ætas  
 Tarda gelu, cohibentq; effæta in corpore vires:  
 Nunc si animo vigor ille foret, roburq; lacertis  
 Quale fuit, cū terribilem Calydonā sub ipsis  
 Mæribus, & germanum Evenum ad Tartara misi,  
 Ipsumq; auxilio subeuntem Thestion, omnes  
 Marte satos, fronte haud equidem divellerer usquā:  
 Ipse acies inter primas, stragemq; virorum  
 Hoc caput objicerem, nec me plus laudis haberet

L ij



*Terrigenum ex numero quisquam, non ipse Typhoeus.  
Talia vix spirans memorat, studioq; senili  
Accurrit, comitem tardus sese addit Erethrus.*

*At juxta per aperta volans, ceu provocet auras,  
Aequora, vix summa vestigia signat arena,  
Cursibus insignis Tachys, & satus Ilade pulcra  
Pulcer Alectorius, virgatis cum procul arma  
Laeva tralucet sagulis: ceu noctis in umbra,  
Undique cum totum cinxerunt aethera nymbi,  
Luna tamen raris sua nubibus exserit ora.*

*Jamq; instant ferro ancipiti, gladiisq; reclusis  
Decernunt, circumq; Alcide immanibus armos  
Verberibus quatiunt: Ast ille stat, arboris instar,  
Undique quae vento pulsatur, & imbribus atris,  
Perq; minas caeli, tempestatumq; ruinas  
Altior assurgens, Jovis acres despicit iras.  
Nec procul auxilium castris effundit apertis  
Amphitryoniade Taranis, si forsitan unus  
Obniti nequeat contra, & se evolvere victor.  
In primis nymbo effulgens & Gorgone saeva,  
Bellatrix Diva incumbit, viq; egidis album  
Mutat Alectorium in marmor, direptaq; sumit  
Arma sibi, argento perfecta, atque aspera signis.*

*Viderat hoc, eademq; rotis inductus Echion  
Monstra timens, compellat equos, jam certus eundi:  
Sed non fata sinunt, capitiq; hic terminus haeret.  
Nam subito riguere oculi, concretaq; adhæsit  
Prodigiosa silex currû, frenisq; remissis,  
Fertur equis gelidum, domini pro corpore, saxum.  
Quisque, prout subit armatus, discrimen aperrum*

*Incurrit,*



Incurrit, subitusq; omnes lapis occupat artus.  
 Tandem ubi jam nullo ingenio se evadere pugna  
 Posse, neque instantem cernunt avertere Divam,  
 Immanem, ecce, manu pluviis in saltibus hydram,  
 Servantem ripas, rarisq; loquacibus atram  
 Ingluviem explentem, rapiunt, quaq; instat, & urget,  
 Saxificam obiciens venientibus agida, Divæ  
 Ante pedes jaciunt, prohibentq; accedere monstro.  
 Ille notis longam maculosis explicat alvum,  
 Arrectisq; horret squamis, inimicaq; torquet  
 Lumina in adversam, & linguis micat ore trisulcis.  
 Ira movet mentem, & torvo Dea bellica vultu  
 Torquet agens hastam, dicitq; potentia verba,  
 Verba, quibus raptum sistat vestigia cælum,  
 Flamma gelurigeat concreta: humentibus undis  
 Sicca fluant: visu mirum, maria alta tumeſcant,  
 Et murata suos suspendant flumina cursus:  
 Frigidus in pratis coluber quibus occulit aures,  
 Atque fuga parvidum terra caput abdir, & altè  
 Defossus specubus magico timet ore susurros.  
 Tunc demùm spirantem, & sibila colla tumentem  
 Bis medium amplexa, ut nequeat dispergere virus,  
 Terq; quaterq; solo allidit: frustra ille reluctans.  
 Grandia distorquet linguis vibrantibus ora,  
 Frustrà sublato convolvit pectore terga,  
 Arduus in spiras, sinuatq; volumine caudam.  
 Vidit ut exhaustum, & suspiria longa trahentem,  
 Stridore ingenti liquidum super athera jecit,  
 Affixitq; polo: hîc subitò, si credere dignum est,  
 Corporis obscenæ squamæ vertuntur in ignes.



Ter denos, flexuq; obliquo labitur Arctos  
 Circum perq; duas, specie remanente Draconis.  
 Interea Tachys, & vix morti elapsus Erethys,  
 More lupi effugiunt, qui facta cæde, repostis  
 Egreditur latebris, depasta cubilia linquens.  
 Ipse etiam sævas elludit Palladis iras  
 Grajus homo Gration, patria qui missus Eleusi.  
 Uomeris argentæi dentem, trahensq; sequaces  
 Matris Eleusinae clypeo gestabat ahenos:  
 Triticeamq; comis, patriarum insigne jubarum,  
 Addiderat segetem, flavasq; in vertice aristas.  
 Insanus, qui vix victore ereptus ab hoste:  
 Non tamen abstinuit furis: nam mente recepta  
 Nulla reformidat sævi discrimina Martis:  
 Depositaq; procul pharetra speculatus inermem  
 Dictynnam, occisis erepta Gigantibus arma  
 Servantem, & vacuo congestam in fornice prædam,  
 Accedit propius furtim, limenq; sub ipsum  
 Improvisus adest, & forti missile dextra  
 Torquet agens: illud dubiis committitur auris,  
 Gramineoq; hæret, sine vulnere, cespite fixum.  
 Exardet Dea facta, & raptis tela pharetris  
 Depromit, validisq; incurvans viribus arcum,  
 Subductum leviter trajecit arundine mentum.  
 Hoc Gration ictu furit arduus, altaq; jactat,  
 Vulneris impatiens, arrecto brachia celo,  
 Conaturus idem: sed non contingere fatis  
 Posse datum stricto cælestia corpora ferro.  
 Dumq; dolore amens instat, cervice prehensa,  
 In mare præcipitem cælo deturbat ab alto,

Threicias



Threicias juxta fauces, ubi cornibus Iö  
 Sublatis, primum implevit mugitibus agros,  
 Informesq; bovis vultus in littore vidit,  
 Obsita jam setis, colloque timebat aratrum.  
 Hic etiam multos Euxina per aquora soles  
 Circumagit profugum, nunc quä dignata superbo  
 Conjugio Phœbi genitrix pulcerrima Syri:  
 Nunc quä Colchis habet prisca vestigia laudis,  
 Cum tentare Thetin ratibus, Tiphysq; magister  
 Ausus ad ignotas aurati velleris oras  
 Delectos vehere Heroäs, pubemq; Pelasgam.  
 Errorum vix finis adest, nec jam amplius usquam  
 Apparet tellus: tantum, diversa frementes,  
 Unä Eurusq; Notusq; ruunt, & littora plangunt:  
 Tum procul à tergo rutilo cum fulmine nymbus  
 Insequitur, canisq; albescent aquora spumis.  
 Quò magis at surgunt, hoc undis altior exstans  
 Infelix Cratien Neptunum faucibus arcet  
 Non misero, prohibente Dea, semperq; sequente,  
 Ulla quies, totumq; tremor pertentat, ut ambas  
 Inter se obnixas vidit Symplegadas, atro  
 Sapius ardentes, collisis cantibus, igne.  
 Quid faceret, dubitat: viridis subit ostia Peuces,  
 Riparumq; toris molli consedit in herba:  
 Illicet hostis adest, braccataq; turba Getarum,  
 Sauromataeq; truces: iterum formidine turpi.  
 AE quora tuta petit cursu. Sed fidere Divis  
 Offensis nihil est: dum quò sit, nescit, eundum,  
 Ignarus maris & Taurorum, in litus avarum  
 Incidit, & fato crudelibus occidit aris.

R



Terra procul medio se pandit inhospita Ponto,  
 Cymmerius vicina umbris, ubi lurida Æorphei  
 Regia, & obtenta densantur nocte tenebræ:  
 Hinc rabies Euxini, atque illatilis ora,  
 Illinc stricta gelu hibernæ Mæotidos unda  
 AEstuat, angustoque palus excluditur Isthmo.  
 Huc se proVectus deserto in littore condit,  
 Donec prima rubens stellas Aurora fugaret.  
 Mane novo festis aderat lux sacra calendis,  
 Cum Scythiæ prima de nobilitate sacerdos,  
 Omnis quàm circum denso chorus ordine fusus,  
 Procedit, festumq; parat de more diei.  
 Stat vittata comas vates, sparsoque liquore,  
 Tergeminam tonat ore Deam, carchesia libans  
 Intemerata focis: nondum flagrantibus aris  
 Ad sacra quæsitam cervam jugula verat, haudum  
 Tincta cruore manus: Subito cum visa moveri  
 Diva fuit (factum haud prius) atque aversa tueri,  
 Sanguineam volvens aciem, ter tela pharetris  
 Insonuere, hastamq; solo concussit, & imis  
 Exaudita adytis vox horrida fertur ad aures.  
 Qui novus hic nostris successit sedibus hospes,  
 Has iras animûmque offensum morte piabit:  
 Sanguine querendus favor est, Græique cruore.  
 Talibus ex adytis vox mira immugit, & aræ,  
 Liminaq; templûmque Deæ clamore resultant.  
 Illicet auguriis trepidi cœlestibus omnes  
 Vestigant sylvas, terramque indagine cingunt.  
 Hospitio pro polluto, pro numinis ira.  
 Dumq; ruunt, ecce, ultro se quærentibus offert,

Nescius



Nescius exitium sibi certum, & sacra parari.  
 Turba statim gavisâ omnis, tunduntq; trahuntq;  
 Conantemq; loqui & pavitantem altaria juxta  
 Deducunt Trivia, manibus post terga revinctum.  
 Ille, metum spemq; inter, agit discrimine vitam,  
 Eventumq; timet: tacitas immurmurat ore  
 Virgo recincta preces, & templum thure vaporat,  
 Desertasq; dapes, iterumq; instaurat honores  
 Antefocis raptos, subito turbante tumultu.  
 Tandem Hecaten, signumq; basi cœlesti locatum  
 Suppliciter venerans, tria virginis ora Dianæ  
 Suspicit, erecta ad cœlum, & tria carmina dicit,  
 Carmine sacrilegum quo offensis devorvet aris.  
 Hoc ritu de more loci festiq; peracto,  
 Antefores raptum geminas Gratiæ trucidant,  
 Iratæq; litant quæsita piacula Divæ.  
 Erecta caput avulsum crudeliter orno  
 Præfigunt, truncumq; alta de rupe volutant:  
 Quæq; prius niveo de marmore fulserat, atra  
 Decolor ara ruber sanie, affusoq; cruore.  
 An Phœbe annuerit populus dubitabat: at illa  
 Annuerat, Scythiæq; omnes tremefecerat urbes,  
 Templaq; motarat saxo constructa vetusto.  
 Ex illo hæc seri sacra serva vere minores,  
 Atque Thoantea truculentior ora Dianæ  
 Assidua de cæde mader, semperq; cruore  
 Pingue solum & faciles humano in sanguine dextra,  
 Nec quisquam evasit ripam irremeabilis oræ.  
 At Tellure sati adverso jam Marte videntes,  
 Omnia qua rerum jaceant perculsa ruina,

R ij



Diuersi in cuneum coeunt: sublimibus hastis  
 Ferreus horret ager, circumq; ardescit ab armis.  
 Se lateri agglomerat primus, reliquosq; fatigat  
 Eumythus, insignis facie, & ditissimus agri  
 Aetolum, quem clarus Atrax, patruusq; Tomarus  
 Ductorem Dolopum addiderant, populisq; Molossis.  
 Nec minor insequitur, seq; hosti fortiter offert  
 Impius Astorges, quo non sceleratior alter  
 Orbe fuit toto, quàm Sol utrumq; recurrens  
 Aspicit Oceānum, obversiq; Aquilonibus Austri.  
 Fama est huic, grauida quando puer editus alvo,  
 Praeuenisse pedes, capite in contraria verso:  
 Quodq; magis mirere, hilari risu ore soluto,  
 Non tener enixus fleuit, nec vagiit infans.  
 Haud obscura dedit tempus natale futuri  
 Signa mali: primos ortus rata signa sequantur.  
 Nam furiis actus patrem obtruncavit ad aras  
 Longævum, matremq; scelus nè proderet ore,  
 Armentalis equi collo suspendit: at illam  
 Liber equus vinclis, campoq; potitus aperto,  
 Tesqua per & dumos, perq; in via saxa gementem,  
 Tendentemq; trahit palmas, omnesq; vocantem  
 In sua vota Deos, gnatiq; immania facta.  
 Sed non vota precesq; ulli exaudira Deorum,  
 Quamq; dedit gnato vitam, illo amisit ademptam.  
 Nunc etiam ut sceleri scelus adderet, impia cælo  
 Prælia molitus tentatis excidit ausis.  
 Nam subito assurgens telum inter densa Deum rex  
 Agmina contorsit, solumq; per agmina vento  
 Fulminis Astorgen afflatum contigit igni.

Deiectus



Deiectus cadit ille, animamq<sup>3</sup> relinquit in astris,  
 Dumq<sup>3</sup> ruit, liquidis in nubibus ardet, & altum  
 Aethera signavit flammis: ceu fulgura cœlo  
 Transcurrunt, rutiloq<sup>3</sup> viam splendore coruscant.

Eumythus hoc viso, & casu perculsus amici,  
 Terga dat: illum ardens infesto vulnere Phœbus  
 Insequitur, calamumq<sup>3</sup> repente per area terga  
 Transadigit: ruit ille solo, celeremq<sup>3</sup> ruinam  
 Cum sonitu dedit, & pronus terram ore momordit.  
 Fit gemitus morientum, eademq<sup>3</sup> ad fata vocatos  
 Fata tulere eadem: tum, qui Calydonidas omnes  
 Torfit amore Deas, Naupacteus Philoparthes  
 Tuiſtonis occisus dextra, securus amorum  
 Oppetit: ô utinam sponsæ præcepta monentis  
 Audiſſet, nec Cœlestum veniſſet ad arma,  
 Sæpius ille quidem Tanaræ genitoris ad ades  
 Respexit: subeunt curæ, ingeminantq<sup>3</sup> querelas  
 Nox & amur: vox ipsa Eraten & frigida lingua  
 Conclamans, Eraten morienti immurmurat ore,  
 Consonat oppositis Eraten convallibus Echo,  
 Sola tot Aetolas inter celeberrima nymphas  
 Quæ mentem inflexit, furtivo admissa cubili.  
 Et tibi Perimedon casus evadere ferri  
 Non licuit, dentesq<sup>3</sup> inter supremaq<sup>3</sup> labra  
 Confixus, calidum laeso vomis ore cruorem.  
 Tu quoque Mnesiæres, & tu simul occidis Actor,  
 Teutonica fatiſ dextera servatus iniquis.  
 At quemcunque sua Tuiſton pro laude laborem  
 Magnanimus molitur, eo sese acrius omnes  
 Terrigenæ expediunt, magnòque ululante tumultu,

R ij



*Accendunt Martem, referuntq; in praelia pulsos.  
 Stat pugna fortuna diu, poteratq; videri  
 Hinc illinc certari animis, & viribus equis.  
 Sed Deus armipotens, Superum cui summa potestas,  
 Ocyus occurrit furiis, densumq; per agmen  
 Fulmine limitem agit vastum, magnaq; ruina  
 Proxima quæque metit. Ceu flavis messor aristis  
 Falce instans, quocunque acies se verterit, altè  
 Procumbunt gravida segetes, & ducitur ingens  
 Sulcus agro, culmiq; audita strage suorum,  
 Dura reformidant tondentis & æris acuti  
 Imperia, & lassapassim cervice residunt.*

*AEmulus hoc cernens patriæ virtutis Apollo,  
 Nè quid ab antiqua bellator laude remittant,  
 Accelerat, vulsoq; immani pondere saxo,  
 Cephysium ferit: olli ocreis luxata refractis  
 Genua labant, pronaque solo cervice recumbit.  
 Tum gladium stringit, nudoq; interritus ense  
 Instat adhuc dextramq; abscindit Alastoris aurem,  
 Cumq; genis truncas, in honesto vulnere, nares:  
 Ille gemens procumbit humi, atque in terga supinus  
 Calce ferit terram, & sparsa luctatur arena.  
 Rarescunt acies, magna intervalla videntur  
 Non tam spissa viris, densaq; obsesta corona.  
 Pars etiam effugiunt timidi: nec tempore cædes  
 Acrior ullo illata fuit Cælestibus: illæ  
 Flos juvenum, virtusq; virum occubère sub armis.  
 Non hoc Eurymedon tulit, atra fervidus ira  
 Bellaq; dissimulans, primum cunctatur in omnes  
 Arte locos, nuncq; hos aditus, nunc improbus illos*

*Circuit:*



Circuit: In campis veluti, cum subdolus auceps  
 Insidias a vibus molitur, & arte repostus  
 Ora bovis præfert simulati: aut acer equina  
 Diffundit cervice iugas, graditurq; superbe  
 Insultans campo, & miseris perdicibus instat  
 Fraude nova, donec profugas in retia cogat.  
 Non secus Eurymedon, sed spe frustratus inani,  
 Arreptit, tandem irrumpeus, gnatoq; patriq;  
 Furtim fata parat, telisq; frequentibus instat:  
 Ter conatus utrumque neci dare, ter pater hastas  
 Reppulit omnipotens, immaniaq; arma repressit.

Sic ubi prima fides fortuna experta, secundo  
 Sævit inops animi, haud quidquam tardante senecta,  
 Occurrensq; Jovi, has imo de pectore voces  
 Cum gemitu rumpit. Cur non procedis in æquor  
 Nunc, cum bella manus poscant? cur, agmine septus  
 Gentis bis victæ, nostris te subtrahis armis?  
 Juppiter egregius: possit quid virvida virtus  
 Experiare, veni: metuisne Typhœa victor?  
 Non ille, at vocat Eurymedon, hunc aspice contra,  
 Si veræ nil laudis habes, hic laudis abundè.  
 Vel si nostra times metuenda robora dextræ,  
 Fulmine me demitte neci, tua dextera perdat.  
 Sed tibi dextra dæst, tibi fulmina nulla supersunt,  
 Cælum, quod petimus, nostrum est: discedite victi,  
 Exsilioq; necem prævertite: nulla manebunt.  
 Signa pedum, toto aut Superum vestigia Olympo.  
 Talibus instabat, fixusq; manebat in unum  
 Ense Jovem. At dictis genitor commotus acerbis  
 Exsilit omnipotens, nec fulmine lenius arsit,



Libravitq; manum, nunquam, majoribus usus  
 Viribus, infandum in caput & sævi ora Gigantis  
 Sed, nimium dum præcipitant furor iraq; mentem,  
 Non Erebi vivum potuit detrudere ad umbras,  
 Subiectamq; Asiam, cæli per inane volutus,  
 Attigit ex animis, quæ primo fonte Cayster,  
 Tmoli intra Lathniq; vias, pulcerrimus exit.  
 Hoc tamen è lapsu, tamq; alta turbine adactus,  
 Respirat, torvosq; oculos ad sidera torquens,  
 Nescio quæ Superis fanda atque nefanda minatus,  
 Hæc, via cum voci laxata dolore, profatur.  
 Hauriat has oculis pœnas crudelis Olympo  
 Juppiter, & nostræ letetur imagine mortis.  
 Sat Ueste sociisq; datum: quæ bella parârim,  
 Sensisti, atque equidem haud parvo tibi, perfide, constant.  
 Pectora pectoribus objecimus, ensibus enses,  
 Arma armis: damnis contraria damna rependi.  
 Magna quidem, at cum mors anima secluserit artus,  
 Major erit gelidas Erebi mihi fama per umbras:  
 Me Superis fecisse metum mirabitur Orcus,  
 Territaq; audaces excludent Tartara manes.  
 Hæc victoria nostra, expectatiq; triumphi,  
 Vincere si nequeo Superos, Acheronta movebo.  
 Talia dum clamat, geminatus anhelitus haurit  
 Pectora, & extremus super errat spiritus ora.  
 Sed fera difficiles obitus, longumq; laborem  
 Parca dat, ut nequeat curis imponere finem,  
 Ultricesq; movent stimulos sub pectore Diræ.

Non tulit hanc speciem lacrymis Peribœa nitentes  
 Interfusa genas, casum indignata parentis

Magna-



Magnanimi, atque imo ducens suspiria corde,  
 Sapius aquorum Neptunum in vota vocavit.  
 Omnipotens pelagi domitor, Saturnia proles,  
 A Jove cū primum imperium est, & prima potestas,  
 Si tibi grata mea cecidit, pater, hostia dextra,  
 Sacraq; virgineis oneravi limina donis:  
 Si te ritè tuas venerantur munere ad aras  
 Tanaria Aoniaq; nurus, & Pitthejaq; Troezen,  
 Has te per lacrymas per si quid dulce reliquit  
 Exstinctus pudor, it furtivæ gaudia noctis  
 Unum oro, quod fortè dabis: nam gratus honorem  
 Saltem aliquem erepta pro virginitate reservas,  
 Exue commotam; victus prece supplice, mentem  
 Luctantemq; animam genitoris, & ægra resolve  
 Pectora, supremaq; oculos in morte natantes,  
 Ut tumultum statuam, & tumulto solennia mittam.

Talibus orantem dictis & plura volentem,  
 Audit, ingemuitq; Deus, miseratus amantem,  
 Tergeminamque Hecaten testatus, aquasq; silentes  
 Ter frontem tetigit, ter singultantia corda  
 Concuſsit, vacuasq; animam diffudit in auras,  
 Contulisq; simul liquefactus in ossibus humor  
 Solvitur & primum rivos parit, inq; paludes  
 Diffluit, & tenera pratexit arundine ripas.  
 Tandem etiam Lyciis fit maximus amnis arenis,  
 Vixq; lacu, & pleno fluvii se continet alvèo,  
 Tam subitæ vis fervet aquæ, postquam ipsa Tonantem  
 Fata petit, cupiensq; iterum consurgere in altum  
 Aggeribus ruptis, imo Pamphilia fundo  
 Stagna ciet tumidus, veteresq; resuscitat iras:



Cùm tamen aërias sedes sit adire negarum,  
 In populos urbesq; furit, sylvasq; volutans,  
 Cum stabulis armenta rapit, natat agmine denso,  
 Immersum pecus, & laxo bibit æquora hiatu.  
 Umbra subit terras, & opaci limina Ditis,  
 Non pice torrentes, atraque voragine ripas  
 Horrescens, imisque Acheronta irridet Avernis.  
 Navita quam Stygia ut primum conspexit ab unda,  
 Trajicit extemplo Cocytum, & rauca fluenta,  
 Ingentemq; rati capit umbram: occupat alnum,  
 Perq; foros, juga, transtra, & totum mole phaselum  
 Porrigitur, quod non Theseus cum fratre, nec audax  
 Fecerat Alcides, animæ non mille priores:  
 Utq; latus movit, vasto sub pondere cymba  
 Ingemuit, mediisq; Charon effusus in undis  
 Exciderat puppi, ni prætius antennarum  
 Cornua rapta senem servassent funere nautam.  
 Ille timens properabat iter, cursumq; tenebat  
 Jam medium, avulsa tabulis cùm regmina cæræ,  
 Nudatque labant cunei: fluit undiquè rimis  
 Tarda palus: latera obstruit ille, atque egerit undas,  
 Festinatq; simul, superato gurgite regis  
 Donec in adverso sceleratos litore manes  
 Exposuit, nil Ditem & Tartara cæca timentes.  
 Sed famis impatiens jejuno Cerberus ore  
 Corripit, ambesis dapibus frustisq; relictis,  
 Expositos, epulisq; vacat genialibus antro.  
 Fit strepitus clamorq; Deum Eurymedonte peremto,  
 Phæaco Eurymedonte, uno quò sospite nunquam  
 Res equidem victæ cæli Terræq; fuissent.

Attoniti



Attoniti contrà percussa mente profundunt  
 Terrigenæ lacrymas, & questibus omnia complent.  
 Multa viri virtus, multo spectata labore  
 Occursat, fixiq; hærent sub pectore vultus,  
 Qualis erat, quantusq; armis, crudele Tonanti  
 Cum strueret fatum, & rerum affectaret habenas.  
 Quisque sua ducis interitum quàm morte redemptum,  
 Veller, & ætherias revocari ad luminis auras:  
 Omnibus unus amor lethum pro rege pacisci:  
 Sic indignantes animos cum murmure magno  
 Ira dolorq; coquunt: cernunt indigna suorum  
 Funera, nec quidquàm, nisi pulcrum occurrit, in armis  
 Aut cadere, aut hosti, sædum, dare terga sequenti:  
 Concessamq; fuga cælo permittere palmam.  
 Mens animosa sat est, & cedere nescia virtus,  
 Attamen infractæ torpent ad prælia vires,  
 Languescuntq; animi præsentis imagine lethi.  
 Ollis ira modum supra est, majoraq; versant,  
 Dum successus alit, dum fors virtusq; labori  
 Aspirant, fervensq; calet sub pectore Mavors.  
 Primus & Alcides casus audentior omnes  
 Aggreditur, clavaq; Licrum ferit, aurea nudo  
 Fibula quàm lateri discrimina parva reliquit:  
 In faciem ruit ille solo, clausasq; sopore  
 Nox æterna oculos tenebroso involvit amictu.  
 Hunc adjungit Hylam, non hunc, quem fonte relictum  
 Perdiderat, sed quem Pitheüs Salaminus alta  
 Miserat Oenopia, quo non felicius alter  
 Tela manu regere, & volucrem sub nube volantem  
 Figere, vel certo sua ducere cornua puncto.

S ij



*Infelix puer, arboreum qui robur & hastam  
 Tentaret, dextra non sufficiente, trabalem:  
 Hic nil ingenio potuit, nil arte magistra,  
 Hasta stetit tremebunda, cauoq; repulsa leonis  
 Tegmine, deflexit lævum, nec pertulit ictum.  
 Sic fato ereptus victor, tibi, magnetropaum  
 Juppiter, acclivis suspendit robore trunci  
 Purpuream chlamydem, molli quam nevrat auro,  
 Atque sui dederat monumentum & pignus amoris,  
 Candida Cymodocea, operum haud dignara Minervæ.*

*Succedunt alii atque alii: Carmelus, & armis  
 Clarus Anandanus, quorum prior ille Myconem  
 Appetit, & magnis intorquet viribus hastam,  
 Nutantemq; ferit, quâ balthæus ilia cingit.  
 Hic Clanium sternit gladio, tum tempora utrinque  
 Diffidit Eriola, simul uno eodemq; furore  
 Sanguine adhuc madidum, sparsoq; cruore rubentem  
 Vertit in Antellum, leviter cui primus. Apollo  
 Strinxerat ense latus, vastamq; recluserat. alvum.  
 Territus hoc cernens Dolopes, cursu avolat, omni  
 Absq; mora, reliquumq; fugax aufertur ad agmen.  
 Accelerat Deus, & tanta vi concitus ensẽ  
 Fulmineum in tergum vibrat fugientis, in ipso  
 Cernuus ut simul ictu, immunda stratus arena,  
 Collapsi plantas Dolopæ conringeret ore.*

*Intere à furtim Divũm se subtrahit ira,  
 Euboicisq; timens Polybotes errat in undis.  
 Hunc pariter curru sevoq; tridente sequutus,  
 Increpat his Deus. An Neptuni evadere demens  
 Speraſti te poſſe manus? partone triumpho*

*Ibis*



Ibis Ielysum incolumis, patriumq; Camirum  
 Aspicies, scelerum & belli communis Erymis?  
 Non ita, te phocis monstrisq; natantibus escam  
 Alitibusq; dabo, mea testor sceptrum, marinis.  
 Per freta vasta Cigas, quantum valet, effugit iras,  
 Myrtoöq; brevi spacio secluditur alto,  
 Junonis jam parte Samo Dolicheq; relictis.  
 Hoc spes major alit vitam, spondetq; salutem:  
 Non scopuli, rupesq; cavæ, non in via tardant,  
 Adnixusq; agitat spumas, & marmora verrit.  
 Ille instat fugienti, & verberare terga fatigat  
 Quadrupedum: solido graviter quatit ungula cornu  
 AEgeum, magnaq; volat vi fervidus axis.  
 Verum, ubi nulla datur profundum affectare potestas,  
 Infremuit Deus, & Cois allabatur oris,  
 Concuciensq; solum, duro labefacta tridente  
 Saxa ciet, totoq; innixus robore, partem  
 Avellit, vulsamq; jacet, prae ruptus aqua mons.  
 Insequitur jactum, fulvasq; elidit arenas,  
 Spumosaq; simul Polyboten mergit in unda.  
 Tantæ molis erit saxum, ut, licet occupet alvum  
 Carpathii immensum, & radice ad Tartara tendat,  
 Fronte tamen summo Nisyros ab æquore surgat.  
 Jamq; Dea triplices extrema hostilibus ausis  
 Fila legunt, statuuntq; armis imponere finem.  
 Ipse quidem centum geminus post terga Typhoeus  
 Horrorem immittit Superis, atrumq; timorem,  
 Palantesq; iterum socios, incertaq; cogit.  
 Agmina, jam abjectis miserè trepidantia signis.  
 Sed frustra, namque ut primum via facta per hostes,

S. ij



Obvius haud quisquam Divis se impunè tulisset,  
 Aut virtute pari sese opposuisset in armis.  
 Hic strepitus fugientium exaudiri, inde cadentium,  
 Lapsantiumq; solo gemitus: subito undiquè plangor  
 Erigitur lugubris ad auras, corporaq; alto  
 Cesa cruore volutantur: pugna aspera surgit,  
 Et calido exundat perfusum sanguine cælum.  
 Hinc puer Oebalius mediis in cadibus, acri  
 Ardet equo, nuncq; hos gladio, nunc excipit illos:  
 Immanemq; dari, corda inter inertia, votis  
 Enceladum, aut pulsum descendere ad arma Typhoëa  
 Optat ovans, hostemq; vocat, nec se capit ultra.  
 Omphitium Pollux: Abiasthum sternit Apollo:  
 Iphidoonta soror: fugientem Asclepius Arnum,  
 Arnum, cujus amor Nymphæ Dodonides omnes.  
 Occidit & Lycion, & jam longo obsitus ævo  
 Terpandras, & vos, imperdita corpora ponto,  
 Launus & Oriades, quos tempestatibus actos  
 Penè simul præceps Neptuno immerserat Eurus.  
 Multa virum, nimia cæde atque cupidine ferri,  
 Corpora fusa solo linquunt, nullaq; potiti  
 Præda abeunt, potius cunctis hostile tropæis  
 Ducentes jugulum, & caput à cervice recisum.  
 Unus Achemenii vix telo elapsus Amani,  
 Cæus adest lacrymans, obtestaturq; Typhoëa  
 Rebus ut afflictis desperatisq; salutem  
 Auxiliumq; ferat, cuncti quod & ore fremebant.  
 Ille quidem, at multum prisca virtute remittens,  
 Addere vim victis conatur, & agmine facto  
 Sistere fortunas Divum: sed cogere in unum

Copia



Copia nulla datur, nec respirare potestas.  
Tum portenta verant. Pelias nam & tardus Oniscus,  
Arcadica pecudes, ambo terrore metuq;  
Horrificam intendunt vocem, qua recta domusq;  
In sonuere cavæ, cælumq; remugit alrum.  
Hic Lelaps, illic latratu personat arces  
Ledæa Procyon recubans immanis in umbra.  
Terribili insequitur strepitu, procul ære canoro  
Ingeminans, totoq; sonat Deus æquore concha,  
Incenditq; animos Divûm in certamina Triton.  
Hoc magis Anguipedes concussi, auctusq; per omnes  
Horror it, atque ingens trepidos pavor occupat artus:  
Jam res fœda placet, pedibusq; fugacibus omnem  
Spem jaciunt, ea visa salus: & primus Acarnan  
Terga dat Alphestes, pariterq; excedere pugna  
Enceladus Cæusq; parant, unaq; juvenus,  
Quam necdum effætæ tardant in corpore vires.  
Consultum sibi quisque cupit: non ulla cadentûm  
Lapsantûmq; cruore atro suspiria tardant.  
Immanis veluti pecora inter inertia tigris  
Cum furit, & dispersa cavis armenta fatigat  
Sulcibus: omne nemus mugitibus horret, & alrum  
Disultat, rorantq; aspersi sanguine vepres.  
Territus ipse etiam sociorum sorte Typhœus  
Extimuit, cæpitq; suis diffidere rebus:  
Nec se posse videns solum tot tendere contra,  
Desinit obniti Superis, ceditq; furori.  
Hoc Deus aspiciens scepra metuendus & igne.  
Ille fuga fidens, nostrane illu serit iræ?  
Nec scelerum meritas expendet sanguine pœnas?



Dixit: & ardentes densa inter nubila flammæ  
 Contorsit: sonuere auræ, magnoq; fragore  
 Intremuit Thasus, & Rhesi Mavortia tellus.  
 Olli ingens rupit vulnus telum, ossaq; & artus  
 Perfregit toro conjectum corpore fulmen.  
 Voluitur in caput, & magno fluit agmine sanguis  
 Vulneribus, manatq; actis cruor undique rivis,  
 Quo fossæ implentur circum, & cava flumina crescunt.  
 Tandem, ac si experrectus ab alto lumina somno  
 Erigeret, gelidi se vallibus eripit Hæmi.  
 Quæ medium Rhodope cæli porrecta sub axem  
 Excurrit, truditq; nives Oeagrius Hebrus,  
 Teq; Propontiacis surgentem Cyzicon undis,  
 Vicinasq; legit gentes, & mœnia quorum  
 Hellepontiaci servat tutela Priapi.  
 Indè, timore celer, trans Gargara, transq; sonantem  
 Ascanium, & buxo undantem flavente Cytorum,  
 Altaq; Cappadocis trans flumina Thermodontis  
 Transit, ubi pictis bellantur Amazones armis.  
 Undè, velut perhibent, totos ex ordine menses,  
 Solus Hyperboreo septem subiecta Trioni  
 Arva adiit, nunquam Scythicis viduata pruinis:  
 Caucaseo, infelix, steriles in vertice sylvas  
 Perlustrans, horrenda inter deserta, sine ullis  
 Hospitiis: semper spirantes frigora Cauros  
 Et Boreæ excipiens sub divo flabra, ubi nullæ  
 Aut herbe campo apparent, aut montibus arbor,  
 Quæ fessum exigua ramorum protegat umbra.  
 Vertitur interea, sero jam vespere, cælum,  
 Et nox atra cava terram circumvolat umbra.

Diffugiunt



Diffugiunt Tellure sati, totumq; per orbem  
 Dispersi trepidant, & nocte teguntur opaca,  
 Qui prius ingenti cœlum obsidione premebant.  
 Italiam pars magna petit, pars littora Cretæ,  
 Otus ubi validis iterum se instruxerat armis,  
 Auxilioq; omnes Curetum attraxerat urbes,  
 Unus adhuc tenebris defensus, at ense Falacris  
 Ante Gyges victus non uno vulnere, cæcis,  
 Eccè, trahebatur latebris, quem Juppiter actum  
 Desuper, igne gravi tremefacto excussit Olympo.  
 Ille novem soles, totidemq; per æthera noctes  
 Labitur: à terra spatio delapsus eodem,  
 Ad Phlegetonta venit. Nam lucida quantus ad astra  
 Suspectus, tantum in præceps patet ater Avernus.  
 Increpuère fores scelerataq; limina, postquam  
 Vivus ad infernas immani corpore sedes  
 Venit, & attonita tenues sine sanguine vitæ,  
 Elysiis arcere arvis, campisq; priorum  
 Pro se quisque parant: ille umbras fortiter omnes  
 Exsanguis solo removet, sine vulnere, flatu.  
 Haud secus ac fragiles culmos, stipulasq; volantes  
 Turbine verrit hiems, vacuas sublime per auras.  
 Audiit hoc omnesq; erexit crinibus angues  
 Tisiphone, ultriciq; Cigen accincta flagello  
 Castigat, subigitq; hydri, vincitq; catenis.  
 Et jam tempus erat, quo primo irrorat Eöus  
 Tellurem nitidoq; retexit lumine mundum.  
 Horror ubique animos, & plurima noctis imago  
 Terræ adhuc cœlum, nondum oblitum ante malorum.  
 Vix reparare diem, seniori avula marito:

T



*Audet, & obscuro Pallantias exit amictu:  
 Lunaq; virgineo multum suffusa rubore  
 Occulit aspersorantes sanguine bigas.  
 Iuppiter at primam terris albescere lucem  
 Prospiciens, leviter semel intonat, & simul omnes  
 Expediant, jubet, arma Dei, mox voce monentis  
 Corripit è stratis sese cælum omne, ruuntq;  
 Quisque repentino sonitu, sociosq; fatigant  
 Belli ad reliquias: tunc quos aurora morantes  
 Attigit, ignaros passim terraq; lociq;  
 Hos tulit orta dies, & inexorabile fatum.*

*Heroum in primis se matutinus agebat  
 Alcides, plenus virtutum animiq; nec ullis  
 Fractus adhuc damnis, seq; ipso major in armis  
 Non aliter duris quàm tonsa bipennibus ilex  
 Damna per & cædes, dextramq; secantis, ab ipso  
 Ducit opes ferro, atque apicem intra nubila condit,  
 Hunc circumstunt totoq; sequuntur Olympo  
 Cælicolæ, galeis & ahena luce corusci.  
 Prospectum ille petit speculis, si fortè Typhoeus,  
 Aut quisquam occurrat medius de gente Gigantum:  
 Hostem in conspectu nullum toto æquore campi  
 Offendit, vacuosq; videt sine milite montes:  
 Tantùm animæ viles, inhumata, infletaq; turba  
 Strata jacer circum, nondumq; infossa sepulcris.  
 Hanc tamen aspectat lacrymans, primoq; juventam  
 Flore stupet fractam bello, fatisq; repulsam.  
 Abruptos etiam montes, avulsaq; veris  
 Saxa locis, terraq; specus miratur hiantes,  
 In quibus argenti rivos, arisq; metalla*

*Invenisse*



Invenisse ferunt homines, auriq; reposti  
 Antè quidem venas primùm fluxisse reclusas,  
 Et speciem misti electri, subito undè per orbem  
 Tàm multæ scelerum facies, tàm tristis Erynnis,  
 Et fas atque nefas versum prorupit, ut omnes  
 Cogat avarus opes, defossoq; incubet auro:  
 Undè iræ armorum, & clausæ compagibus arctis  
 Bellorum verso referantur cardine portæ,  
 Stricturæq; micant æris, silicesq; fluentes  
 Vulnifico chalybe, ardenti fornace liquecunt.

Eccè autem, socii melius dum singula lustrant,  
 Accurrit, mediis Silentiū elapsus ab armis  
 Infelix Celadon, jam vulnere tardus & annis,  
 Quem, dum victores Superi fugientibus instant,  
 Terrigenæq; metu cælestia limina relinquunt,  
 Immemores socii solum sub nocte silenti  
 Deseruere, lacu hærentem, atque palustribus undis.  
 Isq; ubi non longè venientia territus arma  
 Conspexit, cecidère animi, gelidusq; cucurrit  
 Ima per ossa tremor, veniamq; exposcere factis,  
 Amplexus genua Alcideæ, molitur, & ignes  
 Aetheris, & talem qui te genuere parentes  
 Testor, ait, parce ex animi, miserere precantis:  
 Ne bello ætherios fateor petuisse penates,  
 Ausus triste nefas, Divum at placabilis ira.  
 Diluvio è tanto incolumem vivumq; reserva  
 Elapsum: solus profuga cùm gente supersim,  
 Fac precor, ô, superet, qui famam extendere facti  
 Hanc possit, meritosq; aris indicere honores.

Sic fatur pavitans, faciemq; ostentat, & udo

T ij



Turpia membra fimo, Vestesq; palude fluentes.  
 Ignovisse quidem paterat tam multa precanti,  
 Tendentiq; manus, si irati ignoscere scirent.  
 Magnus enim Alcidae placidas furor obstruit aures,  
 Difficilisq; preces, & questus respuit omnes:  
 Tum portenta vetant, nam dum se attollit ad auras,  
 Altaq; suspexit cœli convexa, sereno  
 Augurium prius ut captaret ab aethere, lævum  
 Intonuit subito omnipotens pater, & simul ingens  
 Visus ab Aurora cœlum transcurrere fulgor.  
 Hoc animum arrectus monstro, tonitruq; sinistro,  
 Affatur genitorem, & sanctum fulmen adorat,  
 Visa sequor, quodcunque velint: hic poscitur aris.  
 Hunc etiam tibi magne pater, gratumq; cruorem  
 Macto, sacra ferens: ira hoc satiata recumbat,  
 His aras viridi erexit de cespite dictis,  
 Librataq; viri perfregit tempora clava.  
 Ceu bovis intentans fixam cervice securim.  
 Concipit antè preces, Divisq; in vota vocatis,  
 Dat flammis pecudes, tingitq; in sanguine cultros.  
 Ille quidem silet, at dolor alta silentia cogit  
 Rumpere, & infrendens ora indignantia solvit:  
 Non Alcmena parens, generis non Juppiter auctor,  
 Amphitryon iades: tibi nox satis una fuisset,  
 Ut talem tamq; immitem, victisq; superbum  
 Conciperet genitrix: ea fertur fabula vulgò:  
 Saxa fretumq; tui auctores, genus omne ferarum  
 Sævitiam dedit: hæc tibi sed monumenta relinquo,  
 Non longum facto lataberis: imminet ultrix  
 Oera tuo sceleri, proprioq; ardebis ab igne,

Talibus



Talibus ora impressa solo morientia condit,  
Avertitq; oculos: ita in auras vitæ recessit.

Panditur interea oppugnanti regia Olympi,  
Obsessaq; domus: cælo juvat ire relicto,  
Disiectosq; videre viros, molesq; Gigantum  
Spirantes, & adhuc immani cæde tepentes,  
Undiquè, visendi studio, ruit æthere ab alto  
Divûm magna cohors: ingens concursus ad ipsa  
Corpora, jam letho, & toro luctantia Averno.  
Sed mentem expleri nequeunt: juvat usquè morari,  
Et lustrare oculis confusa stragis acervum.  
Eumythus hîc jacer, atque suo se vulnere versat  
Astorges: hic ora modis pallentia miris  
Nescio quis tollit, proprioq; cruore volutat.  
Nec pater AEgeus, non tanti expertia belli  
Sunt maria: arva nova Neptunia cæde rubescunt,  
Totq; virûm ingentes in littore fluctus acervos  
Proluit, ut pelago motas innare putares  
Cycladas, aut cetorum exstare immania terga.

Turba ingens animarum etiam, jam luce carentium,  
Ditis ad obscuros nigra formidine lucos  
Descendunt, Erebiq; domos atque intima lethi  
Limina deveniunt, & Tartara murmure complent,  
Expenduntq; suas pœnas, furisq; coactæ  
Verbera sæva pati, fundo volvuntur in imo.  
Plures, quos stagnum haud passus transire severus  
Portitor objectum, hospitio prohibentur arena.  
Milia tot nunquàm Stygiam implevêre paludem  
Exsequiarum inopes, & mortis honore carentes.  
Ionio citius numeraveris æquore fluctus,

T ij



Poma quod autumnus, quot flavas messis aristas,  
 Aut quod Iapygiam sitientem examina vastant  
 Muscarum, exiguas cum Titan contrahit umbras.  
 Nec datur infernas miseris transmittere ripas,  
 Hos dum pontus habet, ventiq; in litore versant,  
 Illos mæsta parens nondum dignata sepulcro  
 Donec ad extremum Alcides in humata sub unam  
 Ossa tulit Myconem, & multa tumulavit arena.  
 Tum demum admissi, remis vada livida verrunt,  
 Cocytique secant tardas inamabilis undas.

Sic primum fors versa fidem, atque incepta fefellit  
 Terrigenum, profugos eadem fortuna sequuta est.  
 Errabantque acti terris, maria omnia circum:  
 Nunc ubi Pellaos aperit Candavia saltus,  
 Nereidumque fluit matri gratissimus AEas:  
 Nunc ubi consurgunt vicina Ceraunia caelo,  
 Et quondam medio venit vi pontus, & undis  
 Phœacum Epiro diductas abscidit arces.  
 Quidquid agant, successus abest, requiesque negatur.  
 Juppiter ipse instat pavidis, terretque timentes,  
 Multaque per cœcam molitus fulmina noctem,  
 Nititur Adriaco profugis se opponere ponto,  
 Sed frustra vires Jovis exercentur & ira:  
 Vincit iter durum metus, atque per invia ducit  
 AEquora: non Scyllæ centum, non mille Charybdes  
 Occlusisse viam poterant, aut vertere cursus.  
 Quarta dies aderat, stellisque Aurora fugatis  
 Orta rubescebat, prima cum luce per umbras  
 Obscuri apparent colles, humilisque propinquat  
 Trinacris: à dextra se diva Lacina, & altum

Promit



Promit Iapygium cum navifrago Scylaceo.  
 Cautus at Enceladus, Siculis allabimur oris,  
 Exclamat, veterum decepti errore locorum,  
 Excutimur cursu: Hesperiam Saturniaq; arva  
 Est animus petere, & Latiis considerare terris.  
 Flectite iter longè ad dextram, implacata Charybdis  
 Hic habitat, latratq; informis Scylla profundo:  
 Effugite ò socii, Oenotriiq; hanc littoris oram,  
 Proxima quæ Hadriaci perfunditur æquoris æstu,  
 Arripite, aut rapidis monstrorum immergimur undis.

Haud secus, ac iussi, faciunt: primusq; regressus  
 Contorsit dextras cursum Periphatue ad undas:  
 Dextram cuncta cohors, magno clamore sequuntur.  
 Effugit interea primum vicina Calypsos,  
 Caulonisq; arces: A Etnæ evanescit in auras  
 Fumus, & Herculei rarescunt claustra Tarenti,  
 Ioniumq; capax, contracto gurgite, longo  
 Fit minus aspectu: propior sonat Ausfidus undis,  
 Carganiq; jugum se majus ab æquore tollit,  
 Altior & surgit pater Apenninus ad auras.  
 Illum omnes procul admirati voce salutant,  
 Illius auxilium & sanctum prece numen adorant,  
 Defunctiq; errore via, tellure potiti  
 Succedunt Itala, & grata advertuntur arena.

Tum prior Enceladus, passis de littore palmis,  
 Divosq; Geniosq; loci, atque ignota precatur  
 Numina suspirans. Vos tandem parcite genti  
 Terrigenæ Hesperii, pluresq; avertite casus:  
 Vos prohibete iras, Superumq; arcete furorem:  
 Reliquias servate: inopi succurrite turbæ.



Tuq<sup>3</sup>, ô, prima Deûm Tellus, sanctissima mater,  
 Qui te cunque locus miserantem incommoda nostra  
 Forcè tenet, quocunque solo, quibus orbis in oris  
 Mæsta lates, nostræq<sup>3</sup> coquit te injuria cedis,  
 Huc ades, ô, tandem, & nostro succurre labori.  
 Imperium non jam antiquum, promissaq<sup>3</sup> sceptrâ  
 Oramus: non ut careat pulcro hostis Olympo:  
 Saltem hunc abjectum vitæ mortalis honorem  
 Conserva, vitamq<sup>3</sup> sequentibus eripe Divis.

Vix ea finierat, cum campo insurgere nubem  
 Obscuram procul aspiciunt, & pulvere moto  
 Visus adesse pedum sonitus, tractuq<sup>3</sup> gementem  
 Instrepere, & stridere gravi sub pondere currum.  
 Ad sonitum arreclæ mentes, subitoq<sup>3</sup> per auras  
 Maternos videre choros, ipsamq<sup>3</sup> relictâ  
 Antandro, Phrygiæ venientem montibus Ida.  
 Hei mihi, qualis erat, vultu quàm tristis, ab illa  
 Quàm Cybele mutata, prius quæ immanibus ausis  
 Terrarum domito imperium affectârat Olympo,  
 Captivumq<sup>3</sup> Jovem, vinclis & carcere clausum,  
 Frenare, æternumq<sup>3</sup> iugo submittere Divos.  
 Quanta spe dejecta venit: non splendida luxu  
 Regali, aut picto chlamydem circumdata lymbo.  
 Textilibusve crepans domis, & torquibus aureis:  
 Non rubor & niveæ subluce purpura fronti,  
 Quiq<sup>3</sup> fuit, longè est alius color: horrida vultum  
 Deformat macies, & vix cutis ossibus hæret.  
 Nec tantum dolor ille tuum Berecynthia pectus,  
 Tangit & indomitas mentes, rationis egentes,  
 Nesciaq<sup>3</sup> humanis precibus mansuescere corda

*Asueta*



*Assueti imperiis domina visore leones  
 Ingemere, & querulas in fletum ducere voces:  
 Non sinuare pedes, non colla comantia pexi,  
 Fulvaq; compositis ornati tempora fertis,  
 Antè velut, plausæ sonitum cervicis amaræ.  
 Ut propius tandem ventum est, & cernere coràm  
 Gnatorum ora datum, mæstas expromere voces  
 Incipit illacrymans. Verus mihi nuntius ergò  
 Venerat, extinctam passamq; extrema trisulcis  
 Progeniem flammis? Est hæc promissa parenti  
 Gloria, de victo cælo hæc spolia ampla refertis?  
 Fortunati animi, qui, nè quid tale viderent,  
 Fortiter occubuerè: utinàm sublata fuisset  
 Iam pridem ipsa etiam, nec in hunc servata dolore.  
 Vellem equidem gelidas gnatis comes ire sub umbras.  
 Imperio jam promisso diffidimus: astris  
 Affectamus iter frustra: speravimus illa,  
 Dum fortuna fuit: nunc spes nova lætat, & illa  
 Irrita fors an erit, cæptisq; simillima primis.  
 Si modo quem vestrum diræ subducere pugna,  
 Et bello incolumem superesse Typhoëa detur,  
 Quo decus & primæ stirpis revocentur honores,  
 Non equidem omnino Superis orbata viderer.  
 Sed frustra hæc, votis nil proficientibus, opto:  
 Non unquam dabitur, fatis auctoribus illum  
 His superesse malis: periit cum matre Typhoëus,  
 Quem fore Titanum ultorem, casusq; levamen  
 Rebar, & hoc salvo me posse resurgere victam.  
 Ille mihi curas & bella peracta canebat,  
 Ille malis solamen erat post fata Meno et I*



Magnanimi, & patrua conspersum cæde Tonantem.  
 Quis locus, heu fili, quæ te maria in via tardant?  
 Te quibus errantem terris, quibus exsul in oris  
 Ejectum in veniam? superasne & vesceris aura,  
 An procul ante diem, procul illa crymabilis Orco  
 Victima prostratus, mediaq; inhumatus arena,  
 Supplicia exhausti? vos, ô, mihi reddite gnatum,  
 Reddite conspectum, ille erit hûic medicina furori.  
 Si cælo Superi excludant, Erebusq; Chaosq;  
 Vos capiant: ite egregii, factisq; celebres:  
 Si Stygias tranavit aquas, tenebrisq; profundas,  
 Imbelli fretus cithara, descendit ad umbras,  
 Conjugis in lucem ut manes arcesceret Orpheus,  
 Ausus idem si, Pirithoö juratus amico,  
 Aegides, raptamq; semel tentare maritam,  
 Vos Phlegethon, tardat, vos interfusa coërcet  
 Unda Stygis? longo curvus vos portitor ævo,  
 Canitiesq; movet defessa, & sutilis alnus?  
 Cedite degeneres, non defensoribus istis  
 Me regere, atque armis Superum defendere, nedum  
 Asserere imperium dabitur, cæloq; potiri.  
 Talia cum gemitu mistoq; profata furore,  
 Proripuit sese ex oculis, inimicaq; fugit  
 In nemus Idaeum, hîc olli pulcerrimus Atys  
 Respondet curis, & lenit amore dolorem.  
 Nec minus Enceladus, fugientem voce sequutus,  
 Quò crudelis abis, clamat, quid surgis in iras?  
 Siste gradum: dura quid inexorabilis aure?  
 Nondum omnis sublata salus. Sed torva tuentem  
 Flectere non potuit, non emollire precando.

Indè



Indè iter insistunt, non lata fronte repulsi,  
 Atque illaudato rectas Læstrygone terras  
 Deveniunt, dictamq; ducis de nomine gentem.  
 Diditur hic subito vicina per oppida rumor,  
 Famaq; finitimas implevit nuntia terras,  
 Ingentesq; viros, ignotæ stirpis & ortus,  
 Advenisse ferunt sublimi in principis aula.  
 Obstupuere omnes animis populiq; patresq;  
 In primis Rex ipse: statimq; in tecta vocatos  
 Imperat acciri, & folio sic fatur ab alto.  
 Quis Deus aut error nostris vos applicat oris?  
 Quid petitis profugi, Ausoniis quid queritis arvis,  
 Gens peregrina virum, nostroq; incognita seculo?  
 Dixerat: Enceladus contra sic reddidit ore.

Rex, genus egregium pelagi, Neptunia proles,  
 Cui populos urbesq; datum frenare superbas,  
 Non errore via, sed cæli numine laeso,  
 Vi Superum profugi, terris jactamur & alto:  
 Hæc est causa caputq; mali: tot adire labores,  
 Volvere tot casus Cælestium impellimur ira.  
 Terrigenas & tela vides inimica Tonanti,  
 Hancq; actam Emathia, subjectiq; orbis habenis  
 Centem magnanimam, vinclis nec legibus ullis  
 Subjectam, & veteri pro libertatis amore  
 Arma Jovi morisse, & Dis adversa tulisse  
 Signa, sed infasto (dolor est meminisse laborum)  
 Eventu, & regnis pulsos cessisse paternis.  
 Nos igitur pauci vestris adnavimus oris,  
 Exsiliq; locum exiguum, auxiliumq; rogantes,  
 Subvenias petimus rebus, non asper, egenis,

U ij



Quò prisca virtute Jovem vel tendere contra  
 Possimus, cœptumq; animis inhibere furorem.  
 Non equidem extimui, æquorea quòd stirpis, avumq;  
 Saturnum, patruumq; Jovem, Divosq; propinquos  
 Sanguine denumeres, primaq; ab origine cælum:  
 Hoc & Aloïdæ gemini, hoc Neptunius Almops,  
 Hoc & Athos fecère, Tonanti seq; suosq;  
 Objecère tamen: quod te per jura fidemq;  
 Perq; parentem oro, atque indigna morte sepultas  
 Fraternas animas, ultriciaq; arma rogantes.  
 Dux fuit Eurymedon nobis, illustrior armis  
 Quo vix alter erat, Phæacum è sanguine cretus:  
 Hunc si fata viro, si Parcarum invida nostro  
 Jussa pepercissent generi, haud aboleretur acti  
 Cratia, & officio miseris certasse pigeret.  
 Talibus Enceladus mulcet Læstrygona dictis.  
 Obstupuit Rex auditis, terraq; moratus  
 Paulum oculis, sic tandem ora admirantia solvit.  
 Quid loquar, ô caræ gentis fortissime, vobis  
 Dux fuit Eurymedon, quem magnanimò Ianira  
 Alma dedit partu quondam compressa Phalacro?  
 Ipsum equidem memini huc olim Phæacibus actum  
 Cum genitore suo, nostros subiisse penates.  
 Tunc maternus avus latissima regna domosq;  
 Imperio, Caulona etiam, fortesq; Timavi,  
 Et mare, quod supra Hesperiam alluit, omne tenebat.  
 Præ reliquis unum insignitum laude ferebam,  
 Gaudebamq; puer puero, juvenilibus ambo  
 Et studiis animisq;: & nunc, si viveret, atas  
 Eßet par nobis, & idem quoque robur ab annis.

Illum



Illum at fata premunt inimica, effæta senectus.  
 Nec cogit: populi ingentes, opulentaq; regna  
 Dissidiis distracta labant: hinc proximus arcto  
 Limes agro positus, Thyrræno hinc claudimur alto.  
 Cætera Tybris atrox, montis regnator Hetrusci,  
 Laurentesq; tenent domini, sævusq; Ligystus.  
 Quod tamen imperii vires patiuntur, opesq;  
 Exiguæ, dabimus lituos & vulnera pubem  
 Marte sub adverso expertam civilibus armis.  
 Intere à nostris fessi succedite tectis,  
 Speq; fovete animum, & tristes secludite curas.  
 His dictis simul erecti, cunctisq; repente  
 Latitæ improvisa oculis affulsit imago.  
 Solvunt corde metum, & læti convivia curant.  
 Fama fidem facit intere à, missiq; reportant  
 Exploratores, armato milite terras  
 Curetum obsessas circum, magnaq; virum vi  
 Littus Aloiden Otum cinxisse, nec ullum  
 Hoste vacare locum, et tota tellure poritum.  
 Quin etiam primas urbes ipsumq; Milinum,  
 Musæiq; manus ducis uno pectore bellum  
 Conspirasse novum, & coisse in fœdera dextras.  
 At nil omnipotens genitor, domitorq; Gigantum,  
 Attonitus, timer infandi conatibus Oti,  
 Et bellum more novi, sed sævior ardet  
 Offenso ira animo: pœnas traxisse per omnes  
 Reliquias placet, & profugos, atque ultima belli  
 Auxilia euertiße, ut nil de gente relictum,  
 Non cineres, nè signa quidem vel fama super sit.  
 Omnibus idem animus Superis: hinc magna Læcones



Incrementa Jovis, Sancusq̃, & Carus Ogōas  
 Certatim exciti circumstant recta Tonantis,  
 Germanusq̃ pater lorica inducitur artus  
 Aere gravi Tuiſton: fulgent cuncta arma, jubaq̃,  
 Quadruplici crinita tegit galea aurea crines.  
 Hinc ruit Alcides, hinc Perſea juſtus in hoſtem  
 Fert dolor, & merita accenſus Saturnius ira,  
 Tela manu flammasq̃ rapit: ſolum omnia contra  
 Fulmina Aloiden cœleſtiaq̃ expedit arma.

Tum circumſpiciens quàm ſeſe in bella ſequantur.  
 Præſtantes virtute Dei, nè cedat honori,  
 Talibus aggreditur dictis, ceſſante tumultu.  
 Egregiam certè laudem, & memorabile nomen,  
 Vos æternæ animæ, & cœli omnipotentis alumni,  
 Antè triumphato victoq̃ tulistis ab hoſte:  
 Idem hoſtis cùm bello repoſcat, at antè repulſus,  
 Et ſociũ deſertor, eaſdem promite vires,  
 Atque iras, quibus in Phlegræis montibus uſi:  
 Gloria vos eadem, majoris neſcia laudis.  
 Excitet antiquam in virtutem, animosq̃ viriles.  
 Ipſe ego me, gemino quoniam di vellimur hoſte,  
 Hac cum parte Deũ, & Phæbo Phæliq̃ ſorore,  
 Ne me Oto objiciam: ſint incunabula curæ  
 Saltem noſtra mihi: profugō ego prælia faxo  
 Magna ſatis, licet ipſe ſuat regnator Averni,  
 Tu ſævum Enceladum Alcida contra obvius ito  
 Cum reliquis, cælũque inſtantibus eripe ſatis:  
 Vertito tela manu ſanguis meus: arripe caſtra,  
 Turbatasq̃ acies: erit olim gratia facti  
 Magna tui: patre me non indonatus abibis:

Debira



Debita cū vitæ complerint tempora Parca,  
 Mortale m' eripiam formam, stellisq; locatum,  
 Accipiam cælo, structisq; vocaberis aris.  
 Si fors gnate tuos ardes cognoscere honores,  
 Quà locus inter Avem labentem & Gnosia sarta  
 Panditur, ecce, caput venienti Epidaurius anguis  
 Contrahit, & vacua cæli in regione requirit:  
 Ipse retrogressus, iusta plus parte relicta  
 Erigonem juxta Chelasq; Coronide cretus  
 Indigeti assurgit, votisq; ad sidera poscit.  
 His thalamos super addam, & nostri seminis Heben.  
 Connubio jungam stabili, æternoq; Hymenæo:  
 Hanc quoque perpetuæ donatam flore juventæ  
 Præficiam cyathis, mihi quò Superisq; coronet  
 Ambrosiæ succos, & odori nectaris haustus.  
 Tu mihi testis eris, conjuxq; & maximus orbis,  
 Qui simul illius templis indicet honorem,  
 Communiq; agnos feriet cum matribus aræ.  
 Sed quid, gnate, ultrà fando tua demoror arma?  
 Vade agè, & egregium factis fer ad æthera nomen.  
 Laudibus Alcides gaudet, versatq; futurum  
 Conjugium, atque animum magno labefactus amore,  
 Ardet in arma magis: sed non Junonia tantum  
 Gnata movet, quantum in sacris cæloq; moratur  
 Promisso, indigetisq; Dei latatur honore.  
 Hæc volvens, magnus media consistit arena  
 Induiturq; humeros tegmen, quassatq; trementem  
 Vociferans clavam. Tu nostra incæpta secundes.  
 Summe pater: tu conatus frustrata nec unquam  
 Clava meos, adsis, magnæ virtutis & artis.



Dum bellum aggredimur: tua robora janitor Orci,  
 Hylæusq̃, Pholusq̃, & Lerne exhorruit anguis,  
 Atque anima terne Alcionæi, fortisq̃, Ephialtes:  
 Tu raptorem Italam, spirantiaq̃ ignibus ora  
 Semihominis Caci stravisti: en, maximus idem  
 Te gerit Alcides, eadem te dextera vibrat:  
 Perge eadem laude, & dubiis nè defice rebus.

Dixit, & inflexus se circumvertit in orbem,  
 Protenditq̃ humeros latos, robustaq̃ jactat  
 Brachia, & invictos diversis casibus armos.  
 Ceu bellator equus, denso distendere pingui  
 Quem prius aurigæ satagunt, & plausa laceßunt  
 Pectora, ut assuescat blandis gaudere magistris.  
 Olli corda tremens pavor exsultantia pulsat,  
 Excutiensq̃ jubas pexa cervice comantes,  
 Stare loco nescit, totoq̃ ardentis ab ore,  
 Spiritus absistit, spumisq̃ humectat habenas,

Atque ita dissimili dum DI fervore morantur,  
 Armaq̃ confusi rapiunt, Acheronte relicto,  
 Invehitur niveis virgo Styge nata quadrigis,  
 Indignata moras: victricem dextera palmam,  
 Altera pacifera ramum prætendit olivæ:  
 Lætiæ circumq̃, supraq̃, & clamor ovariantum,  
 Plaususq̃ fremitusq̃ sonant, ludiq̃, triumphiq̃,  
 Hinnitusq̃, & iniqua capti sorte gementes.  
 Ipse regens currum forticum fratre gravis Vis  
 Sæva sedet super arma ducisq̃ insignia victi,  
 Et lætum pæana canit: pæana profunde  
 Responsant sylvæ, & sonitum nemora alta remittunt.  
 Jamq̃ triumphantes cæli convexa subibant:

Cum



Cum strepitu, & portis curru Dea lata sub ipsis  
 Desiluit, coramque Jovem compellat, & infit.  
 Quid pater omnipotens gelidis in nubibus haeres?  
 Qua spe captus agis, quonam trahis omine bellum?  
 Ulterius tentare times? quæ causa coëgit  
 Vincentes tardasse manus? si condere terra  
 Se potuere cava profugi, tellure repostos  
 Erueres, traheresq; inimica in praelia pulsos.  
 Scilicet expectas armisq; animisq; refecti  
 Dum redeant, iterumq; novis operata juventus  
 Connubiis, aliam (res non caret illa periclo)  
 Sufficiat prolem, & bello ad majora resurgat?  
 Pro cælo obtestor, pro maiestate tuorum,  
 Maeste animi virtute tua: nil triste timebis  
 Auspice me, nec habet sententia fixa regressum:  
 Do, quod vis, nec enim credo, fortissime Divum,  
 Sceptra aliena pati, & dominam dignabere Vestam.  
 Hæc ubi dicta dedit, se curru excelsa locavit,  
 Exuviasq; Jovem, spoliisq; recentibus omnes  
 Ornavit Superos. Ille implacabilis ultra  
 Fluctuat ira, oditq; moras, & fulmina versat  
 Sæva manu, majorque animo violentia surgit.  
 Circum omnis, quocunque abiit, stipata tegebat  
 Turba Deum, cunctis caput objectare periclis,  
 Et per aperta ducem discrimina ferre parata.

Primus in adversos missus cum milite Divos  
 Hyrtacides Musæus erat, quem matre creatum  
 Cypride nutriërat sacra pater Hirtacus Ida,  
 Aequoreamque Cydona, & littora longa tenebat,  
 Creta Jovis magnitellus ubi Cycladas alto



Aspicit Aegæo, sparsasq; per aquora terras:  
 Isq; ubi quadrupe dante pedum sonitu excitus, arma  
 Persudum rutilare videt, fractumq; per auras  
 Clangorem mugire tubæ conterritus hausit,  
 Jamq; adsunt, portusq; tenent, propiusq; periclo est,  
 Obstupuit, subito incumbens imagine belli,  
 Consilii quid caperet inops, veniamne precari,  
 Molirine fugam velit, & convertere cursus:  
 Dum dubitat, celeres Austri celer anteit alas  
 Juppiter, & positus circum stat in agmine castris.  
 Sensit Aloides vicina movere propinquum  
 Signa Jovem: primò accendit viresq; animumq;  
 Nec torpere gravi passus sua castra veterno,  
 Impiger in medium raptis legionibus, omnem  
 Ordine lunato pubem instructasq; cohortes  
 Explicuit, campoq; aciem direxit aperro,  
 Compositam numero in turmas certosq; maniplos.  
 At quorum melior menti sententia, agendum  
 Marte vetant belli procures, verat ipse Nilinus,  
 Hyrracidesq;, dolos jam dudum pectore versans,  
 Qua ratione queat sese discrimine tanto  
 Subtrahere, hostilesq; sequi, vel rursus, ausus.  
 At puer Ascræus lucis contemtor & hostis,  
 Audendum dextra est animisq; audacibus, inquit,  
 Dum fatum indulget, validæq; ad prælia vires.  
 In me nulla mora est, nihil est quòd castra reducam,  
 Ignavisq; fuga mentem Cœlestibus addam:  
 Nunc cœlum superire, nefasq; refellere certum est,  
 Hoc & forsq; Deusque jubent, & conscia virtus.  
 Talia vociferans, parvum celer instruit agmen,

Signaq;



Signaq<sup>3</sup> ferre jubet, frustra retinente Nilino.  
 Interea Hyrtacida partes nutumq<sup>3</sup> sequuti  
 Cetera dum campis pubes instructa moratur,  
 Et cedunt tacite, & lævo se tramite sensim  
 Subducunt, Superisq<sup>3</sup> parant sua jungere castra.  
 Haud temerè est visum, ex templo nam fama furenti  
 Detulit, arma retrò converti, abiturumq<sup>3</sup> parari  
 Musæo, & tacito socios se abscondere furto.  
 Sævit inops animi, rumore accensus amaro,  
 Otus, & antevolans, tali scelus increpat ore.  
 Dissimulare fugam voluisti, perfide, tantam  
 Hyrtacide, furtumq<sup>3</sup> meis decedere castris  
 Affectas? an sic dictis Musæe manebis  
 Hancne finis spem ferre tui, hæc est maxima rerum  
 Dictorumq<sup>3</sup> fides? ubi sunt jurantia verba?  
 Spiritus ille prius sese illo corpore solvet,  
 Antefides quàm te violem, & tua jura resolvam.  
 Sicne adversa cadens fortuna ingentibus ausis  
 Degenerem arguerit? juratum deseris Orum,  
 Quo sine nulla tuis quæsita est gloria rebus?  
 Qui regno expulsus casus complexus in omnes  
 Restituit sceptris? anne hæc, ingrate, ferenda  
 Gratia pro meritis? terrorum & fraudis abundè  
 Antefuit castris, nunc hoc, quodcunque pericli est,  
 Perfidia scelerate tua, auxilioq<sup>3</sup> negato,  
 Majus erit: patria agnosco perjuriam gentis,  
 Quæ simili quondam potuit succumbere culpa.  
 At, modò quæ pietas capiti tam fœda reservat,  
 Hæc quoque teq<sup>3</sup> tuumq<sup>3</sup> genus, perjure manebunt.  
 Vos autem, infidum exosi dominumq<sup>3</sup> ducemq<sup>3</sup>,

X ij



State viri, immotas simili nè crimine mentes

Involvat, curaq; animos deludat inani.

Talibus insistit furiata mente per agmen,

Incusatq; viri mendacis jura fidemq;.

At nihil Hyrtacides, nihil illos dicta movebant,

Sed celerare dolos, recipiq; hostilibus ardent

Obsequiis, strictumq; in amicos verrere ferrum.

Interea magno cælum intonat omne fragore,

Fulguraq; ingeminant, quibus omnia visa repente

Corruere, inq; atras subsidere Creta favillas.

Ipse pater flammæ, telumq; haud debile dextra

Molitus, gladium stringentem, & dira minantem

Supplicia, aggreditur, clypeumq; everberat aura

Fulminis, instantemq; tamen sine fine Mtilinum

Exsuperat vi magna: illum immedicabile vulnus

Sternit humi, clausosq; oculos nox ultima oberrat.

Ceu Boreas, subito turbans nemus omne tumultu

Flatibus excelsam quercum ab radicibus imis

Eruit expulsam sublimè, omnesq; fragore

Excitat adjunctos colles: stridore profundæ

Increpitant sylvæ, & multum pluit ilice glandis.

Tum verò ingenti miscentur pectora motu

Bellantum, vulgiq; labant trepidantia corda,

Sublato Megaphatiade, magni agminis instar

Qui fuerat solus, nec pars postrema salutis.

Dux at Aloides illum increbrescere cernens

Rumorem, totus juvenili expalluit ore,

Tabentesq; genas solvit formidine torpor:

Quid faciat, qua vi Superum se evolvat ab armis,

Quò se proripiat, Cretæ quibus occulat oris.

Ira



Ira pudorq; fugam prohibent, virtusq; recursat  
 Prisca animo: solus tamen haud se opponere Divis,  
 Obnitiq; nequit Superis, & tendere contrà.  
 Tum demùm variū vertuntur pectore sensus,  
 Horrificatq; animum lethi timor, atque vocantem  
 Protendens dextram, socios simul increpat omnes.  
 Quò ruitis, solam hanc animam num proditis hosti?  
 Ne me unum objicitis, nec tangit cura relictī?  
 Hæc est illa fides, Otum sic fraude petistis  
 Immeritum, quoniam Musæo a versa voluntas?  
 Talia jactanti, telumq; instare trementi,  
 Mens non læva fuit: nam adducto Delius arcu  
 Fulminat, exclamatq;. Feres nunc quidquid acerbum est,  
 Quæq; noverca diu sceleri Eëribœa paravit.  
 Haudquaquàm ille, satum quo te mentiris, aquarum  
 Eripiet Deus his telis, non verus Enipeüs,  
 Non Saturnus avus: Mavors hoc missile, Mavors  
 Librat, & hæc fatus, telum fatale coruscet,  
 Fulgentemq; locis bis sex thoraca petiturum,  
 Perfodit totidem, leviter tamen ære repulsum,  
 Extremam mucrone cutem, sine sanguine, strinxit.  
 Hoc animis cernens immanibus effera Phœbe  
 Ingentem, arboream, atque ima de stirpe recisam  
 Hastam intorquet: at illa auras certissima tranat,  
 Atque viam molita cavi per regmina scuti,  
 Aëræque per ferriq; moras descendit in imum  
 Pectus, & effregit costas: tum hærentia magno  
 Vulnere tela trahens, animam cum sanguine fundit.  
 Ille statim, taurus veluti media inter adactus  
 Cornua, vastus humi prosternitur & tremit artus

X ij



Arduaꝫ ingenti concussa est pondere tellus.  
 Mox circumfusi spoliant, & demta cruentis  
 Arma humeris rapiunt: auratis cingula bullis  
 Et clypeum Phœbus sumit, pallensꝫ comanti  
 Cum galea caput abscindit, truncumꝫ tepentem  
 Obruit immani subjectum mole Cadisci.

At socii exanimés passim in diversa timore  
 Labuntur, verruntꝫ dato vestigia tergo:  
 Hi déserta petunt cursu spelæa ferarum,  
 Hyrracida partes alii terrore sequuntur.  
 Quos pater omnipotens certè nil tale merentes  
 Prosequitur venia, parcitque precantibus ultrò.  
 Sunt quoque Musæo sua dona, quod, hoste relicto,  
 Se médium paci obrulerit, belligꝫ sequestrum.  
 Ergò spe citius magni confecta laboris  
 Res fuit, atque omni Divûm sine sanguine tantæ  
 Molis opus fractum, & sua gloria reddita cælo.

Olli sublimes in equis, discrimine tanto  
 Defuncti, redeunti, hostiliaꝫ arma ferentes,  
 Italiam clamore petunt, vimꝫ addere fessis  
 Accelerant: illic instructo Marte videres  
 Fervere vim pugna, clypeisꝫ effulgere campos.  
 Jam timor Enceladus Superûm alta conditus Aetna  
 Ingemit, atque latus motat, glomeratꝫ sub auras  
 Fumiferam noctem, & commistas igne favillas,  
 Hinc illinc clausus tenebris & carcere cæco:  
 Iæpetusꝫ, cava Prochyta, duroꝫ cubili  
 Subditus Inarimes, fremit horridus ore cruento.  
 Ipse etiam Alcýoneûs, quem jam demiserat Orco  
 Sapius Alcides, injecti mole Uesevi

Obrutus



Obrutus, ore ciet flammæ, ignesq; rebelles  
 Faucibus eructans supera ad convexa volutat  
 Terrificus, nebulaq; ingens mons æstuat atra.

Quis mihi nunc *Musa*, quis clades pandet *Apollo*,  
 Totq; viros, longis quos fama obscurior annis  
 Occulit ignotos? quis talia funera fando  
 Explicet? an tantæ superis Cœlestibus iræ  
 Juppiter, atque omnes bellorum effundis habenas?

Sternitur omne solum morientibus, altus ad astra  
 Lucida strage virum latè accumulatur acervus.  
 Non secus ac si quando effusa grandine nimbis  
 Præcipitat, densaq; operit nive tecta domosq;  
 Vertitur ipse inter medios, *Martemq;* fatigat  
*Castor* equum domitor, *Mithrasq;* nitente tiara,  
*Zosipolusq;* *Eleus*, & immortalis *Eänus*.

Parte alia latis contrà deservit in arvis,  
 Agmen agens peditumq; equitumq; *Volusus*, urbis  
 Rector *Agyllinæ*: ceu credidit alma vetustas,  
*Sylvano* satus, atque jugis enixus *Hetruscis*  
*Matre Thera*, ingenti in luco, propè *Ceritis* amnem.  
 Ponè duo subeunt juvenes, quorum alter *Alebas*,  
 Alter *Amalthiades*, hic equo fidentior acri,  
 Ille levi melior cursu, pugnaq; pedestri:  
 Densa manus circum gressus comitatur heriles  
 Servorum, magnoq; aciem glomerantur in unam.  
 Murmure, velati setis. Ceu sæpè palustres  
 In numerum coeunt fulicæ, cum *Laria* circum  
 Dulcibus in stagnis rimantur prata fluentis  
 Adduæ, & ingentes vertunt ad littora, prædas.

Hos contra egregiis ingens apparuit armis



*Vera Jovis soboles, nympha Symethi decretus,  
 Et forti innixus dextra, venientibus hastam  
 Immittit, sonuere auræ, rectaq; gemellos,  
 Aegialum atque Tragon, conjuncto vulnere fratres  
 Fundit humi, quos mater Ilythia lacte caprino  
 Nutriërat, tenensq; immulserat ubera labris:  
 Fecit enim hoc quondam teneri inclementia dentis  
 Quò minùs admòrit, mammisq; infix a cicatrix.  
 Tum Tereo atque Pheastro incumbit, & eminùs hasta  
 Conjecta, Tereum instantem transverberat: olli  
 Ingeminat vulnus fugienti, atque altior ira  
 Insurgens, perq; arma jacet perq; ossa Pheastri:  
 Occubat & Terilas, genitum quem matre Liburna,  
 Apforus Adriacis circumflua protulit undis.*

*Obvius ardenti sese offert Umber Amernus,  
 Magnum aliquid dextra sperans, vimq; adfore telo  
 Crediderat, longè at tremebunda supervolat hasta,  
 Incassumq; furens discussas vulnerat auras.  
 Tum verò implacati efferbuit ira Palici,  
 Horrendumq; tuens, librato missile, utrinquè  
 Tempora perfringit, cerebroq; undantia fuso  
 Extemplo immani de vulnere tela receptat,  
 Mox aliis latura necem, namque area scuri  
 Tegmina per, triplicemq; auro thoraca, Nerani  
 Pectus in oppositum stetit: olli frigida letho  
 Solvuntur membra, atque omnes mors occupat artus:  
 Pergit adhuc, magniq; Cleantis cominùs ense  
 Occupat os, animaq; viam mucrone recludit.  
 Ille quidem patrio nequidquàm elapsus ab hoste,  
 Italiam fato profugus, Cumanaq; venit*

*Littora,*



Littora, multa mari passus, furiisq<sup>ue</sup> suorum  
 Pulsus ob invidiam solio, sceptrisq<sup>ue</sup> Liburnis,  
 Exsilio scelus ut patris crudele piaret.

Ille etenim (memor horresco) matresq<sup>ue</sup> virosq<sup>ue</sup>,  
 Illyricasq<sup>ue</sup> nurus, mœstum & miserabile vulgus,  
 Urbis in excidium cum portas clauserat omnes,  
 Ad pœnam, ficta pro libertate, vocarat.  
 Triste nefas, nec quidquam jura fidemq<sup>ue</sup> Tyrannus  
 Ultoremq<sup>ue</sup> Jovem erubuit, pœnasq<sup>ue</sup> sequaces.

At procul ut quanto cuncta in discrimine rerum  
 Versentur, turbamq<sup>ue</sup> metu conspexit inermem  
 Salus Imerodes, Hetrusco ductor ab Arno,  
 Increpat hærentes, dictisq<sup>ue</sup> instigat acerbis.  
 Dedecus hoc prohibere viri, quos sorte suprema  
 Esse viæ comites voluit, sociosq<sup>ue</sup> salutis  
 Alma parens: pudeat nostram sine vindice gentem  
 Occubuisse: satis, si vincere fortè negatum,  
 Non tamen imbelles sine cæde & sanguine Divum  
 Has nostras fudisse animas, Orcumq<sup>ue</sup> subisse.  
 Extremum hoc saltem, precor, & commune periculum  
 Nè grave sit victus, totisq<sup>ue</sup> occurrite cælo  
 Viribus: ense viam sibi quisque recludat, & armis  
 Oppetat egregiam mortem, virtutis & ortus  
 Magnarumq<sup>ue</sup> memor laudum, quò sera nepotum  
 Venturorum ætas aliquod nomenq<sup>ue</sup> decusq<sup>ue</sup>  
 Nos etiam gessisse sciat: nè nulla superstes  
 Gloria cum vita immemori simul occubet ævo  
 Interit haud, virtute sua qui vivit, & expers  
 Mortis agit, totum fama super æthara notus:

Y



Quem non illa movent laudumq; agnata cupido,  
Jam perit, & aperta videt sua funera vivens.

Talia clamanti Tirynthius imminet heros,  
A tergo contraq; parat non verba, sed arma:  
Ille sonum agnovit, pedibusq; fugacibus atro  
Se letho eripuit, sociumq; recepit ad agmen.  
Cerva velut, latebris solitoq; egressa cubili,  
Pascua nota petit, crudum si territa cernat  
Fortè lupum, aut fulvum descendere monte leonem,  
Occupat obscuras sylvas atque in via lustra,  
Precipitiq; fuga densis se vepribus abdit.  
Ingruit Alcides victor, magnamq; per omnes  
Cede viros edit stragem: nec sufficit ultra,  
Jam divulsa acies, tot sese evolvere damnis.

Terrigenae attoniti monstros, deserta videntes  
Agmina, turbatasq; immani caede cohortes,  
Qua dubitant virtute, quibus se fraudibus hosti  
Eripiant: primus contra juvenilis Amyntor  
Emicat, aërio quem Daunius Apennino  
Miserat Etioneus Damala Sybaritide cretum:  
Ille tuens crudele, truci procul omnia visu  
Eustrat, & Alcide insultat, sic ore loquutus.  
Quis Deus Italicis iterum te reddidit oris,  
Pestis & atra lues mortalibus, orbe remenso?  
Non sat erat semel Hesperio maduisse cruore,  
Italiamq; implēse tuis terroribus omnem?  
Non ultra nostris ditabere, sæve, tropæis,  
Lucanasq; Lai Oenotrii penetrabis ad undas.  
Cacus Aventinis iterum consurget in arvis.

Arma-



Armabuntq; novum Junonia templa Lacinum.  
 Credo equidem, mentem modo veris implet haruspex,  
 Hæc suprema tuis quod lux affulserit actis.  
 Sarne, tuos testor fontes, Silariq; fluenta,  
 Si concessa precor, prope vestras consita ripas  
 Exuvius spoliisq; onerabitur arbor opimis.

Talia dicentem procul ut conspexit in armis  
 Amphitryoniades, quamvis vix mota furore  
 Ira moram patitur, sese his cum vocibus offert.  
 Non odiis certare satis, vanasq; loquaci  
 Ore movere neces, & tristia quæque minari:  
 Viribus experiamur & ense, quid illius in te  
 Si prisca virtutis inest: agè, consere dextram.  
 At verò juvenis formidine captus Amyntor,  
 Sanguineaq; oculorum acie, & sermone loquentis  
 Consternatus, ad Hetrusci se proripit alas  
 Agminis, & celerem cursu prævertitur Eurum.  
 Qualis in arva volans ingentem Chaonis ales  
 Dat tecto pennis strepitum, plausuq; superbo  
 Ipsa sibi placet, & motas diverberat auras:  
 Hos animos fastusq; alto si ex aethere raptor  
 Cernat, & irruat, affectati oblita decoris,  
 Tecta tremens petit, & timidas vix commover alas.

Ast illum Alcides fugientem in prælia poscit,  
 Exprobratque metum puero virtutis egenti,  
 Pauci obstant Italum, tantumq; imbellibus auras  
 Missilibus quatunt, & inertia tela fatigant.  
 Quorum de numero, jam funera certa timentem,  
 Cedentemq; loco vi magna robore adacto,

Tij



Immolat Alcathöum, quem gurgite Larius alto  
 Edidit, in rota quo non jucundior alter  
 Est lacus Hesperia: medionam profluit humor  
 Dulcis, & ingratas celer Addua respuit undas:  
 Hinc illinc stat iners liquor, atque virentia musco  
 Stagna ferunt gratas epulis Insubribus escas.  
 Ingenti circum tractu, longo ordine, montes  
 Perpetui cingunt, quorum iuga summa coronant  
 Castaneæ, atque habitæ Cræjis oracula quercus:  
 Rara tamen, quocunque patet, latus arbor obumbrat,  
 Sed frutices tantum & pingues nascuntur olive,  
 Perq; ulmos lentæ texunt umbracula vites:  
 Unde recens plenis spumat vindemia labris,  
 Cola q; prælorum fundunt dulcissima vina,  
 Qualia convivæ pateris libamus & auro,  
 Grata Deum sacris, mensisq; accepta secundis.  
 Radices nemora alta tenent, & lustra ferarum,  
 Hospitiisq; invitat aves frondentibus arbos,  
 Quas, silata juvent, aut lento fallere visco,  
 Aut pedicis poteris, canibusve per avia missis  
 Excutere auritos lepores, damasq; latentes.

Vix paulum belli furor, & clamosa quiêrant  
 Prælia, cum medium furiata mente per agmen,  
 Ardentesq; oculos suffusus sanguine & igni,  
 Irruit armipotens Tuiston, quo missile adactum  
 Inquirens, clypei bonitas quod repulit atræi:  
 Dumq; amens teli auctorem vestigat, in ipsum  
 Incidit AEnantem, antiqua de stirpe Falerni  
 Progenitum Gauri Minturnensisq; Maricæ:

At tu,



At tu, nulla reum quoniam via ducit ad ipsum,  
 Persolvas pœnam, exclamat, fortiq; catejam  
 Corripuens dextra, per trina volumina scuti,  
 Perq; rigentem auro tunicam, ferrum egit ad imum  
 Cordis, & ingenti pectus dirupit hiatu:  
 Ille cadit, caramq; vomens cum sanguine vitam,  
 Cervicem inflectit moribundam, altoq; sopore  
 Lumina clauduntur, lucem visura supremam.  
 Tum pergit, Corytoq; cateja incumbit eadem:  
 Illa volat stridens, summisq; cruenta pependit  
 Ex humeris, raptoq; iterum de vulnere telo,  
 Ocynoum petit, & vasti, magno impete, ventris  
 Trajicit intestina, harentemq; ossibus hastam  
 Urget adhuc, toto exstaret dum tergo ferrum.  
 Vix Clivus elapsus, qui dum fulcire ruentem  
 Germanum studet, acta cutem perstrinxit arundo.

At procul Ocynoi fatum lacrymabile cernens  
 Horruit Imalion, dextramq; tetendit inermem,  
 Suppliciter genua amplexurus: at irrita tentat  
 Vota precesq;, ambas cum jam foret acta per aures,  
 Orantis, cerebroq; viam patefecerat hasta.  
 Non animo tantum potuit perferre dolorem,  
 Et contra Enialus vastum thoraca, novemq;  
 Intextum clypei tauris opus objicit, hostem  
 Magnanimum opperiens interritus: excipit illum  
 Fortiter emisso hastili, & thoraca novemq;  
 Terga boum ingenti perumpit vulnere: at ille  
 Suspirans graviter, Saltem hoc sine posse precantem,  
 Si lacrymis locus, inquit, adhuc votisq; relictus,

Y ij



Incolumemq<sup>3</sup> sinas Lebanta redire parentes  
 Ad miseros, poenæ luimus sat sanguine nostro.  
 Quem contra Tuiston. Idem manet exitus illum,  
 Fraternasq<sup>3</sup> unà frater comitabitur umbras.  
 Audiit hoc Lebas, lacrymæq<sup>3</sup> per ora volutæ,  
 Noxq<sup>3</sup> pedem retrò referens, molitur inanem  
 Tesqua per alta fugam, atque hosti dat terga sequenti.  
 Sed Deus & jaculis & cursu fervidus instat,  
 Atque alias celer, atque alias superingerit hastas,  
 Vixq<sup>3</sup> jactis raptas properanter, ut ocyùs actis  
 Vulnere det telis, prius atram vulnere mortem  
 Volvitur ille solo moriens, & calcibus auras  
 Verberat exspirans, animamq<sup>3</sup> in sanguine ponit.  
 Talia per campos felici Marte Tuiston  
 Funera dat: letho elapsus vix unus Amodes,  
 Et Zances, quorum melior pede cautus Amodes  
 Effugit: infelix nutans per lubrica Zances  
 Concidit, immunda totus revolutus arena:  
 Collapsum rapit acer Adad, pedibusq<sup>3</sup> rotatum,  
 Ter circum caput egit, & actum fortiter æquor  
 In Siculum projecit: Iberus ut acer habenis  
 Strueta circumagit Balearis verbera fundæ.

Jamq<sup>3</sup> ut opes fractæ, fortunaq<sup>3</sup> tota recessit,  
 Et quisque abiectis trepidans diffideret armis:  
 Italus Alphestes parvis nutritus acerris,  
 At magnis generatus avis de semine Divûm,  
 Et comes Alcionei, dum res stetit integra bello,  
 Multa animo secum volvens, cladesq<sup>3</sup> suorum  
 Spemq<sup>3</sup> metumq<sup>3</sup> interrepetens, hæc pectore rumpit.

*Infortunati*



Infortunati quos non manus Herculis arrum  
 Traxerit ad lethum, Nysæi aut ira leonis:  
 Quò, maria emensi, ferimur? per inhospita saxa  
 Fortunam sequimur fugientem, spesq; negatas,  
 Et scelerum toto pœnas expendimus orbe.  
 Felices anima, Phlegæ sub mœnibus altis  
 Quis cecidisse datum, quæ tu, fortissime gentis  
 Terrigenum, premis Oromedon: quàm maximus armis  
 Nuper Athos gelidis riget imbribus atque pruinis:  
 Quàm Cinnus Rhoecusq; jacent, telisq; Dianæ  
 Alter Aloidum, quàm tot correpta sub undis  
 Thermaicus rotat arma sinus: vos nobile lethum,  
 Nos inhonesta fugæ comes ibit fama sub umbras.  
 Talibus illacrymans, in curas vertitur omnes,  
 Incertus quid agat, num correpto induat ense  
 Pectus, & imbellem properet per vulnera mortem:  
 An, quò fata ferant, & proxima meta salutis,  
 Proripiat cursu sese, quò nulla sequatur  
 Fama rei, ignotisq; erret peregrinus in oris:  
 Hoc placet, hoc fixum est: nusquàm tamen ille timore  
 Tecta domus subiit, non mœnibus ullius urbis  
 Successit, dum meta interq; horrentia lustra  
 Solorum nemorum, solis in montibus ævum  
 Exegit, vulsisq; aluit se stirpibus herbae,  
 Victu infelici, lectaq; sub ilice glande.  
 Interea fugiens iterum de rupe Typhoëus  
 Cauca sea, multum maris & telluris obruit,  
 Usq; Asiam extremam ad digressus & ultima Bactra,  
 Quàm se primus equis Oriens attollit anhelis,



Successum at fortuna negat, tum Juppiter hostis  
 Dīq; Deaq; omnes terrent: ea cura recursat,  
 Et pavidum in diversa animum sensusq; fatigar:  
 Omnia prodigiis & cæco plena tumultu:  
 Hinc portenta movent, intempestaq; volucres:  
 Hinc diræ ultrices, & mens sibi conscia culpæ  
 Horrificant: non ullam animo, non corde quietem  
 Accipit, aut dulci declinant lumina somno.  
 His furor accedit, mentemque insania mutat,  
 Quæque sibi certam poterat sperare salutem,  
 Deserit hanc iterum terram, erroresque retextit,  
 Cæcus Achæmenium remeans Euphratis ad amnem,  
 Quæque Palæstini Esseni, mirabile dictu,  
 Gens æterna tori sine munere vivit, amoris  
 Nescia, more feræ vitam sine crimine ducens.  
 Exsilio ex illo diversum ad litrus adactus,  
 Torus inops Protei devenit ad usque columnas,  
 Et Pelusiacam gentem nostro orbe remotam.

Sensit id omnipotens genitor, secumq; volutans  
 Fortè novum Phariis, ne terris colligat agmen,  
 Adventuque animis vires hostilibus addat:  
 Concilium cogit Divûm, remq; ordine pandit,  
 In commune ferant, ut qua ratione, quod instat  
 Præveniant fatum, & majoris semina belli  
 Avertant: quæ cuiq; animo sententia sedit,  
 Proferat in medium jubet, illos occupat horror  
 Nomine majoris belli, adventuq; Typhoëi.  
 Quôq; ea res gravior visa est, impensius omnes  
 Hoc etiam expendunt casus, metuuntq; futuro.

Tandem,



Tandem, nam mora longa trahit discrimen apertum,  
 Decernunt simul, & venienti opponere monstro,  
 Quò res cunquè cadet, quidquid fortuna minetur,  
 Castra placet, totisq; occurrere viribus hosti.  
 Reliquis Tibilenum Italique, Consumq; relinquunt  
 Magnanimumq; Curim Latio comitante Falacro:  
 Tu quoque Semideis te jungis Adrane Sicanis,  
 Tuq; Beles, qui numine lapidis arva Timavi  
 Aeterno, & totam Illyrici regis æquoris oram:  
 Hos Razenna, amboq; pari virtute sequuntur  
 Alter Evamerion, Saturnius alter Abadir.  
 At quibus incumbit sævo se offerre Typhoeo,  
 Auroramq; sequi, & septemplex ostia Nili,  
 Cœlituum jubare exorta delecta juventus  
 Se pugnae parat, atque armis inducitur artus:  
 Pars pedes incedit: celeres pars corpora saltu  
 Subjiciunt in equos: pars pictis curribus adsunt.  
 O genus ante alios, unaq; Laphystius ira  
 Aestuatur, & lateri fulgentem subligat ensem:  
 Germanumq; pater Tuiston, non ultima Divum  
 Gloria, per medios graditur, præterq; catejas  
 Teutonicas, geminos immani pondere contos  
 Versat ovans, quondam quibus, acer in arma Menæti,  
 Moliri incautis bellum patruelibus ausus.  
 Indè Tenes, & Enenthius, atque Tholestphorus augur,  
 Crajus & Eudanemus, & Persicus Oromagdas.  
 Cælestusq; Psaphonq; ruunt, Niloq; creatus  
 Palmytus, rostroq; Deus metuendus adunco,  
 In raptoris avibus faciem collectus Epiës,



Membraq; quò similis deformia velet amictus,  
 Tigridis exuviae pendent à vertice ad imos  
 Usquè pedes, auresq; cavas & tempora circum  
 Ora fera inclusere caput cum dentibus albis.  
 Ipse Deum genitor, quo non praestantius ullum,  
 Telum immane manu magna numero eligit omni.  
 Heu quas in terras, quas illud vibret in oras,  
 Utitur haud unquam, ni magnas territet urbes,  
 Aut mare sollicitet, totumq; tremoribus orbem.  
 Tum Belum atque Sabin, pariter duo fulmina belli  
 Praemittit, latè quò terram indagine cingant,  
 Vestigentq; virum, circumq; infanda furentem  
 Insidiis subigant, nè quò elabatur ab armis.  
 Olli iussa parant, similesq; volucris Euris  
 Effusi, celeres antebant cursibus auras:  
 Quaq; pharetrata vicinia Persidis urget,  
 Milite circundant Arabum ditissima regna,  
 Angustasq; vias, & rubri littoris oras,  
 Quà deserta siti, & plaga torrida semper ab igne,  
 AEstuat Aethiopum calido sub sidere Cancrì.  
 AEquora Neptunus, tempestatumq; potentes,  
 Et pater Oceānus claudunt, & Glaucus, & omnes,  
 Imperium quibus est pelagi, saviq; tridentis.  
 Utq; dato signo castris prorupit apertis  
 Divum animosa phalanx, magno gemit excita pulsus  
 Quadrupedante pedum tellus, atque arma coruscis  
 Solis inardescunt radiis, longeq; refulgens.  
 Tum flammæ assiliunt, vibratumq; aethere fulgur,  
 Eliduntq; oculos, & lumina luce fatigant.

Terrigenae,



Terrigena, nè, quò se verteret, aut quibus armis  
 Eset opus sciret, fatoq; resistere posset.  
 Non ruit hibernum tam densa grandine cælum,  
 Tot nec Achaemeniis funduntur Medica Parthis  
 Spicula, victorum cùm castra sequentia tardant.  
 Quot pater omnipotens, dextra lævaq; coruscans,  
 Europa atque Asia pulsum profugumq; Typhoea  
 Versat agens telis, omniq; ex parte cruentat.  
 Ille furens animi, atque ingenti turbine raptus,  
 Occursat, telum ira facit, quodcunque repertum,  
 Antiquasq; domos avium, cum stirpibus imis  
 Eruit, exclamansq; immani voce, supinas  
 Torquet in instantes, & crebris jactibus alti  
 Eripit aspectum cœli: sed nulla salutem  
 Vis aperit, nulla ars virtusq; obsistere Divis  
 Sufficit, & dubitans quæ prima pericula viter,  
 Clamorem horrendum tollit, quo Nilus & Atlas  
 Ultimus intremuit, penitusq; exterrita Memphis.  
 Illum ut Cœlicolæ telisq; armisq; carentem,  
 Cedentemq; loco videre, hinc cominus, atque hinc  
 Nox circumglomerati omnes rapiuntq; feruntq;  
 Vulnera nec capiunt immania membra, locusq;  
 Missilibus defit, sic toto corpore densa  
 Telorum seges infixis mucronibus hæret.  
 Horret atrox sævitq; Gigas, iterumq; dolorem  
 Testatus clamore, gemit, quo maxima rerum  
 Astra tremunt, reb oatq; cavis convallibus orbis:  
 Seq; videns circum extrema jam in morte teneri,  
 Tigris ut hinc illinc venantum indagine septa,

Z ij



Fixa super fertur venabula, & ara Moloſſum  
Sæva per, instantis securus vulneris exit.

Haud aliter, Divum quæ se denſiſſimus ordo  
Objecit, per tela ruit perq̃ arma Typhoeus,  
Elapſusq̃, tribus Strophadum prope paſſibus oras  
Aſſequitur, longè Superis poſt terga relictis.

Jamq̃ in conſpectum Siculae telluris & Aetnae  
Venerat, in gentem maris, anguſtiq̃ Pelori  
Cum gemitum horreſcens, canibusq̃ ſonantia ſaxa,  
Eluſumq̃ vadum, & rorantia fluctibus aſtra,  
Pantagia portus, & longo læva petiuit

Aequora circuitu Megarae, Taſſiq̃ jacentis,  
Ortygiamq̃ tremens devenit, & Elidis amnem,  
Quæ grave Plemmyrii motis ſonat æſtus arenis,  
Felicemq̃ trahens limum ſtagnantis Elori  
Alveus: objicibus ruptis, ſuperinnatat agris.

Hic quoque vindictam molitur, & alta Pachini  
Saxa ciet, toto connixus corpore, & omni  
Robore: diſſultant Erycino in vertice ſedes  
Idalia, atque ipſis nutant cum mœnibus urbes:  
Scylla ferox procul horriſicum tonat, atque ruinis  
Ingeminat, raucos timore ad ſidera fluctus  
Eruſtat latratu, & arenas commovet imas.

Juppiter accelerans non hoc tulit, atque revulſas,  
Vertit in auctorem moles, ſubigitq̃ coactum  
Vi magna horrendum, informem, ingentemq̃ Typhoea.  
Quo ſe præcipuè Tellus jactabat alumno.  
Si duo prætereà tales enixa tuliffet  
Terra viros, iterum nova gens invicta moveret.

Arma



## LIBER IIII.

Arma Jovi, & versis lugerent sidera fatis.  
Quidquid enim tanto cessatum est tempore belli,  
Illius Enceladiq; manu victoria cœli  
Hæsit, & antè datum haud inimicam tollere gentem.  
Sapiùs ille quidem immanes attollere rupes  
Nititur obnixus, sed totis viribus usus  
Deficit, injectumque coërcet robora pondus.  
Tum super assistens Divùm pater atque hominum rex,  
His onerat dictis. Hic nunc metuende Typhoëu,  
Hic hostis metuende jace, nil guttura centum,  
Nil centum juvère manus, genitrixq; Cybele.  
Hæc certè ex illo tibi jam speranda fuerunt  
Tempore, non meliora, tuis cùm viribus ausi  
Sunt conjurati cœlum rescindere fratres.  
Nunc morere, & meritas, scelerate, expendito pœnas.  
Talibus effatus, moles superaddidit omnes,  
Atque indignantem, magno cum murmure, circum  
Montibus inclusit, speluncisque abdidit atris.

F I N I S.







